

# مشاكل الزوج والحلول

مشاكل زوجية وشبهات مخنّاة وحلولها الواقعية والشرعية



أحمد الأهواني

الجزء الأول

اعرف نفسك

# مُقَلَّمَةٌ



الحمد لله رب العالمين والصلاة والسلام علي النبي الكريم وبعد..

هذا جمع مبارك مختار من منشورات الشيخ أحمد الأهواني ،والعنوان واختيار المواضيع من طرف الموسوعة، ونعلم أن فضيلته لايمانع من اختيارنا طالما لاينبدل ولاغير في منشوراته كما أنها أمانة نلتزم بها مع كل الأفاضل...

هدفنا من العنوان والاختيار التنوع في نشر جملة من المواضيع القيمة المختلفة كوجبة دسمة.. تبين مشاكل الحياة عموماً وما يتعرض له الشباب قبل الزواج وبعده لسوء الفهم ..فضلاً عن شبهات يطرحها البعض فتثير البلبلة ..فكان الشيخ يتصدي لها بما له من خبرة في الواقع علي مدار سنوات يجتهد للتوفيق في حل المشاكل للشباب ممن يسأله ويستشره وذلك من منظور شرعي ويقدم النصائح والتحذيرات والتوجيهات لمن كان في غفلة مما يري في دنيا الناس.. ومايطرحه الشيخ ليست فتاوي فليس مفتياً ولم يدعي ذلك! ..بل هي استشارات ونصائح تصقلها تجارب السنين في الدعوة للعودة إلي الزواج الشرعي الخالي من البدع والعادات التي اثقلت كاهل الشباب مما أدت لكوارث أجتماعية وقانونية ومخالفات شرعية جسيمة..دمرت الكثير من الشباب وساهمت في التشدد والتطرف والعزوف عن الزواج لصعوبته وتكاليفه ..

وبدأنا هذا الجمع المختار من ١٠ إبريل ٢٠٢٥م - إلي أول يناير ٢٠٢٥م تنازلياً، وهو مايفوق ١ رجب ١٤٤٦هـ ... ونستمر هكذا من آخر منشور إلي حيث بدأنا في الجزء الثاني كل فترة حسب مايطرحه من انتاج وكميته.. وهكذا دواليك.

وستكون علي أجزاء وهذا الجزء الأول من مشاكل وحلول.. وكل جزء مكتمل بمشاكله وحلوله.. ونكرر العنوان والجمع إنما هو اجتهاد من الموسوعة لحفظ انتاجه. مع نشر مايفتخره ويجمعه الشيخ كسلاسل أن وجدنا والله المستعان





لما كنت في مرحلة الإعدادي ظهرت أمامي أول صورة لامرأة متدثرة في حياتي في الوقت ده كنت صغير وهي كانت جارتنا وكانت دائماً تتكلم بالشرع والنصوص الشرعية ، وفي الوقت ده كنت صعب جداً تسمع من النساء التحدث في التفاصيل الفقهية دي ساعتها كنت معجب جداً بكلامها ، وكانت دائماً تيجي تزور والدتي وتقعد عندنا وتحكي أحياناً لوالدي عن مشكلاتها مع زوجها

كان والدي رحمه الله مهتم بحل مشاكل الناس ، لما أتيحت له فرصة الجلوس مع زوجها فوجئ إن الراجل طيب أوي والست دي ناشز وجايه بطريقة جديدة كان والدي أول مرة يشوفها (ناشز بصبغة شرعية)

أبويا في يوم رجع مرهق من الشغل وصحي علشان يصلي العصر ، وأنا توضأت ونازل أصلي معاه ، فوجئ بالست دي بتشرب الشاي مع أمي في الصلاة قبل ما ينزل قال لها: (اشربي الشاي بسرعة علشان أنا هنزل) الست ظهر عليها التوتر وفهمت إنه بيطردها فقالتله: (ياأستاذ جمال..أنا بحترمك وبقدرك ، صحيح أنا أكبر منك سنّاً لكنك ياأستاذ جمال أكبر مني مقاماً) أبويا قال لها: (ليه؟..هو انتي مواليد سنة كام؟) قالتله: (مواليد ١٩٥٧)

قال لها: (أنا مواليد ١٩٤٨ ..اتفضلي اشربي الشاي) 🍵 وإحنا رايعين نصلي قلت لأبويا: (إنت عملت معاها كدا ليه؟) لإن والدي كان لطيف جداً مع الناس ودي مش عادته قاللي: (الوليه بنت الـ 🐶بوظت بيتها وجايه تلعب في دماغ أمك)

[#حد\\_فهم\\_حاجة؟🤔](#)

⬅️اوعى تسبب بينك لكل من هب ودب يدخل يفرغ سموم أفكاره النسب..وية وإنت مغتر بالكلام والحجاب الشرعي



➡ أبويا عارف إن أمي على الفطرة ودماعها مش هتجيب إن اللي بتتكلم كدا ممكن تكون ناشز بس مستترة بالكلام الشرعي الجميل وبدل ما تاخدها قدوة ليها وتتشرب من أفكارها كان لازم الحزم

➡ أمي ربنا يحفظها لما سألتها عن دا بعدها (لإني لقيتها متقبلة جداً قرار أبويا ولم تعتبره إهانة لها والست قاعده معاها) قالتلي: (أبوك يا حبيبي هو صاحب القرار في بيته ويعرف نوعيات الناس أكثر مني)

➡ من الأمانة اللي ربنا هيسألك عليها (أهلك) هيسألك عن عقيدتهم وأفكارهم... (فلازم تكون أد الأمانة وتتابع هما بيتعرفوا على مين)

[#تصحيح مفاهيم الزواج](#)



فكرة تربية جيل وبث العقيدة فيه دي مش

مجرد فكرة ولا شئ... دا هو دا طريق الأنبياء

على مر العصور

والقول أن كل الأجيال يفعل معها هذا وسنظل

في حلقة مفرغة ، فهذا فهم خاطئ تماماً

إذ أنه يتوجب على المصلحين القيام بدورهم ولا

عليهم هل مكن لهم أم لا

هل هذا الجيل يستحق النصر ؟

دا جيل الأم فيه مبتعرش تعيش مع زوج غير

بإيصال أمانة خشية وجود قوامته... هو دا جيل

لدي سؤال... أرجو الا يتم فهمي بشكل خاطئ، لماذا نستمر بقول ان افضل شيء لنصرة الامة مثلاً هو التركيز على جانب الاسر وتربية اطفال عسى ان يكونوا هم قادة الامة... واعتقد ان هذا الكلام تم توجيهه ايضا للجيل السابق و الان لجيلنا و لا استبعد ان يقال نفس الكلام للجيل القادم ، اعني لما لا نكون نحن من يرفع لواء التمكين هذا بدلا من القاء هذه المهمة على الجيل القادم؟ هل سنستمر في هذه الحلقة المفرغة؟

النصر اللي بتكلموني عنه وإن الدعاة اشتغلوا عليه!

[#افيقوا يرحمكم الله](#)





## أخي صاحب المشكلة ، اسمع مني أنت وغيرك هذه الكلمات

كانت تعيش معك وتحسن عِشْرَتَكَ ، ثم ابتلاها  
الله بمرض لا بإرادتها ولا بإرادة أحد ، فكرت  
في الزواج الثاني لتعف نفسك في زمن ملئ بالفتن  
أَيُكون أول ما تكافئها به أن تُعَلِّق على شكلها بعد  
مرضها بطريقة فيها ما يجرحها ؟  
لَحَسَب أن المشكلة في رفضها ليست في  
زواجك بقدر ما هي في توقيتك وكلماتك التي  
ربما كانت سبباً في قهرها  
تعيش في مرضها بين صراع الصبر على

يا شيخ كان عندي زوجة عشنا مع بعض  
16 سنه وكانت فعلا انسانه كويسه جدا  
ومقصرتش في حقي ابدًا ولكن هي  
اتصابت بالسرطان فبسبب الكيماوي  
وتساقط شعرها طبعًا والمرض فشكلها  
كان منفر جدًا فكنت عايز اتجوز ثاني  
عشان اعف نفسي وقتها هي رفضت  
وقلت ادبها معايا قالت اني نذل وانا  
بصراحه علقت بطريقة جارحه على شكلها  
وقتها فهي عيطت واصرت عالطلاق  
وطلقتها ومن حوالي شهر هي توفت  
من المرض واولادي 15 و 12 سنه مش  
بيكلموني والمعظم بيلومني وكانت  
بتقول انها مش مسامحاني وهي بتموت  
هل عليا ذنب او ظلمتها ؟

ابتلائها وبين زوج نَفَرَ منها بسبب البلاء ويُصرح لها بذلك  
سَقَطَتْ من نظر أولادك ، هذا السقوط ربما كان هو نفس تصرفهم لو فعلت هي معك ذلك  
سألني أحدهم قبل زواجه في نفس حالتك فنصحته أن يتزوج لإعفاف نفسه دون أن  
يخبرها.. (ويحك أخي لا تقتلها مرتين)



لا تكونوا عوناً للشيطان على صاحب البلوى

اصلح ما بينك وبين أولادك.. أنا لا أري لهم أبداً  
قطيعتك وأنت (الأب) مهما فعلت... كي لا يكون  
مبرراً لولد أن يقطع صلته بأبيه

انصحك أن تتصدق عنها ، تستغفر لها ، تفعل الخير الذي لو كانت عاشت معك لفعلته  
انتبهوا.... ليست المشكلة في زواجه فقد يكون واجباً ، المشكلة في تجريحها بدلاً من مواساتها

[#تصحيح مفاهيم الزواج](#)

مشاكل وحلول أحمد الأحماني  
مشاكل زوجية وشبهات مخنّاة وحلولها الواقعية والشرعية



المرأة التي تريد أن تتعلم كيف تتعايش مع زوجها ليسير بيتها بسلام وأمان لا بد لها أن تتعلم عن طباع هذا الزوج الذي هو واحد من جملة الرجال تفهم شخصيته كي لا يعلو سقف طموحها فيه فتفسد العلاقة حينما تنتظر منه ما ليس بمقدوره ولم يُجبل عليه 🙏

### #شوفي الحديث ده 🙏

يقول النبي ﷺ : (كل نفس من بني آدم سيّدٌ ، فالرجل سيّدُ أهله ، و المرأة سيّدةُ بيتها)

🙏 الحديث دا بيوضح أمرين مهمين 🙏

١/ طبيعة الزوج : (سيّدُ أهله)

٢/ طبيعة للزوجة : (سيّدةُ بيتها)

صحيح أن للزوج القوامة خارج البيت وداخله ، ولكن هناك سيادة صُغرى للمرأة داخل بيتها تحت مظلة السيادة العليا لزوجها

نظرة الرجل للبيت تكمن في هذا الحديث بالضبط

(النبي ﷺ زي ما يكون بينبهِك لأمر سيغفل عنه الكثير

من النساء ، ومنحك سيادة هتحتاجيها)

### #انتبهي جيداً 🙏

بعض النساء يرتفع عندهن سقف الطموح والتطلعات في الزوج ، تسمع الواحدة منهن في المشكلات تقول: (مش بيساعدني خالص \_ كنت مريضة ومرضيش يشيل العيال \_ تعبت والمواعين فضلت بالأيام من غير غسيل)

وعندما تناقشن في الأمر تجد أنهن يعتقدن أن هذا من مهام الزوج ، بل وصل الأمر ببعض منهن لاستحقاقية طلب الطلاق لعدم تعاون الزوج في مهام البيت... (طب والسيادة الصغرى دي واخداها ليه ؟) 🙏

🙏 دخلت الفتنة حديثاً على دارسات العلم الشرعي ، فصرت تسمع الواحدة منهن تحتج عليك بقول أم المؤمنين عائشة رضي الله عنها: (كان رسولُ الله - ﷺ - يخصف نعلَه، ويخيطُ ثوبَه، ويعمل في بيته كما يعمل أحدكم في بيته)

عائشة بتوصف أعمال... (هي أصلاً من أعمال الرجال في زمانهم)

هي نفسها تقول للصحابة (كما يعمل أحدكم في بيته)

موسوعة  
اعرف  
دينك



الرواية دي عامله زي اللي تقولك عن زوجها دلوقتي: (كان بيغير اللبة \_ عمل شوية شغل في السباكة \_ بيغير كاوتش عربيته)

👉 رفع سقف الطموح من زوجة أخذت سيادة في جانب معين (الزوج نفسه مضطرب دماغه عليها) يفسد العلاقات ولا يصلحها

بل المداومة في طلب هذه الأمور من الزوجة لا يفهم عند الرجال بغير هذه الكلمة والتي نسمعها كثيراً (زوجتي جايه من بيت متعلمتش فيه حاجة)

👈 لو تخيلنا أن الزوج الصناعي بسبب مرضه طلب من زوجته تشتغل مكانه في المحارة علشان عنده شقة لازم يخلصها ، هنستوعب حال الزوج اللي زوجته بتزعل علشان المواعين بقالها فترة في الحوض

👈 لو تخيلنا إن زوج اتصل بزوجته علشان تصلح بالوعة الشارع العمومية علشان هو سباك وعنده سفر والدنيا خربت في الشارع وهو مش موجود ، هنستوعب برضو مشهد الزوجة اللي عاوزة من زوجها يشيل العيال علشان تعرف تنام

👉 الحقيقة إحنا بننصح الأزواج أحياناً يعملوا ده من باب الفضل وفي النادر النادر من حياتهم مش عيب ومش هيقل منك كرجل أبداً

بس العجيب إن الزوجة تطلب ده على الدوام بالرغم إنها قاعده في بيتها مبتشتغلش ومش وراها غير البيت 🧑

لا كمان وتطلبه بلسانها من غير إحراج ولسان حالها (أشعر بالإستحقاقية أنا و ١٠ آخرون) 🙄

### #شوفي\_النموذج\_ده👉

عائشة رضي الله عنها صاحبة نفس الرواية وهي بتتكلم الكلام ده كانت أختها أسماء رضي الله عنها تقول: (تَزَوَّجَنِي الزُّبَيْرُ وَمَا لَهُ فِي الْأَرْضِ مِنْ مَالٍ وَلَا مَمْلُوكٍ ، وَلَا شَيْءٍ [كَانَ فَقِيرَ مَعْنَدُوشِ حَاجَةً] ؛ غَيْرَ نَاضِحٍ [جَمَلٍ] وَغَيْرَ فَرَسِهِ ، فَكُنْتُ أَعْلِفُ فَرَسَهُ ، وَأَسْتَقِي الْمَاءَ ، وَأُخْرِزُ غَرْبَهُ [يَعْنِي تَقُومُ بِخِيَاطَةِ بَعْضِ الْجُلُودِ لِصَنْعِ الدَّلْوِ] ، وَأَعْجِنُ ، وَلَمْ أَكُنْ أَحْسَنُ أَخْبِزُ [بِتَخْبِزِ وَهِيَ مَشْ مَتَعُودَةٌ عَالِخَبِيزٍ] ، وَكَانَ يَخْبِزُ جَارَاتِي لِي مِنَ الْأَنْصَارِ ، وَكُنَّ نِسْوَةً صَدَقَ ، وَكُنْتُ أُنْقَلُ النَّوَى مِنْ أَرْضِ الزُّبَيْرِ الَّتِي أَقْطَعَهُ رَسُولُ اللَّهِ ﷺ عَلَى رَأْسِي ، وَهِيَ مِنِّي عَلَى ثَلَاثِي فَرَسَخٍ [بِتَنْقُلُ النَّوَى مِنْ أَرْضِ زَوْجِهَا عَلَى رَأْسِهَا وَتَمْشِي ٤ كِيلُومِتْرَاتٍ])



دا مثال بسيط لحال أخت راوية الحديث أم المؤمنين عائشة رضي الله عنها..(شايقين حياتهم في وقتهم كانت إزاي ؟..افهموا الأحاديث في ظل طبيعة عيشتهم علشان بيوتكم تتصلح)  
سقف الطموح لما كان عادي كانت البيوت ماشيه بهدوء ،  
لما سقف الطموح والإستحقاقية عند النساء زادت بقت المرأة مستغربة من عصبية زوجها..زوجها اللي بيعمل شئ بيخالف طبيعته ، وعلشان النبي ﷺ عارف إنه بيخالف طبيعته جعل له سيادة عليا وجعل لزوجته سيادة صغرى داخلية في سيادته علشان تتحمل المسئولية بتاعتها بكل الصلاحيات اللي هتفهم سيادتها على بيتها صح حياتها هتكمل  
واللي هتخبط في فهم سيادة الرجل حياتها بتفشل وبتفكر إنها ماشيه صح  
[#يارب نفهم](#)



👉الأخت بتقول إنها راحت الحرم لقت الرجال والنساء كدا مع بعض عادي .. رجعت من هناك  
لقتني بتكلم عن الإختلاط وخروج النساء  
وهكذا

طبعاً شبهتها منطقياً جداً..(أنا يعني هفهم  
أكثر من المشايخ اللي هناك وساكتين؟)



[#هجاوبك ياأختي](#)

👉الأصل في ديننا إننا لما بنختلف في

شئ بنرجع فيه للكتاب والسنة

شوفي مثلاً النبي ﷺ لما بيقول: (صَلُّوا

كما رأيتموني أُصَلِّي)..يبقى هنصلي

زي ما كان بيصلي حتى لو الكل خالفه

ولما يقول: (خذوا عني مناسككم)..يبقى

السلام عليكم ورحمة الله وبركاته  
جديدة على الصفحة بس استوقفتني  
شوية حاجات لقيت حضرتك مركز عليها  
وهي حرمة الاختلاط وخروج النساء وكذا  
وكذا  
ياشيخ أنا كنت في العمرة وكنا ببنطوف  
مع الرجال عادي فهل حضرتك افقه  
واعلم من مشايخ المسجد الحرام ؟ مش  
فاهماك بصراحة ليه التشدد ده  
ياريت تنشر رسالتني وترد على الشبهة  
من فضلك



هنتعلم فعله في المناسك كان إيه وهنعمل زيه

### #هل الحج زمان كان مختلط؟ 🤔

👉 في صحيح البخارى برقم (١٦١٨) يقول عطاء وهو

يَصِفُ طَوَافَ أُمِّ الْمُؤْمِنِينَ عَائِشَةَ رَضِيَ اللَّهُ عَنْهَا

(كَانَتْ عَائِشَةُ رَضِيَ اللَّهُ عَنْهَا تَطُوفُ حَجْرَةَ مِنَ

الرِّجَالِ لَا تُخَالِطُهُمْ) [وَحَجْرَةٌ مَعْنَاهَا مَعْتَرِلَةٌ] دِي صِفَةِ حَجِّ أُمِّكَ وَأَمَّا عَائِشَةُ رَضِيَ اللَّهُ عَنْهَا

بَلْ كَمَا فِي الرَّوَايَةِ الَّتِي بَعْدَهَا بِرَقْمِ (١٦١٩) يَقُولُ النَّبِيُّ ﷺ لِأُمِّ سَلَمَةَ رَضِيَ اللَّهُ عَنْهَا (طُوفِي

مِنْ وَرَاءِ النَّاسِ وَأَنْتِ رَاكِبَةٌ) وَكَانَتْ فِي هَذَا الْوَقْتِ مَرِيضَةً... (دِي صِفَةِ حَجِّ أُمِّهَاتِ

الْمُؤْمِنِينَ.. مَفِيشِ إِيخْتِلَاطٍ مُطْلَقًا).. كُلُّهُ بَعِيدٌ عَنِ الرِّجَالِ

👉 بَلْ لَمَّا كَانَتْ خَلِيفَةُ عُمَرَ بْنِ الْخَطَّابِ رَضِيَ اللَّهُ عَنْهُ وَرَأَى ابْتِعَادَ النَّاسِ عَنْ هَذَا الْأَصْلِ ..

(نَهَى أَنْ يَطُوفَ الرِّجَالُ مَعَ النِّسَاءِ.. فَرَأَى رَجُلًا مَعَهُنَّ فَضَرَبَهُ بِالْدِّرَّةِ) أَيْ بِالسَّوْطِ الَّذِي فِي يَدِهِ

🤔 (أَخْبَارُ مَكَّةَ لِلْفَاكِهِي)

عُمَرَ لَقِيَ رَجُلًا يَطُوفُ مَعَ النِّسَاءِ فَضَرَبَهُ 🤔

🔪 تَتَعَجَّبِي أَكْثَرَ لَمَّا تَشُوفِي الشَّرَفَ الَّذِي وَصَلَتْهُ امْرَأَةٌ وَرَاحَتْ لِأُمِّ الْمُؤْمِنِينَ عَائِشَةَ تُبَشِّرُهَا وَتَقُولُ

لَهَا (يَا أُمُّ الْمُؤْمِنِينَ طُفْتُ بِالْبَيْتِ سَبْعًا ، وَاسْتَلَمْتُ الرُّكْنَ مَرَّتَيْنِ أَوْ ثَلَاثًا) تَفْتَكِرِي عَائِشَةُ قَالَتْ لَهَا

إِيه؟

أُمُّ الْمُؤْمِنِينَ عَائِشَةُ قَالَتْ لَهَا (لَا آجِرَكَ اللَّهُ ، لَا آجَرَكَ اللَّهُ .. تُدَافِعِينَ الرِّجَالَ ! أَلَا كَبَّرْتَ وَمَرَرْتَ

(!؟)

شَايِفُهُ.. لِلدَّرَجَادِي الْمَوْضُوعِ كَانَ شَدِيدٌ عِنْدَهُمْ

👉 لَمَّا خَالَفْنَا الْأَصْلَ دَا .. أَصْبَحَ مَا نَحْنُ فِيهِ هُوَ الْأَصْلُ.. وَأَصْبَحَتْ أَفْعَالُ أُمِّهَاتِ الْمُؤْمِنِينَ هِيَ

التَّشَدُّدُ.. وَلَوْ رَجَعْنَا لَدِينِنَا لَمَّا وَجَدْنَا مُخَالَفَةَ

### #معنى الكلام 🗣️

🔪 اللَّيِّ مَوْجُودٌ فِي الْحَرَمِ دَلُوقْتِي وَضَعُ خَاطِئِي .. وَفِكْرَةُ إِنْ مَشَايِخَ الْمَسْجِدِ الْحَرَامِ وَالْفُقَهَاءَ هُنَاكَ

سَاكِتِينَ عَلَيْهِ فِدَا مِخْلِيشِ الْحَرَامِ حَلَالٌ مُطْلَقًا ... (بَدِيلٌ إِنَّهُمْ سَاكِتِينَ عَنْ حَاجَاتِ أَكْبَرَ مِنْ كَدَا

بِكْتِيرِ عَادِي)

كمان فيه حُجة الناس بيرددوها في الموضوع ده وهو إن العدد كبير ومنقدرش نقيم الشرع هناك حجة ضعيفة جداً لأن هذا اتهام لله أنه لم يكن يَعْلَم أن الأمة سيصل عددها لهذا العدد فيستثنى ذلك بنص في قرآن أو سنة .... وحاشاه .. (وَمَا كَانَ رَبُّكَ نَسِيًّا)

والعجيب بقى إن بعض الناس بدأوا يرتبوا حِكم وعبر ومواعظ من الكوسة دي ويقولولك: (الإختلاط فى الحرَم بيبكون علشان الناس يفتكروا يوم القيامة وعلشان يتعلموا إن كل واحد ينشغل بنفسه مش باللى حواليه) 🌈

طيب الناس دول هيسمحوا لنا بعد كده نطوف بالبيت عِرة زى ما هنكون يوم القيامة وللا إيه؟



#يارب\_نفهم 🌟



👉الإستشهاد ببعض مواقف النبي ﷺ من غير ذكر تربيته لأصحابه الذين قد غُرس في نفوسهم وعقولهم تبشيع الكـفر والموبقات ومن غير ذكر الفارق الكبير بين فهمهم بما تربوا عليه وبين جيلنا .... (نوع من أنواع التدليس الذي نبرأ بأهل الفضل أن يقعوا فيه)

يحكي لنا النبي ﷺ أن بغياً من بغايا بني إسرائيل سَقَتَ كَلْباً فغفر الله لها يحكي هذا وهو يذكر لك وصفها ونعتها ، وما كان من تربيته لهذا الجيل أن يُفهم من ذلك تساهلاً في المحرمات ثم (سقيا كلب) 🐶

النبي ﷺ يأتيه علياً ليقول له: (إِنَّ عَمَّكَ الشَّيْخَ الضَّالَّ قَدْ مَاتَ فَمَنْ يُوَارِيهِ) يتحدث بهذا عن رجل من أكثر الذين انتفعت بهم الدعوة ولكنه مات مشركاً لم ينكر عليه تضليله له مع صنيعه في حياته

فالعقائد لا تعرف المداهنات !

يسمع خالداً يسب الغامدية بعد رجمها ، فيدفع السب عنها ويخبره كيف قبل الله توبتها في وقت يعلم من أصحابه تبشيعهم للحرام والموبقات ، بل ربما ما انتهوا من رؤيتها في صورة المرجومة

ثم تأتي أنت ، نعم أنت



في زمان لا تعلم المسلمات ما هو المطلوب منها ، ولا الغاية المنشودة منها ، بل لا تعلم المسلمة بأي طريق يتحقق الـ(كارير) لها كمسلمة وتنثي على امرأة قالت كلمة من غير توضيح ماذا تفعل ؟

إن هذا الغرب لا يخشى من كلمة خرجت من هنا أو من هناك كما تزعمون ، فقد وصل بالمرأة التي تعيش بينهم لما أرادوا

إنه يخشى من هذه المرأة التي تعي أن مهمتها

التي ستورق مضاجعهم هي القارة في بيتها ،

التي تربي جيلاً يهزمهم

لا هذه التي ذهبت وعاشت واختلطت بينهم وأعطت

لهم أولادها يربوهم في مدارسهم

لا تكونوا فتنة للمؤمنات أكثر من هذا ، لا ترى منك المسلمة أنك تتجاهل كل هذه الموبقات أمام

كلمة ! فالإيمان قول وعمل فلا تكونوا مرجئين

اثنوا عليها إن كان عندكم أقل درجات الوعي الذي يصل للمسلمات منكم ...أنتم في زمان لا تعي

المسلمة أصلاً لماذا خلقت

[#افيقوا\\_يرحمكم\\_الله](#)



**مشاكل وحلول**  
أحمد الإلهواني  
مشاكل زوجية وشبهات متناهية وحلولها الواقعية والشرعية



👉 الأخ زياد اللي معايا في الصورة دا كان كل

شوية يعدي عليا يقوللي: (مش لاقى عروسة

من اللي إنت بتقول عليهم) ... [زياد اللي

لابس بدلة] 😊

قعدت معاه فترة كدا أشرح له يختار إزاي لحد

ما جه في يوم يقوللي: (أنا لقيت طلبي وزيادة)



إمبارح دعاني لحضور عَقد زواج أخته اللي تزوجت هي كمان زواجاً شرعياً وكانت المفاجأة  
إني أقابل حماء ونسييه هناك

حماء الشيخ محمد عبدالستار من دعاة الجمعية الشرعية [واقف جنب زياد] ، لما سألتته هو إنت  
زوجت زياد إزاي دا دائماً بيشكر في حضرتك  
قاللي: (هو معقول أكون قاعد طوال عمري أكلّم الناس في الرجوع للدين ولما أزوج بنتي أزوجه  
غلط ؟)

المفاجأة بقي كانت بأحمد ابن الشيخ محمد.. [اللي واقف جنبني]

أحمد بيقوللي: (إنت عارف أنا كمان اتزوجت إزاي ؟)

يقول له: (إزاي ؟)

قاللي: (كنت بكلم أصدقائي في الكلام اللي بقرأه عندك يقولولي... وإن هتلاقي دا فين ؟)

قلتلهم: (يعني ربنا خلق كل النساء دول ولم يخلق واحدة لأحمد عبد الستار) 😊

بيقوللي: (والله ياشيخ بالنية دي دخلت بيت ومش معايا ولا مليم ، رُزقت بعدها بشهرين بشغل  
والحمد لله تزوجت واحدة أهلها ناس زي الفل ، مش مصدق إن الفكر دا لسه موجود فعلاً)

[#استعينوا بالله ياشباب](#)

تربية جيل والعمل على النية دي من أكبر المهمات اللي تشتغل عليها

متخلوش مشاهد المنفلتات تصرفكم عن وجود النموذج ده

[#اللهم زوج شباب وبنات المسلمين](#) 🌸

[#تصحيح مفاهيم الزواج](#)



👉 على مدار ٤ شهور ويوسف بيتردد  
 عليا يفهم مني يعني إيه زواج شرعي  
 يوسف كان عنده تساؤل بيردده كل ما  
 يشوفني: (وهلاقي الكلام اللي بتقول  
 عليه دا فين ؟)  
 قلته: (لازم تستعين بالله وتشتغل على  
 نفسك صح علشان تُرزق ببنت صالحة)  
 👉 نم شهرين لقيته جابلي



بوالده...بيقوللي: (عاوزك تقنعهولي بالموضوع) 🤪  
 قعدت مع والده والحمد لله والده اقتنع بالزواج الشرعي ، وكان بيقوللي: (ابني على كذا مش  
 هيتزوج خالص) 😊

➡ إمبراح يوسف كان بيعزمني عالشبكة بتاعته ، بسأله حصل إيه ؟  
 قاللي: دخلت بيت مكنتش متخيل ألاقى زيه ، لسه بكلم والدها في الزواج الشرعي قاللي زي ما  
 تحب ياابني محدش هيزعل من شرع ربنا  
 بيقوللي: قلته هقدر أجيب ذهب بـ ٤٠,٠٠٠ ج فقاللي زي ما تحب مش عاوزين نشق عليك  
 بقول له: طب حضرتك عاوز المؤخر يكون كام ؟  
 قاللي: المؤخر دا بيكون دين عليك ، وأنا مش حابب زوج بنتي يكون مديون ، وساب الموضوع  
 عليا برضو  
 طب الشقة يا حاج هقدر أجهز أوضتين ، قاللي ولا يهكم يا حبيبي بنتي هتعيش معاك زي ما  
 تحب.. إحنا ارتضينا دينك وخلص  
 #ياشباب ....أنا مش بكلمكوا في أوهام ولا خيالات... سيبك من كل اللي بيهدوا أملاك في تكوين  
 أسرة صالحة ولا تلتفت

انجز عمرك ومتضيعش وقتك قي التفكير من غير ما تنزل عالارض  
 ادخل بيت واثنين وثلاثة ولا يهكم ، رزقك موجود ومنتظرك ومش هيروح لغيرك

[#تصحيح مفاهيم الزواج](#)



## مشاكل وحلول أحمد الأهواني

مشاكل زوجية وشبهات مخنّاة وحلولها الواقعية والشرعية



يا شيخ احمد رأي حضرتك اي في  
المكالمات بين المخطوبين لأن بعض  
الشيوخ ييمنعها بدون محرم وبعضهم  
بيجوزها بضوابط الكلام للحاجة  
ايه الصح؟!

الخاطب شخص أجنبي تماماً عن المخطوبة ، لا  
يجوز له الخروج معها ولا الحديث منفرداً بغير  
محرم  
والتوسع في الكلام حتى مع وجود محرم خطر  
جداً جداً

لخطوبة مجرد وعد بالزواج..(ليست زواجاً



والمخطوبة ليست امرأة معقود عليها)

يا شباب....من الأمور التي توفّقك في زواجك ألا تعصي الله قبله

ستجد كل ما تركته لأجل الله بعد ذلك فيه البركة وإن طالت بك

الحياة ، وما أخذته في الحرام والله لن تجد لذته في الحلال

وأدعو الإخوة والمشايخ الذين يتساهلون في ذلك بالتوبة إلى الله من كلامهم في هذه الأبواب التي  
ما جرّت على الناس إلا الويلات

[#تصحيح مفاهيم الزواج](#)

## مشاكل وحلول أحمد الأهواني

مشاكل زوجية وشبهات مخنّاة وحلولها الواقعية والشرعية



من كام سنة كنت بشتغل في تجارة المواد الغذائية بالجملة ، لقيت أخ وقتها بيسألني على شغلانة  
، ولما درست ظروفه لقيت عنده سيارة نقل ومش عارف يستغلها  
اقترححت على الأخ دا يشتغل شغلانتي .. وأخذته من إيده ودليته على كل خباياها وأماكن بيع  
الجملة ، والأصناف الكويسة اللي ممكن يفتح بيها سوق  
قلّته يومها: (إذا كنت أنا شغال بسيارة ملاكي ، إنت معاك سيارة نقل هتشتغل أحسن مني بكثير  
بإذن الله وتفتح بيتك)

لما لقيته متردد وبيقوللي: (طب وأفتح سوق إزاي والسوق مليون تجار !)

دلّيته على كل المحلات بتاعتي (زبايني يعني) .. وقلّته لو سألوك إنت تبع مين قول لهم إنك تبقي

(علشان أشجعه ويشترّوا منه)

👉 الأخ نزل فعلاً على المحلات وباع هناك على إسمي ... ولما جيت أنزل على المحلات دي في اليوم اللي كنت محدده بتاعهم لقيتهم بيقولولي: (صاحبك اللي شغال معاك باع لنا...شكراً ياشيخ إحنا عندنا النهارده)

👉 رَوّحت يومها من غير مبيعات خالص بس كنت فرحان جداً إني شجعت أخ زي ده ... ولما الأخ دا نزل تاني لنفس المحلات قالوله إنهم مشترّوش حاجة مني علشان اشتروا منه صاحبي قال لهم أنا مش تبعه ولا حاجة وقعد متعجب مني وجه يفهم مني أنا عملت كدا ليه 👉 فوجئت كمان بأصحاب المحلات بيسألوني: (هو إنت سايبنا ناخذ منه وهو مش تبعك إزاي؟! قلّتهم: (سبحان الله!..هو أخذ من رزقي شئ؟!..النبى ﷺ بيقول: (إن الله قدر مقادير الخلائق ، قبل أن يخلق السماوات والأرض بخمسين ألف سنة) هنخترع في الدين بقى ونعتقد إنه أخذ رزقي ...عادي.. مكنش مكتوب ليا أبيع في اليوم ده 🙏)

👉 الموقف دا كان سبب في توفيق ربنا ليا في شغلي في أبواب مكنتش متخيلها!...وبسببه بقيت أضحك على كل واحد فافكرها شطارة وفهولة وتشغيل دماغ

👉 النظرة المادية الأرضية اللي كثير من الناس بيعتقد فيها جديرة إنها تهدم بنيان عقيدتك بالكامل...عقيدتك في (الرزق \_ التوكل \_ الإستعانة \_ عبادتك القلبية اللي مهما الذنوب غلفت قلبك هيُنصف بيها \_ محبتك لإخوانك وبذل كل ما تستطيعه لهم طالما كان دا في مقدورك...للأسف.. أشياء بقت نادرة في زماننا الناس لإنهم معتقدين في خلافها بيمشوا في حياتهم غلط)

وَصَدَقَ النَّبِيُّ ﷺ حينما قال: (إِنَّ رُوحَ الْقُدُسِ نَفَثَ فِي رُوعِي ، أَنَّ نَفْسًا لَنْ تَمُوتَ حَتَّى تَسْتَكْمَلَ أَجْلَهَا ، وَتَسْتَوْعِبَ رِزْقَهَا ، فَاتَّقُوا اللَّهَ ، وَأَجْمِلُوا فِي الطَّلَبِ ، وَلَا يَحْمِلَنَّ أَحَدُكُمْ اسْتِبْطَاءَ الرِّزْقِ أَنْ يَطْلُبَهُ بِمَعْصِيَةِ اللَّهِ ، فَإِنَّ اللَّهَ تَعَالَى لَا يُنَالُ مَا عِنْدَهُ إِلَّا بِطَاعَتِهِ) يا إخوة: (مَنْ اسْتَطَاعَ مِنْكُمْ أَنْ يَنْفَعَ أَخَاهُ فَلْيَنْفَعْهُ)

✓ [#احسبها\\_صح](#)

## مشاكل وحلول احمد الاهواني

مشاكل زوجية وشبهات مخارة وحلولها الواقعية والشرعية



بعد خسارة كبيرة كان اتعرض لها أحد أصدقائي ، راح قعد يحكي لشيخ من مشايخنا عن خسارته ، فوجئت بالشيخ وباستهانة كذا وهو بيرفع راسه لفوق مع حركة من شفايفه تدل على اللامبالاة فقال له: (مفيش خسارة في الدنيا ، الخسارة خسارة الآخرة) ثم قرأ قوله تعالى: (قُلْ إِنَّ الْخَاسِرِينَ الَّذِينَ خَسِرُوا أَنْفُسَهُمْ وَأَهْلِيَهُمْ يَوْمَ الْقِيَمَةِ أَلَا ذَلِكَ هُوَ الْخُسْرَانُ الْمُبِينُ)

مش متخيلين بعد كلمة الشيخ دي الأمر هان على صديقي إزاي .. ولا متخيلين مشهدنا ونظرتنا للدنيا بقت عامله إزاي!



من كام سنة قابلت شاب من الشباب في العاشر كان مهموم جداً بديون كانت عليه

كان مركز جداً في سدادها

قلته الإمام ابن القيم بيقول: (فرغ خاطرك لله بما أمرت به، ولما

تشغله بما ضمن لك، فإن الرزق والأجل قرينان مضمونان، فما دام الأجل باقياً كان الرزق آتياً) قاللي يعني إيه ؟

قلته يعني لو ركزت في اللي ربنا أمرك بيه من العبادة كل ديونك هتتسد ، متشغلش بالك برزق ولا غيره ، عليك بس السعي بجد ، أما القلب فلا ينصرف عن مولاك

في عدة أشهر كل شئ عنده اتحل !

إحنا بنصدق ربنا ؟

النبي ﷺ ينقل عن رب العزة قوله في الحديث القدسي: (يا ابن آدم : تفرغ لعبادتي أملأ صدرك غنى وأسد فقرك وإن لا تفعل ملأت يديك شغلاً ، ولم أسد فقرك)

إحنا فعلاً موقنين بالكلام ده ؟

إحنا عندنا ناس خافين يتزوجوا علشان مش ضامنين المستقبل هيكون فيه إيه!

خافين يخلفوا علشان مش عارفين قدام هيصرفوا على عيالهم إزاي!

بيتملقوا أصحاب الأعمال وكأن صاحب العمل رزاق ليس بمرزوق مثله !





قابلت واحد رايح ياخذ قرض ربوي من جمعية ربوية عندنا في العاشر  
قلته: (ليه تاخذ قرض ربوي؟)

قاللي: (طرقت كل الأبواب والله بس مفيش ومُضطر)

قلته: (قمت في ثلث الليل الآخر وطلبت من ربنا سداد الدين؟)

قاللي: (لأ)

قلته: (قلت دعاء قضاء الدين؟)

قاللي: (لأ)

قلته: (عملت ورد صلاة على النبي ﷺ بنية تفريج الهم والكرب؟)

قاللي: (بصراحة لأ)

قلته: (يا أخي... أنت عامل زي العامل اللي شغال في شركة قاعد يطلب الزيادة من العمال اللي  
زيه ومطلعش مكتب صاحب العمل)

تاني يوم اتصل بيا قاللي: (ربنا فرج كرب)

إحنا بعيد أوي عن ربنا يا إخوة والله

غياب الشيخ المربي هو اللي بيخلي الشباب تايهين

أنا لما بكلم شاب في البديهيات دي ويلاقيها بتجيب معاه بيبقى منبهر... دي أصلًا أبجديات لازم

تستقر في قلبك علشان تكون مسلم صحيح العقيدة والدين

[#اللهم علمنا](#)

[#تصحيح مفاهيم العقيدة](#)

مشاكل وحلول  
أحمد الأهواني  
مشاكل زوجية وشبهات مخارة وحلها الواقعية والشرعية



شفت منشور أخونا الكابتن (مصطفى روك) إمبراح واللي لقيت عليه كمية تعليقات كبيرة وخلط في الأوراق عند كثير من الشباب ، وللأسف فوجئت بصاحب المنشور نفسه عنده جزء كبير من الفهم المغلوط دا بالرغم من جهده المبذول في جزئية من جزئيات الزواج الشرعي .. اسأل الله له التوفيق والسداد فيها وفي غيرها بما لا يخالف الشرع المنشور بيقدم صورتين من الكاريكاتير 🙌



الصورة الأولى عبارة عن (شَفَشَق) عصير بيصَّب في ٣ كوبايات...والكوبايات ما شاء الله فيهم عصير كثير بالرغم من إن الشفشق لسه فيه مخلصش الصورة الثانية عبارة عن نفس الشفشق بس قدامه كمية كبيرة من الكوبايات وكل كوباية فيها قدر بسيط جداً من العصير والشفشق تقريباً خلص وشكله حزين 😞 أخونا مصطفى عاوز يدريك فكرة إنك لو معاك عيال عددهم قليل [رَمَزَ لهم بالكوبايات] فكل واحد هياخد نصيبه منك وهو مرتاح [ورَمَزَ لك بالشفشق] لكن لو معاك عدد كبير من العيال فكل واحد هياخد نصيبه بالعافية وگتَب على الصورة العبارة دي (إنت مش في سباق .. الإنجاب مسؤولية... احسب قدراتك جيداً) اللي عمله مصطفى مش أول مرة يتم غرسه في عقول الناس .. أيام زمان كانوا بيجيبيوا إعلانات حسنين ومحمدين وإعلانات تحديد النسل وانظر حولك وشعار (أسرة بسيطة = حياة سعيدة) ويصور الأسرة البسيطة بكام عيل كدا يفتحوا نفسك عالزواج وراجل جميل وست زي القمر وعلى الجانب الثاني هتلاقي واحد يسد النفس وزوجة تكرهك في الزواج وشوية عيال ببرابير وهودوم مقطعة وهيقولك..(تختار إيه ؟) 😞 تم غرس الفكرة في العقل الجمعي للجمهور بنجاح مع كلمتين ثلاثة هتسمعهن كل شوية من مبارك وهو بيعلق شماعه فشله وقتها على عدد السكان ويقولك: (اجييلكوا منين انتوا اللي مش عاوزين تمسكوا فرامل) 😊

وأنا هنا علشان أقدر أوصلكوا الصورة بشكل مبسط هحاول أتكلم في شوية نقاط 📌  
**#أولاً:** هو مين قالك يامصطفى إن الشفشق اللي تحت هيكون فيه نفس الكمية اللي في الشفشق الكبير ؟

اسمع معايا الحديث ده 📌

يقول النبي ﷺ: (إِنَّ أَحَدَكُمْ يُجْمَعُ خَلْقُهُ فِي بَطْنِ أُمِّهِ أَرْبَعِينَ يَوْمًا نَظْفَةً ، ثُمَّ يَكُونُ عِلْقَةً مِثْلَ ذَلِكَ ، ثُمَّ يَكُونُ مُضْغَةً مِثْلَ ذَلِكَ ، ثُمَّ يَبْعَثُ اللَّهُ إِلَيْهِ مَلَكًا ، وَيُؤَمِّرُ بِأَرْبَعِ كَلِمَاتٍ ، وَيُقَالُ لَهُ : اكْتُبْ عَمَلَهُ ، وَرِزْقَهُ ، وَأَجَلَهُ ، وَشَقِيٌّ أَوْ سَعِيدٌ ؛ ثُمَّ يُنْفَخُ فِيهِ الرُّوحُ) دي مراحل تكون الجنين لحد ما تيجي مرحلة نفخ الروح فيه شاييف رب العالمين في المرحلة الغير مرئية لنا دي بيقول للملَك إيه ؟



بيقول له: (اكتب عمله ، ورزقه ، وأجله ، وشقي أو سعيد) ثم يُنفخ فيه الروح

دا إنت قبل نفخ الروح اتكتبك الرزق

عن أي شفشق تتحدث ؟...وليه جايب الكمية اللي في الشفشق اللي معاه كوبايات كتير هي هي نفسها الكمية اللي في الشفشق اللي معاه كوبايات صغيرة ؟ فين إيمانك بالحديث ده ؟

دا كل كوباية بيحصل لها مرحلة (ما رزقه)

**#ثانيًا:** أهل الجاهلية زمان كان عندهم اعتقاد وخوف من القضية دي

الإمام ابن كثير في تفسير قوله تعالى في سورة الأنعام : (وَلَا تَقْتُلُوا أَوْلَادَكُمْ مِنْ إِمْلَاقٍ نَحْنُ نَرْزُقُكُمْ وَإِيَّاهُمْ)

قال: (كَانُوا يَقْتُلُونَ أَوْلَادَهُمْ كَمَا سَوَّلَتْ لَهُمُ الشَّيَاطِينُ ذَلِكَ، فَكَانُوا يَنْدُونَ الْبَنَاتَ خَشْيَةَ الْعَارِ، وَرَبَّمَا قَتَلُوا بَعْضَ الذُّكُورِ خِيفَةَ الْإِفْتِقَارِ)

شاييف يامصطفى ؟..يعني بيقتلوهم لأجل إنهم عايشين في فقر (من إملاق)

هما فقراء ومع ذلك ربنا قال لهم نحن نرزقكم وإياهم

في سورة الإسراء هتلاقي آية أخرى على نفس السياق قال تعالى: (وَلَا تَقْتُلُوا أَوْلَادَكُمْ خَشْيَةَ إِمْلَاقٍ نَحْنُ نَرْزُقُهُمْ وَإِيَّاكُمْ)

الآية بتتكلم عن ناس أغنياء.. بيقتلوهم بس علشان هما خايفين من الفقر (خشية إملاق)  
آية الأنعام تطمئن الفقير الذي يخشى على رزق نفسه أولاً قبل رزق أولاده ، فربنا قال فيها (نَحْنُ  
نَرْزُقُكُمْ وَإِيَّاهُمْ)

قدم رزقك قبل رزق أولادك لإنك عايش في فقر فشايل هم رزقك الأول  
آية الإسراء تطمئن الغني.. هو لا يخشى على رزق نفسه ، بيقولك: (معايا فلوس تكفيني لحد ما  
أموت)

شايف ربنا قال له إيه؟... (نَحْنُ نَرْزُقُهُمْ وَإِيَّاكُمْ)

قدم رزقهم على رزقه لأن الغني شايل هم غيره أكثر من هم نفسه  
هتروح فين من آيات نزلت ترسخ لك القضية بهذا الشكل لكل المستويات وعلى كافة الطبقات  
المجتمعية ؟

**#ثالثاً:** الناس عندك قاعدين يظيطوا ويضحكوا عالي بيقول: (الغيل بيبجي برزقه)

يا إخوة... سيدنا ابن مسعود (رضي الله عنه) لما سأل النبي ﷺ فقال (يارسول الله أي الذنب عند  
الله أكبر؟ قال: أن تجعل لله نداً وهو خلقك. قلت: ثم أي؟ قال: ثم أن تقتل ولدك خشية أن يطعم  
معك)

أعظم ذنب في الحديث دا بعد الإشراك بالله كان (الخوف من قضية الرزق والظن أن الولد سيأخذ  
شيئاً من رزقك)



فين الشفاشق اللي بيتأخذ منها يامصطفى من الحديث ده ؟

**#رابعاً:** الفكر السائد عند بعض النساء مثلاً بسبب عدم فهم

قضية الرزق هو اللي بيخليهم يعملوا المعادلة دي

بتتخيل شوية شفاشق وكوبايات برضو زي ما إنت تخيلت كدا

وزوجها هيجيب معاها كوباية تانيه

شوف النبي ﷺ قال إيه لها لو اعتقدت الإعتقاد الفاسد الخبيث ده

قال ﷺ: (لا يحل لامرأة تسأل طلاق أختها، لتستفرغ صحفتها، فإنما لها ما قدر لها)

(فإنما لها ما قدر لها)... قضية محسومة مفيهاش جدال

**#خامساً:** هل سألت نفسك يامصطفى في يوم المشكلة فين ؟

يعني مثلاً... هذه المرأة الفقيرة التي رزقها الله بعدد كبير من الأولاد ثم مات زوجها



(الشفشوق راح أهوه)

مين اللي بيكون شفشوق مكانه.. (الزوجة)

نفس الزوجة الضعيفة دي هي اللي بتربي العيال عادي (حتى لو بفرش صغير في سوق) يعني....الرزق أساساً مش جاي من الشفشوق علشان متفهموش إن قضية الرزق قضية أرضية فتقعدوا تملوا شفشوق وكوبايات

القضية كما قال الله: (وَفِي السَّمَاءِ رِزْقُكُمْ وَمَا تُوعَدُونَ)

ساعات الشفشوق كلها بتروح والولد بيعيش برزقه برضو ولما علم الله أن أناساً لن يصدقوا.. أقسم وهو الغني عن قسم في الآية التي بعدها فقال: (فَوَرَبَّ السَّمَاءِ وَالْأَرْضِ إِنَّهُ لَحَقٌّ مِّثْلَ مَا أَنَّكُمْ تَنطِقُونَ) أقسم الله لكم ولا يزال الشك في قلوبكم ؟ 😊

#سادساً : إنت مش شايف إن كلامي دا صحيح وإن المعادلة بتاعة الكوبايات دي مش مضبوطة حتى وإنت شايف سفاهة الناس في التعامل مع المال ؟ يعني مثلاً... ليه مش شايف إن اللي بقى عنده عدد كبير من الأولاد هو نفسه لو عنده عيل أو عيلين ممكن يكون بنفس الفقر عادي !

المال توزع عليهم وبزيادة..فكان لكل منهم نصيباً ، مش الفكرة إن المال محدود وتم توزيعه لا أبداً....كل واحد جه برزقه فعلياً

دا فيه ناس إنت بتشوفهم فقراء بس بتتفاجئ إن المال راح في سفاهات (زي فشخرة تجهيز البنات مثلاً اللي الأم بتبدأ فيها والبنات لسه بترضع)

مش دا رزق زيادة بس سوء التصرف هو اللي جعلك مش شايفه ؟

#سابعاً : إحنا يامصطفى عندنا طاقات مُهدرة لا نحسن إستغلالها...تتمثل في 📌

١/الطاقة المَنوية : ودي بتضيع بسبب التصرفات الخاطئة عند الناس والشباب بسبب تأخير سن

الزواج ووقوع الشباب في العادة السرية علشان مفيش فرصة يفرغوها في الصح

٢/القنبلة الذرية : وهي دي أساس قيام الكثير من الدول زي الصين مثلاً

الزيادة في الذرية قنبلة لازم نستغلها ، مش علشان التخطيط عندنا مش تمام نقول كفاية خلفه أو نقعد نحسب على الرزاق في ملكه

يكفيك يا أخي تفرح حببيك ﷺ لما قالك (تَتَاكحُوا تَتَاسَلُوا أَبَاهِي بِكُمْ الْيَوْمَ الْقِيَامَةَ)

أخويا [Mostafa Rock](#) (ربنا يحفظك ويبارك فيك إنت شاب رياضي دخلت في تحذير الشباب من بدعة القايمة وكان لك جهد مشكور.. أرجوك بلاش توسع الدائرة بتاعتك غير لما تدرس كويس اللي إنت بتتكلم فيه ، ومتخلش الإعلام العلماني يجرك للنقطة بتاعته فيضيع منك ثوابت تانيه بالشكل ده)

[#وفي\\_السماء\\_رزقكم\\_وما\\_توعدون](#)

[#تصحيح\\_مفاهيم\\_الزواج](#)



الإعلان اللّٰي فيه ست تخيلت زوجها واحد  
تركّي واتعاملت معاه بلُطف ولما ظهر  
زوجها الحقيقي كلمته بطريقة مش كويسة  
بصرف النظر عن الكلام اللّٰي روان قالتة  
في حقي والإتهامات الغريبة اللّٰي بتقولها  
واللي سببها إنها تقريباً عايشه في وَسَط مش  
ولا بُد (اسأل الله لها الخروج منه على خير)  
فأنا هنا نقاش المصيبة بموضوعية

#النقطة الأولى: كلام روان عن ست متزوجة بتتخيل واحد معين وكأنه زوجها 🧑🏻  
روان بتتكلم إن دا شئ عادي مفيش حاجة فيه وبتقول إن دا تخيل شريف لأنها بتتخيله

فيه فارق كبير يا روان بين إنك نفسك تتزوجي واحد وسيم [ودا مفيش فيه مشكلة] وبين إنك تبرري لواحدة بتتخيل واحد معين على إنه زوجها وهو مش زوجها

بل إن زوجها [العفش على حد تعبيرك] عفاشته متديهاش مبرر إنها تتخيل واحد ثاني [وسيم] مش زوجها

على فكرة يا روان الكلام دا ينطبق عالرجالة برضو ، فيه حدود في الشرع وضوابط بداية من غض البصر اللي هو للجنسين لحد حفظك لنفسك ورعايتك لزوجك

الحقيقة الكلام دا نتاج تربية روان وغيرها من النساء واختلاطن بعدد لا بأس به من الرجال ، وجريان الخواطر اللي سببها بيكون الصور المعروضة عليهم ليل ونهار في الشوارع فبدأت الثابت دى تنهار

أنا معتقد إن أي واحدة بنت ناس لو قرأت تعليق روان قلبها هينقبض على الحال اللي وصلت له أختها

**#النقطة الثانية:** روان بتتكلم على إني متشدد لما بطالب يتحط قيود على البنات



البنات اللي روان بتقول إنهم بيخرجوا يشموا نفسهم بالعافية 😊  
يعني كل البنات اللي مالين الشوارع دول خارجين يشموا نفسهم  
بتقول إني سايب الشباب اللي بيقتل ويتحرش ويشرب مخدرات 🚫  
ياأختي روان.. الشباب اللي بيتحرشوا دول وصلوا للمرحلة دي  
من إيه ؟

من المثال اللي حضرتك بتقوليه ممكن أفكر معاكي بشو يش  
الشاب دا كانت بدايته من تفريط مجتمع كامل

لما انتي تبرري للبنات يتخيلوا زوج وسيم غير أزواجهم ، وبعد كدا تزهد البنت في زوجها  
ما هي نفس البنت دي هتكون أم بعدين هيطلع من بيتها المتحرش ده!  
هتطلع البنت اللي بيتحرشوا بيها للأسف  
هتطلع جيل من تجار المخدرات المدمنين  
ما هي البداية كانت أم وأب تخلوا عن واجبهم  
انت ي روان شايفه إن فكرك دا هيطلع عيال صالحين مثلاً ؟  
هتعرفي تربي بنت عفيفة ؟  
جايز 😊....

انت ياروان بداية كل أزمة في الأمة للأسف ، الست اللي هتترك موقعها وهتسهل لأعداء الدين  
الدخول هي السبب مش الدعاة يا روان

**#تصحيح مفاهيم الزواج**



👉 الشباب والبنات اللي عاوزين يتزوجوا ومحتاجين ربنا يوفقهم في المشروع الكبير ده  
داخل عليكم رمضان ، الشهر دا لو مش هتشتغل فيه مع ربنا صح هيكون صعب عليك أساساً  
توفق فيما سواه



(اللي بقوله دا عن تجربة شخصية) 🙏🙏🙏

١/الإلتزام بغض البصر مُطلقاً (شاب أو فتاة)

👉 الأمر بغض البصر جه في القرآن للإثنين

عمر ك ما هتكون مُطلق للبصر وتوفّق لما ترجوه من الله

من الآخر كدا الله عز وجل هيبتي بيك واحدة كويسة ليه ؟...هيبتي بيكي واحد كويس ليه ؟

الإبتلاء في الزوج أو الزوجة إبتلاء كبير جداً مش لازم تدعي لنفسك الدرجة دي علشان توصل

له.. (من الآخر كدا متعلمش الإبتلاء شماعة)

٢/الدعاء بالحاح شديد (الصلوات المكتوبات \_ التراويح \_ على الإفطار يومياً ودا مهم جداً)

٣/كثرة الصلاة على النبي ﷺ ، والإستغفار ، والحوقة [الإكثار من قول لا حول ولا قوة إلا بالله]

(

٤/التوبة من كل رواسب القلب ❤️

لو عندك فكرة نسـ..وية عياداً بالله... (توبي منها)

لو عندك فكر دخيل على الإسلام... (تُب منه)

كل دي مشغبات ممكن تخرجكوا عن دائرة الإسلام أصلاً وانتوا مش دريانيين ، (الصيام والصلاة

والدعاء عبادات لن تُقبل منك إلا إن كنت مسلماً)

٥/إحسان الظن بالله ، ودي خطيرة جداً والله

متعتقدوش إن ربنا أمركوا بإعفاف نفسكوا ومع ذلك

لم يخلق ما يتناسب معكم

انتوا اللي شغالين غلط

٦/فكرة إعتماذك المطلق على غير الله (سبب شقاء والله) 😞

اشتغلوا مع ربنا صح وبلاش التعلق بالأسباب للدرجة المريضة دي

(فلان اللي بيدورك \_ موقع الزواج اللي هتلاقي من خلاله \_ الشيخ أحمد اللي ماشي في

موضوعك)

دي كلها أسباب والله اوعى تعتمد عليها وتتسى ربنا

الله تعالى قد يكلّك لكل هؤلاء إن تركت تعلقك به ولو لحظة

[#تقبل\\_الله\\_صيامكم](#)



## مشاكل وحلول أحمد الأحماني

مشاكل زوجية وشبهات مخارة وحلها الواقعية والشرعية



الرسالة دي من أخت فاضلة (اسأل الله أن يثبتها على دينه)

ياأختي لو كان طلبك لعدم نشر الرسالة علشان متعملش شبهة في الدين ، فمتقلقيش مفيش شبهات أصلاً تَمَس هذا الدين نستحي من عرضها وتفنيدها

### #ركزوا معاً

زوجات النبي ﷺ كن على حزبين  
حزب فيه (عائشة وحفصة وصفية وسودة) ، والحزب الآخر (أم سلمة وسائر النساء)

الصحابه كانوا عارفين حب النبي ﷺ لعائشة ، فكان كل ما واحد فيهم يحب



إهداء هدية للنبي ﷺ كان ينتظر الليلة التي يكون فيها عند عائشة

الحزب اللي كان فيه (أم سلمة) اتجمع وطلبوا من أم سلمة تقول للنبي ﷺ يقول للصحابه (من أراد أن يهدي إلى رسول الله ﷺ هدية ، فليهد إليه حيث كان من بيوت نسائه) الحزب دا كان عنده غيرة... (ليه يعني كل الهدايا تيجي في ليلة عائشة؟)

أم سلمة بالفعل راحت للنبي ﷺ وقالت له كدا ، ولكن النبي ﷺ لم يقل لها شيئاً لما عرفوا إن النبي ﷺ لم يرد عليها قالولها: (فكلميه)

يعني ارجعي تاني واتكلمي معاه

رجعت تاني واتكلمت معاه في نفس الموضوع فلم يقل لها شيئاً

فرجعت تقول لهم أنه لم يقل لها شيئاً ، فقالوا لها: (كلميه حتى يكلمك)



يعني ارجعي اتكلمي معاه لحد ما يرد عليكى 😊  
فرجعت في المرة الثالثة فقال لها: (لا تؤذيني في عائشة؛ فإن الوحي لم يأتني وأنا في ثوب امرأة  
إلا عائشة)

أم سلمة على طول قالت: (أتوب إلى الله من أذاك يا رسول الله)



عاوزين نلاحظ شوية أمور

١/ النبي ﷺ لم يقل لأم سلمة (لا تؤذيني في عائشة) إلا بعد الإلحاح منها ، يعني تدخله لتقويم  
الوضع الحاصل كان ضرورة

٢/ من تمام رجوله الرجال ألا يسمح للخوض في حق واحدة من نسائه ، الرجل ممكن يعدي شوية  
حاجات بسيطة بس لما الوضع يكون وضع مستمر لا بد من إيقاف الأمر تماماً وبشدة

٣/ الزوجة الصالحة هي التي تعود لرشدتها بمجرد ما يتكلم الزوج ، مش تقعد تجادل وتعااند  
وخلص

شايفين أم سلمة قالت إيه ؟... (أتوب إلى الله من أذاك يا رسول الله)

٤/ زوجات النبي ﷺ مسكتوش بعد الموقف ده ، دول راحوا لابنته فاطمة ، اللي قالت له: (إن  
نساءك ينشدنك الله العدل في بنت أبي بكر) فقال لها بكل وضوح (يا بنية، أأنا تحبين ما أحب؟)  
[الرواية سأضعها في التعليقات ليستفيد الجميع]

● هنا هنلاقي سؤال مهم ، هل النبي ﷺ كان يميل لعائشة ميلاً يجعله يقع في حرج شرعي ؟

حاشاه ﷺ أن يظلم ، فالميل القلبي مما لا يؤاخذ العبد به ، وكان لازم زوجاته يفهموا كذا من  
البداية ، ولذلك اشتد عليهن لما احتاج لتقويم الأمور

وهديكوا ٣ أمثلة توضح لكم أن النبي ﷺ مع حبه لعائشة رضي الله عنها قلبياً إلا أنه ما كان يظلم  
سائر النساء مطلقاً

➡ في يوم سمع النبي ﷺ عائشة تقول: (حسبك من صفة كذا وكذا)

كانت عائشة تذكر أن صفة قصيرة ، فقال لها ﷺ (لقد قلت كلمة لو مزجت بماء البحر لمزجته)  
يعني الكلمة دي لو اختلطت بماء البحر كانت تغير طعمه وريحه

(بالرغم من عدم وجود صفة إلا أنه لم يسمح بغيبتها)

➡ في موقف كسر عائشة للصحفة [الإناء] الذي أتاه من بيت أم سلمة ، بالرغم أنه ابتسم للصحابة وقال (غارت أمكم) إلا أنه ﷺ أخذ صحفة عائشة فبعث بها إلى أم سلمة رضي الله عنها وأعطى صحفة أم سلمة لعائشة

(يعني مش علشان فيه ميل قلبي تجاه عائشة كان ممكن يسمح بالتجاوزات التي تضيع حق الأخريات)

➡ بل... وهذا من أعجب العجَب 😊

لقد كان يراعي من ماتت وينتصر لها بعد موتها ولو كان الأمر على خلاف هوى عائشة فها هي عائشة تسمعه كثيراً ما يذكر خديجة ، فغارت يوماً من كثرة ذكره لها ، فقالت: (ما أكثر ما تذكرها حمراء الشدق، قد أبدلك الله عز وجل بها خيراً منها) وهنا هل يسكت النبي ﷺ على ذكر خديجة بحجة أنه يحب عائشة أو أن خديجة ماتت ولن ينتقل إليها الخبر ؟....(لا والله)

قال: (ما أبدلني الله عز وجل خيراً منها، قد آمنت بي إذ كفر بي الناس، وصدقتني إذ كذبتني الناس، وواستنتي بمالي إذ حرمني الناس، ورزقني الله عز وجل ولدها إذ حرمني أولاد النساء) أرجو أن أكون قد وفقت في عرض الشبهة لينكشف الأمر لأختنا الفاضلة

[#تصحيح مفاهيم الزواج](#)



👉 تعليقات غالبية النساء على فيديو الأخ محمد أبو ريحانة مؤخراً توضح لك مقدار الأزمة التي أدخلتها الأفلام التركية وشبهات الزنادقة في عقول النساء

كذلك توضح لك تعليقات غالبية الرجال على الفيديو مقدار ما افتقدوا من رجولتهم بسبب حملات التخنـ.ـيـث المنتشرة والتي يتم غرسها في عقولهم بمسمى (الرجولة) واللبوسة الحمراء ينبغي على الرجال تربية البنات على أن العواطف والمشاعر تابعة للشرع لا للعادات والتقاليد وما تربيـن عليه في مجتمع ابتعد عن أصل هذا الدين علموهن حديث النبي ﷺ: (أيما امرأة سألت زوجها طلاقاً في غير ما بأسٍ فحرامٌ عليها رائحة الجنة) (صحيح سنن أبي داود للألباني)



علموهن أن لفظة (طلقني) إن كانت تساوي (اهتم بيا) فمعناه أنها امرأة افتقدت التربية من الأساس لأن الألفاظ الشرعية ليست محلًا للهزار علموا الرجال في التربية أن الرجولة في تقويم النساء لا في الإنصياح لرغباتهن ومسايرة أهوائهن فكلما أرادت منك شيئاً قالت لك: (طلقني) وكلما طمعت منك في تغيير دفة أمر قالت لك: (لو إنت راجل افعل كذا)



فتعتقد أن رجولتك في تلبية رغباتها واللهث خلف ما أرادت! فآين آليات التقويم التي في يدك؟ آين التربية الناقصة التي وجب عليك إكمالها متى ما اكتشفتها؟

شُرِع الوعظ والهجر والضرب لأجل هذا ، لماذا قفزت على كل ما لديك من آليات ؟ يا أخواتنا الطيبات...المسلمة إنما تستقي رغباتها من دينها لا من تعاليم النسـ...وية وفقه دعاة النسوان

يا إخواننا الرجال...المسلم لا يأخذ أفكاره من لبوسة الريدبيل التي اخترعها لهم المخنثيـ...ين من ذكور الغرب ، بل المسلم الحق قوام كما يجب مَقوم لمن هو تحت يديه ، لا تحركه العواطف ولا ينصاع للإستفزاز

[#استرجلوا\\_يرحمكم\\_الله](#)

[#تصحيح\\_مفاهيم\\_الزواج](#)

**مشاكل وحلول** أحمد الأهواني  
مشاكل زوجية وشبهات مخنّرة وحلها الواقعية والشرعية



👉 أول ما شفت الرسالة دي عندي عالواتس اتواصلت مع صاحبها وكلمته علشان أفهم الموضوع كويس

الشاب دا اتقدم لببيت ناس محترمين جداً بس والدته بدأت تعمل معاهم مؤخراً مشاكل من غير أي أسباب ، والده متوفى ومبقاش عارف يتصرف مع والدته إزاي

، ومؤخراً إخوانه وقفوا معاه علشان زواجه يمشي وبقوا يجبروا الأم إنها تمشي الجوازة ومتعملش مشاكل لما والد البنت بدأ يقلق على



مصير بنته

(دا وضع موجود للأسف بيتم غرسه في الأمهات المصريات للأسف بواسطة تقاليد وإعلام فاشل بيدي للأمهات حرية التدخل في شؤون عيالهم بعد الزواج)  
الشاب كلمني وطلب مني حل للمشكلة لأنه متمسك بالبيت جداً  
👉 قلته: (عاوز أكلم حماك ، لما تروح لهم اطلب منه إني عاوز أتكلم معاه)


وبالفعل... الشاب حدد موعد إمبراح مع حماه وقال له: (فيه واحد بتابعه عاوز يتكلم معاك في موضوعي)

ودار بيني وبين والد البنت الحوار ده في حضور الشاب وأهل البنت 🙏  
-السلام عليكم ورحمة الله وبركاته ، أهلاً ياشيخ  
=وعليكم السلام ورحمة الله وبركاته ، اتشرفت بحضرتك يا بشمهندس ، حضرتك عارف أنا طلبت أكلمك ليه ؟

-الحقيقة هو إبراهيم لسه بيقوللي إن حضرتك عاوز تكلمني ، اتفضل  
=أنا بكلمك علشان أشكرك يا بشمهندس ، حضرتك عارف الأول إنت عملت إيه ؟  
-مش واخد بالي

=حضرتك عملت كل الخطوات اللي بكلم الشباب فيها ، التفاصيل اللي إبراهيم قاللي إن حضرتك عملتها معاه لما اتقدمك تخليني لازم أشكرك ، يكفي إنك بتستجيب للشرع وعاوز تيسر على الشاب اللي اتقدم لبنتك

-الحمد لله ، بالرغم إنني يعني مش ملتزم أوي بس حابب أعرف الشرع وأمشي عليه ، ومش عاوز أقلب زواج بنتي ببيعة وشروة زي ما بشوف الناس بيعملوا  
=حضرتك سألت على إبراهيم ؟



-هو الحمد لله واضح إنه شاب كويس  
=لأ حضرتك مش واخد بالك ، أنا كلمتك علشان كذا نقطة ،  
النقطة الأولى إنني أشكرك ، والنقطة الثانية إنني أقول  
لحضرتك إن البيت اللي زي بيتك لازم كلنا نحافظ عليه ،  
أنا على فكرة معرفش إبراهيم وهو تقريباً متفاجئ دلوقتي بكلامي ، لازم كلما نكون حريصين  
على سعادة بنت حضرتك وننصحها لأنها من بيت محترم  
-الله يحفظك ياشيخ ، طب شايف أعمل إيه ؟

=النبي ﷺ يقول: (إِذَا خَطَبَ إِلَيْكُمْ مِنْ تَرْضَوْنَ دِينَهُ وَخُلُقَهُ، فَزَوِّجُوهُ)  
فبالرغم من كون الخلق جزء من الدين إلا أن النبي ﷺ جعله معطوفاً عليه ليؤكد أهميته ، يعني  
مش عاوزك تهتم بالمظهر فقط ، عاوزك تسأل عليه كويس كل الناس اللي اتعاملوا معاه ويعرفوه  
عن قُرب  
-جزاك الله خيراً لاهتمامك ، كلامك صحيح فعلاً ، أنا الحقيقة معملتش كل ده ، بس نعمله بإذن  
الله

=النقطة الثالثة بقي موضوع والدته ، أنا شايف حضرتك حكيم فيه جداً  
فعلاً ، أنا مش عاوز أزواج بنتي لواحد عاق بأمه ، ومن البداية كذا بتكون غضبانة عليه  
=الله ينور عليك ، فعلاً ، اللي ملوش خير في أهله مش هيكول له خير في بنتك  
-كلام مضبوط

=بس حضرتك غالباً مش منتبه إن الموضوع دا مش عقوق نهائي  
-هو أنا مفهمش في الشرع أوي بس نستفيد من حضرتك

=العفو يابشمهندس ، والدته إبراهيم ست كبيرة وبتعمل مشاكل مع ناس كتير زي ما إبراهيم قاللي ، ولما سألت إبراهيم عن طبعها قاللي إن هي كدا مع ناس كتير ، ودي حاجة موجودة فعلاً عند بعض الأمهات اللي بياخدوا زمام القيادة بعد موت أزواجهم ، بيتدخلوا في حياة الأولاد وبيتعدوا الحدود الشرعية لهم بالرغم من اختلاف الأجيال والعادات ، يعني حضرتك ممكن يكون فيه حالة من التفاهات مؤقتة بين والدته وبين بنتك ولكن بعد الزواج ستظهر المشكلات برضو ، المشكلات الموجودة في كل بيت بيكون سببها موضح في حديث للنبي ﷺ يقول فيه: (الأرواح جنود مجنده، فما تعارف منها ائتلف، وما تناكر منها اختلف)

يعني مش هتلاقي كل الناس أرواحهم متوافقة مع بعض ، بس نقدر نخلق جانب من التفاهات الحياة بتمشي بيه ، وجود المشكلات بين البشر شئ طبيعي ، والأهم إني عرفت إنه مش هيقعد في بيت عيلة ، يعني غالباً الوضع بعدين سهل يتحسن أو يكون فيه تقليل إحتكاك -أنا معاك ، بس أنا واحد لما تزوجت كنت حابب زوجتي تكون علاقتها حلوة بوالدتي =كلامك جميل ، ودا اللي أنا متأكد إن بنت حضرتك هتعمله ، البيت اللي هي طالعه منه بيت طيب ، بس عاوز أقولك حاجة علشان متشوفش تقصير من بنتك بعدين -إيه هي ؟

=إنها لو قدمت الود والتراحم ومشيت كويس ، ووالدته مقبلتش ده ، إيه العمل ؟ -مش عارف!

=العمل ساعتها نشوف الزوج نفسه ، هل هو يقدر يحكم ويتحكم في العلاقة دي وللا لأ ، هل هو هيجي على بنت حضرتك وتتغير معاملته معاها علشان والدته بالرغم إن البنت بتحاول تعمل اللي عليها بس المشكلة من الجانب الآخر ؟ -فعلاً ، كلامك سليم

=يابشمهندس ، إبراهيم في اختيار والدته كان (مُسِير) مش (مُخَيَّر) ، إحنا نلومه لما يقصر في حقها أو يجبر بنتك على شئ هي مش ملزمة بيه في الشرع أو يمتن كرامتها ، لكن مش علشان شئ هو مُسِير فيه عاوز تحرمه من النسب بتاعك ، الشباب ما بيصدقوا يشوفوا بيت زي بيت حضرتك

(الراجل قعد يضحك وكان سعيد جداً بالتوضيح ده ، وبعدين قاللي)



والله ياشيخ ، أنا لما إبراهيم دخل بيتي وأنا الحمد لله مرتاح مادياً جداً ، قاللي على إمكانياته وشفت إنه راجل ويقدر يشيل مسؤولية وافقت على أي حاجة قالهالي ، أنا بصراحة متفاجئ من اللي بيحصل في البلد في أمور الزواج (الحمد لله ، في نهاية المكالمة والدها وعدني إن الموضوع دا مش هيعطل الزواج نهائياً ، ومش كل مشكلة هتحصل الزواج هيقف بسببه) قلت له: (إبراهيم سامعني ؟)

قاللي: (أيوا...كلنا سامعين المكالمة) قلت لإبراهيم: (ياإبراهيم ، الراجل دا لو رفضك لأي سبب افضل قاعد له قدام البيت ومتمشيش ، ياابني البيوت دي مش هتلاقىها تاني)😄 شافين الفارق الكبير بين بيوت الناس الشبعانة والناس الجعانة ؟

إبراهيم عرض مهر ٤٠,٠٠٠ والرجل وافق ، بيقوللي زودت ٥٠,٠٠٠ مؤخر هو مطلبهوش مني

وبالرغم إن المهر دا شئ محدش يحدده ولا بنلوم عليه حد ، بس لما عرفت إن والدها صاحب تجارة كبيرة معروفة أيقنت الراجل دا بيختار إيه على إيه مبيتاجرش في بنته ، بيستجيب للشرع وخلاص مبيقعدش يجادل ، مفيش أي مؤثرات جايه له من ورا الستارة ولا الكلمة بيرجع فيها علشان حد

علاقتك بأمك علاقة بر ورحم ، لو لقيتها مش منسجمة مع زوجتك افصل الإثنين عن بعض قدر المستطاع ومتدخلش بين متلازمة مكونة من ٢ ستات وترهق نفسك بيها وتخرّب حياتك بسببها وتتعلّط عن فهم طباع زوجتك وحياتك تفشل

الأم ست عادية زي أي ست هتفضل طول عمرك عايش تحت رجلها وتبرها مهما عملت ، بس متعتقدش إن كل كلمة بتقولها بالضرورة تكون صح... (إنت ببساطة مش هتحاسبها عالصح من الغلط ، بس الله سيسألك عن تصديقها تصديقاً كاملاً في حق امرأة سيسألك الله عن ظلمها بغير بينة... كلمة الأم بغير دليل مش بينة)

[#هي دي البيوت اللي تحافظوا عليها](#)

[#تصحيح مفاهيم الزواج](#)


## مشاكل وحلول


أحمد الأهواني  
مشاكل زوجية وشبهات مخارة وحلولها الواقعية والشرعية




أخ محترم من رجالة الصعيد كان عندي إباح بيفرحني بزواجه اللي كان من ٣ شهور  
الأخ بعد رحلة بحث طويلة ربنا وفقه لزوجة من على الموقع (زواج شرعي) من الصعيد ، ولما  
بسأله عن الزوجة عامله إيه معاه قاللي: (أنا ربنا وفقني



لواحدة لو كنت عامل زوجة تفصيل مكنتش طلعت كدا)   
قلتلته: (ماشاء الله تبارك الله ، ربنا يحفظها)

ولما سألتته عن المشكلة دار بيننا الحوار ده   
-المشكلة مش في زوجتي ياشيخ ، أنا بس جايلك عاوز  
أفهم شوية حاجات لأن الزوجة بتقول حاجات أنا مش  
عارف أتعامل بيها  
=خير ، مالها ؟

-بتقوللي احتويني وقوللي كلام حلو ، طب هو فيه كتب فيها كلام من دا يامولانا أتعلم ؟  
=إنت جاي علشان كدا 

-بصراحة أيوا ، أنا قرأت لك إن غالب المشكلات الكبيرة بيكون سببها حاجة بسيطة في البداية ،  
وأنا بصراحة قلت طالما أنا في البداية كدا أتابع نفسي أولاً بأول علشان الزوجة متفسدش مني دا  
أنا ما صدقت لقيت واحدة كدا

(والله يا إخوة كنت عاوز أقوم أبوس على دماغه ، دا اللي دايماً بنادي بيه علشان بيوتنا تمشي  
كويس والشيطان مبيقاش له سبيل عليها)  
=هو إنت طبيعة شغلك إيه ؟

-بشتغل في القاهرة ٣ أسابيع وبرجع لزوجتي أسبوع  
=متعرفش تجيبها مكان شغلك ؟

-صعب جداً ياشيخ ، راتبي ميحتملش الإيجار

-ربنا يرزقك من فضله ويوسع عليك ، شوف وركز معايا ، شدة وصعوبة الطبع بسبب تربيتك  
في الصعيد بتكون دي نتيجة من نتائجه ، لما بتتزوج بتبدأ تتعامل مع زوجتك بجفاء شوية علشان  
مبتعرفش تقول كلام حلو

-طب وهو الكلام الحلو دا ياشيخنا يعني حاجة صعبة ؟..فيه كتب لكدا ؟

=إنت شايف دي حاجة عيب ؟

-أكيد لأ طالما لزوجتي

=حاجة المرأة للكلام الحلو من الزوج والغزل من أكبر الحاجات اللي بتميز العفيفات

غير العفيفة ممكن تنتظر الكلام الحلو من الخارج عياداً بالله وبستغنى عن كلام زوجها بيه

وفيه زوجات ممكن يكون تقصير الزوج معاها سبب في إنها تسمعه فعلاً من برا بالرغم إن دا

مش مبرر للغلط إطلاقاً..(بس ليه نفتح ثغرة للشيطان لقلب حد مننا ؟)

-حلو ياشيخ ، معاك في كل ده ، طب أعمل دا إزاي ؟

=احكي لي كدا موقف قعدت فيه مع زوجتك تشرح لها أمر من الأمور

-في يوم مثلاً قعدت أفهمها طبعي وأقول لها (شوفي يابنت الناس أنا طبعي كذا وكذا \_ يابنت

الناس أنا بحب كذا وكذا)

=بتقول لزوجتك يابنت الناس ؟

-أمال أقول لها يابنت مين ؟

=مهم جداً تكون عامل لها اسم دلع تناديها بيه ، تقول لها يا حبيبتي مثلاً ، إنت تعرف تقول دا وللا

متعرفش ؟

-سهلة بإذن الله ، طيب ياشيخنا هي بتقول إني عصبي وبمسك لها عالواحدة

=وإنت عصبي ؟

-والله ياشيخنا أنا قتلتها كدا من قبل الزواج

=وعلشان قتلتها دا من قبل الزواج بتلزمها تتحمل عصبيتك في كل الأوقات ؟

-ما هو دا طبعي

=ما هو إحنا كرجالة نقدر نغير من طباعنا ، أنا مثلاً كنت زمان عصبي جداً ، وأول ما فهمت

معنى وصية النبي ﷺ لأحد الصحابة لما قال له: (لا تَغْضَبْ) قدرت في شهور أتعامل مع الطبع

ده

-والله ياشيخ أنا بالرغم إني عصبي إلا إني مبضربش حد قدامي ، يعني عصبي بس مش بضربها

=طب بتعمل إيه ؟

-كنا قاعدين في يوم عالأكّل وغضبت بسبب موقف معين فخطبت بإيدي جامد وكسرت حاجات وهي زعلت

=ما هو إنت ياإبني فزعتها 😊

-فعلاً ، دا حتى والدتي نادت عليا من تحت علشان عارفاني وخافت أكون بضربها

=طب هتفضل كدا لحد إمتى ؟..مش ناوي تشتغل على نفسك ؟

-ناوي ، أنا جايك علشان كدا

=شوف ياطيب ، إحدى النساء في حديث (أم زرع) كانت بتوصف زوجها وبتقول عنه: (زَوْجِي إِنْ دَخَلَ فَهْدٌ، وَإِنْ خَرَجَ أَسَدٌ)

الست دي بتقول إن زوجها لما كان يخرج الشارع يتعامل مع الناس زي الأسد (شجاع وقوي) علشان الشارع محتاج كدا

لكن نفس الزوج اللي هو أسد في الشارع ده لما بيدخل بيته بيكون (فهد).. الفهد مشهور عنه التغافل

يعني لما تدخل بيتك متقعدش تركز في كل التفاصيل وتحاسب زوجتك عالواحدة وكل حاجة تتكلم فيها ، خلي دائماً للست مساحة للخطأ وقبول للتبرير وهكذا ، وخليك فاهم إن زي ما إنت لك سيادة على أهلك فالست لها سيادة مصغرة على بيتها.. النبي ﷺ يقول (الرجل سيّد أهله ، والمرأة سيّدة بيتها)

-عندك حق والله ياشيخ ، طب يعني اديني كدا شوية حاجات لإني بكون مشغول طول اليوم في شغلي ومش بقدر أتكلم

=صعب عليك لما تصحى لشغلك الصبح تبعك لزوجتك (❤) على الواتس ؟

-سهلة

=متخيل أول ما تصحى من النوم تشوف الحاجة البسيطة

دي هتقول إيه ؟

-مش عارف!

=هتقول: (إي دا ، دا فاكروني ..أنا بحبه أوي ، وهترد عليك وهتكون

مش مصدقه)

-سهلة





=وبكدا تشتغل وتشوف شغلك ولما تخلص ياعم آخر اليوم ابقى كلمها مكالمة كدا تطمئن عليها ،  
هي لما بتقولك (قولي كلام حلو) بتقول لها إيه ؟

-بقول لها: (ما أنا بقول)

=غلط ، متدافعش عن نفسك في حاجة متعلقة برغبة زوجتك ، طول ما هي بتطلب ده اعتبر  
نفسك لسه عليك شوية ، بعد فترة هتلاقى بتحكيلك عن التغير الملحوظ اللي شافته فيك  
وبكدا تبقى وصلت يامعلم ، كمل على كدا بقى وخلي بالك منها وملكش برّكة إلا زوجتك ،  
الطيبات دول لو فسدت فطرتهن من الصعب تعرف ترجعها تاني  
-جزاك الله خيراً ياشيخنا

(اللي معاه زوجة صالحة يحافظ عليها ياجماعة بالله عليكموا..السوق مضروب)

[#تصحيح مفاهيم الزواج](#)



👉الفكرة الرئيسية اللي الفقهاء تكلموا عنها في المهر على أساس إنه واقع في مقابلة (البضع)..يعني  
تمكين المرأة نفسها للرجل

الفكرة دي لأجل تمييز الحقوق والفصل في النزاعات عند حصولها مش على سبيل الثمنية  
والعوض

فذكر المهر ليس شرطاً ولا ركناً في العقد ، وإنما هو أثر من آثاره المترتبة عليه  
الفكرة اللي الناس جعلوا فيها المهر ثمن لبناتهم بقت مُهينة جداً للبنات وأولياء أمورهم ، وبقت  
بتخلي الزواج سلعة وبيعة وشروة ، والمهر اللي المفترض يُدفع للبنات على سبيل التراضي بقى  
أداة لتشويه صورتها في نظر الزوج بحجة خبيثة جداً اسمها (علشان يعرف قيمتها)  
وكأن قيمة المرأة صارت مالاً!

👉لقيت ناس بيكلموني بعد المنشور اللي اتكلمت فيه عن مهر الشاب اللي كان ٣٥,٠٠٠ ج وكنت  
بطلب من والدها تحديد الباقي لو حابب  
بيقولولي: (هو فيه مهر ٣٥,٠٠٠ ج ؟)  
السؤال دا رعبني والله العظيم

رعبني لإنني من سنوات قلت بالحرف: (لما يظهر قدامي شاب متدين لبنتي عند زواجها هطلب منه مهر ١ جنيه فقط)

غرست في ذهن عائشة من دلوقتي أصلاً النقطة دي... (المهر مش ثمن للبنت ولا فلوس هتتدفع فيها علشان اللي بالكوا فيه ، المهر في الإسلام بيميز المؤمنات الحرائر عن البغايا والإماء) لدرجة إن بقى فيه هزار بيحصل بيني وبين بنتي كدا أحياناً لما اتكلم في الموضوع ده وأقول لها: (إيه رأيك لو مهرك كان شيكولاتايه؟)

تقوللي: (يعني مش هيخليها علبة جاتوه) 🍫

ربوا بناتكم على الحرية وإن لهم مكانة ومكانتهم مش بالفلوس ربوهم إن المهر مش أداة علشان يعرف قيمتها... (دي مش جاموسة قيمتها بالفلوس) ربوهم إن الدين أهم من المال علشان ميعملوش زي الإماء اللي عايشين وسطينا بيرفضوا الشاب صاحب الدين علشان بنت خالتها اتزوجت شمام معاه يدفع

[#ارفعوا من مكانة بناتكم](#)

[#تصحيح مفاهيم الزواج](#)



بعض الأزواج بعد الطلاق يركزوا على جانب واحد وبس وهو جانب النفقة

ممكن تلاقيه كويس جداً ومحترم في الإنفاق على أولاده ولكنه لا ينتبه لأمر هام جداً..(الطلاق تم بينك وبين زوجتك لا بينك وبين أولادك)

قال تعالى: (يَا أَيُّهَا الَّذِينَ ءَامَنُوا قُوا أَنْفُسَكُمْ وَأَهْلِيكُمْ نَارًا وَقُودُهَا النَّاسُ وَالْحِجَارَةُ) وقال النبي ﷺ: (كلُّكم راعٍ ومسؤولٌ عن رعيّته) وقال: (كفى بالمرءٍ إثماً أن يضيعَ من يقوتُ)

وولايتك عليهم بعد طلاقك مسؤوليتك في بعض الحالات (وهي الغالبة) حدوث المشكلات بين الزوج وزوجته قبل وبعد الطلاق يدفعهم لدخول الأولاد في هذه المعادلة

بالتحريض وتشويه الصورة (عياداً بالله فإنه لا يفعل ذلك إلا مجرم قاطع للرحم) أما في حالتنا هذه فواضح جداً أن الأم نحسبها على خير تطلب الإهتمام من الأب الذي قد يكتفي في رعاية بناته بمكالمة أسبوعية (وهذا لا يكفي بل ليس من التربية في شئ) فأقول للأخ الفاضل: هذا الزمان مليء بالفتن ، ووجودك في حياة بناتك في هذا السن الحرج واجب عليك



سل عن أحوالهما ، صديقاتهما ، أهالي الصديقات وهكذا...في كل مفاصل الحياة معك فإن كانت الحضانة مع الزوجة فالولاية معك وأنت مسؤول عن بناتك

#نقطة\_هامّة: البنت الكبيرة سنّها الآن ١٢ عام هذا السن (كما أدين لله) أن حضانتها تكون مع الأب فالحضانة في الغالب تكون للأب عند بلوغ الذكّر ٧ سنوات والبنت ٩ سنوات

قال الله تعالى: ( وَإِنْ يَتَفَرَّقَا يُغْنِ اللَّهُ كُلًّا مِنْ سَعَتِهِ وَكَانَ اللَّهُ وَاسِعًا حَكِيمًا )  
تم الطلاق ولعله خير. 🥺 ..

عندي بنتين 7 و 12 سنة .. وعشان اكون منصفة هو يرسل لهم نفقتهم و بزيادة يا شيخ وبيشوفهم في اي وقت هو عايزه وكمان بيدفع ايجار الشقة... بس اختلافنا .. أليس هو مطالباً بمتابعه تربيتهم ... ومتابعة تعليمهم .. هو فقط يتصل بهم مكالمة فيديو ساعة كل جمعة 🥺 .. أريد حكم الشرع وايه المطلوب من كل رجل مطلق وزوجي عندك علي الصفحة هيشوف رد حضرتك

حذف أظهار من المرسل

إلا إذا كان ذلك بالاتفاق بينكما فاسأل الله أن يوفقكما لكل خير في صالح البنات  
 ● عاوز بس أطلب شئ ومحدث يفكرني حشري... طالما الدنيا ماشيه زي الفل كدا والإحترام  
 متبادل والبنات لسه معاكي يعني متزوجتيش وأنتهز فرصة إن الزوج بيتابعني  
 هل فيه نية للرجوع من ثاني وللا الموضوع انتهى خالص ؟  
 انتوا ممكن تكونوا اطلقتوا علشان حاجة بسيطة حلها ممكن يكون عندي ، فكروا في مصلحة  
 البنات

ياأختي...تربية البنات بينكما أفضل مليون مرة من تربيتهما وكل واحد بعيد عن الثاني  
 لو الزوج عنده نية..أنا خادم لك والله  
 لو النية موجودة عند الزوجة...ابعتيلي رقم الزوج على صراحة واديني فرصة أغيظ الشيطان  
 في الشهر اللي بترفع فيه الأعمال إلى الله ده 😊  
[#تصحيح مفاهيم الزواج](#)



هو دا الوضع اللي بقى عادي في البلد.. ولا  
 حول ولا قوة إلا بالله  
 الأب بيوصل بنته للمستوى دا من التعليم علشان  
 يقول للناس بنتي دكتورة...(حوار إنك بتعمل فيها  
 كدا علشان الأمة دا حوار مبيدخلش على عيل  
 صغير بصراحة)  
 والأم بعد كدا بتدفع البنت للنزول لميدان العمل  
 والإختلاط والإنغماس في الشهوات علشان تجيب  
 عريس 😊  
 في الوقت دا بتقف البنت اللي لسه عندها بقايا من  
 التدين محتارة..(أمشي ورا مين وللا أتكلم إزاي)؟

دكتورة تحاليل وخايفة أنزل اشتغل علشان  
 فيه اختلاط وللأسف مش قادره اقول  
 لماما وبابا كده لأنهم مفكرين أن بنتهم  
 معندهاش مشاعر  
 أنا الحمد لله محافظة على نفسي بفضل  
 الله عمري ما كلمت ولد ولا كان عندي  
 اي علاقات ، ماما نفسها انزل اشتغل  
 علشان اجيب عريس وتقول لي هتجوزي إزاي  
 وأنتي قاعدة في البيت كده وخاصة  
 اقرب صحتين ليا اتخطبو من ساعة ما  
 نزلوا شغل وبابا غرضه من الشغل أن  
 يحس أن بنته دكتوره والدكتورة راحت  
 والدكتور جت ويكون فخور بيا حقيقي  
 مش عارفه أعمل ايه وأنا خايفة على  
 قلبي من الإختلاط وخايفة احب حد  
 وميكنش جوزي





من سنتين لما نصحت بنت تقعد من كلية الطب علشان بقت شايفه إنها هتفتن ومش قادره تحافظ على دينها طلع عدد لا بأس به من مشايخ النسـوان يحذروها من كلامي ويثبتوها على الإختلاط علشان عيالهم لما يكبروا هيتاجوها... (كملي واتحملي علشان عيالنا مبيتكشفوش على رجالة إحنا بنحافظ عليهم)

البنت نفسها شعرت بالتدني في خطابهم وكملت زي ما قللتها وبعثتلي رسالة إنها اتزوجت بعدما ختمت القرآن في البيت

الوضع دا بقى صبغة عامة في مجتمع شايف إن (كارير) البنت بيكون في شغلها ، وبيوصل للبنت إنها لما تختلط وتزاحم الرجال هتتزوج ومبيعرفوهاش النوعية اللي هتتزوجها جراء الحرام ، بالرغم إن الزوج نفسه من الأرزاق المكتوبة في اللوح المحفوظ 😊

ناس عندهم شلل في العقيدة وكانسر في الرجولة

أختي الفاضلة: لازم تفهمي إن محدش هينفعك يوم ما هتقفي أمام الله للحساب

المشكلة اللي انتي فيها مش أبعادها اختلاط وبس..دي من أكبر أعراضها تغير فطرتك نفسها

الذنوب وكثرتها بتعمل غلاف سميك على القلب بيزداد سُمكه كلما قارفناها

شوفي بنفسك حواليكى كام بنت خلعوا برقع الحياء في الشوارع ، بدايتهم كانت كدا (اتكسفت تكلم

أهلها) (اتكسفت تصارحهم بشئ) (استجابت لضغط المجتمع)

وبعدين!... انجرفت في تيار المجتمع ومبقتش قادره ترجع

سهل جداً ياأختنا تطلبي الزواج...كثير جداً بيبحثوا عن زوج صالح ينتشلهم من اللي هما فيه

ويكونوا بيت مسلم يرضي الله مع بعض

الأخوات اللي قدموا في الموقع اتفاجئوا من كمية الطلب عليهم بعد ما كانوا قاعدين منتظرين

والمجتمع حواليتهم بدأ يشككهم في عقيدتهم... (أن رزق الله لا يُنال إلا بمعصيته) ودا مش مضبوط

مطلقاً

اتكلمي معاهم بوضوح إنك ملكيش رغبة في الشغل في الوقت اللي هيتفاجئوا بشباب بيخبطوا

عالببوت يطلبوكي ، ومش لازم تعرفيهم هما جايين منين

[#تصحيح مفاهيم الزواج](#)



👉 الجاهلية المُفْرِطَة التي يعيش فيها الكثير من الأهالي هي السبب الموصل لهذه المأساة يفرضون على الأرملة والمطلقة ترك الزواج ، ويردون الخطاب بدافع الـ(عيب) وأنها لو تزوجت فلن تنتبه لأولادها تعيش المسكينة في غُبت ولا يشعر بها أحد وأنا أسأل نفسي... (أين أهل هذه المسكينة الذين كانوا يتشققون في بداية زواجها الأول بمراعاة مصلحتها وضمان حقها ؟) هل حق هذه المرأة لا يُعرَف إلا في الزواج

السلام عليكم انا برد علي رسالة ان ازاي اب او اخ يعرضوا بنتهم علي زوج انا بقول لها انا مطلقة واتمني يكون لي أحد يعرضني لان دي الفطرة السليمة للست بس مع الأسف انا اهلي شايفين اني الأحسن اقعد اربي ولادي ولو فكرت اتزوج بيحسسوني اني قليلة ادب حتي لو اتفتحت سيرة أمام امي هي بترد مكاني و تقول لا ابدًا يحصلش تقعد تربى ولادها احسن

الأول ؟

هل المرأة ليس لها إلا فرصة واحدة لإعفاف نفسها طوال العمر وإذا ما انقضت الفرصة قتلتموها حية ؟

[#أيها\\_الأهالي\\_استرجلوا\\_يرحمكم\\_الله](#)

**مشاكل وحلول** أحمد الإهواني  
مشاكل زوجية وشبهات متناهية وحلها الواقعية والشرعية



👉 يقول عمر بن الخطاب رضي الله عنه : (تَأَيَّمْتُ حفصة بنت عمرَ من خُنيسِ بنِ حذافة السَّهْمِيِّ رجلٍ من أصحابِ النَّبِيِّ ﷺ مِمَّنْ شَهِدَ بَدْرًا وَتُوفِّيَ بالمدينةِ قال عمرُ: فَلَقِيتُ عَثْمَانَ بنَ عَفَّانَ فَعَرَضْتُ عليه حفصةَ فَقُلْتُ: إِنَّ شَيْئًا أَنْكَحْتُكَ حفصةَ بنتَ عمرَ فقال: سَأَنْظُرُ في ذلك قال: فَلَبِثْتُ لِيَالِي فَلَقِيتُ فقال: مَا أُرِيدُ النِّكَاحَ يَوْمِي هَذَا قال عمرُ: فَلَقِيتُ أَبَا بَكْرٍ فَقُلْتُ: إِنَّ شَيْئًا أَنْكَحْتُكَ حفصةَ بنتَ عمرَ، قال: فلم يرجع إليَّ شَيْئًا فَكُنْتُ أَوْجَدَ عليه مِنِّي على عَثْمَانَ فَلَبِثْتُ لِيَالِي فَخَطَبَهَا إليَّ رَسُولُ اللَّهِ ﷺ

يعني اي حد يعرض بنته للناس ؟ هو اي كلام و خلاص ؟  
مهو مش منطقي انك تعرض بنتك للناس بعقليه المجتمع الحالي ؟ مهو معلش يا شيخ يا اما انت مش عايش معانا يا اما أنا من برا الكوكب ؟  
النظره نفسها مش كويسه ؟ اللي هو خلاص بنتك مش عارف تستحملها فعايز تتخلص منها ولا اي بالظبط ولا غلطت و عايز تلبسها فراجل تاني ولا لقيتها مش تمام قلت تجوزها

فَأَنكَحَتْهُ إِيَّاهُ فَلَقِينِي أَبُو بَكْرٍ فَقَالَ: لَعَلَّكَ وَجَدْتَ فِي نَفْسِكَ حِينَ عَرَضْتَ عَلَيَّ حَفْصَةَ فَلَمْ أَرْجِعْ إِلَيْكَ شَيْئًا ؟ قَالَ: قُلْتُ: نَعَمْ قَالَ: فَإِنَّهُ لَمْ يَمْنَعْنِي أَنْ أَرْجِعَ إِلَيْكَ شَيْئًا لَمَّا عَرَضْتَ عَلَيَّ إِلَّا أَنِّي سَمِعْتُ رَسُولَ اللَّهِ ﷺ يَذْكُرُهَا ( وَلَمْ أَكُنْ أَفْشِي سِرَّ رَسُولِ اللَّهِ صَلَّى اللَّهُ عَلَيْهِ وَسَلَّمَ وَلَوْ تَرَكَهَا لَنَكَحْتُهَا ))

## مشاكل وحلول أحمد الإهواني

مشاكل زوجية وشبهات متناهة وحلولها الواقعية والشرعية



👉 دي إحدى مشكلات التعدد الخاصة ببعض الرجال ، والمشكلة دي سببها أساساً وفي المقام الأول إنه مش بيعرف يتعامل مع طبيعة النساء النوعية دي من الرجال (وكلامي في المجلد ، التفصيل لسه جاي) غالباً بيكون تعدده راجع لعدم فهم النقاط دي عند النساء

١/ لو افترضنا إن بكاء الأخت دي بكاء عادي والزوج ممكن ياخده عالمحمل ده ويتعامل معاه بشفقة ويطيب من خاطرها ويحسسها بالإهتمام.... (دا بفرضية إن الأمر زي ما الأخت بتحكى) .. أعتقد الزوج مكش هيجتاج يعدد من الأساس ، غالب الأزواج بيعددوا بسبب مشكلات مع زوجاتهم ، ولما بتكلم معاهم بتفاجئ إن

المشكلات دي يسهل التعامل معاهها .. (بس الزوج معندوش خبرة في النساء)

في مشكلة زي دي لو طيب خاطرها بكلمتين واعتبرها من الغيرة الطبيعية الدنيا هتمشي ٢/فيه أخوات موضوع البكاء عندهم بيكون (أوفر) جداً لدرجة إن الزوج بيزهق وبيكون دا سبب زواجه

بعد الزواج البكاء بيزيد فالزوج بيزهق خالص وبيبدأ يقارن بينها وبين الثانية ، غالب الحالات دي بتوصل الزوجين لمرحلة الطلاق

٣/فيه أخوات بيكون كل تأثرهن بعد الزواج مش سببه الغيرة ، وإنما بيكون سببه (المجتمع)

### السلام عليكم

دلوقتي انا متزوجة و بحب جوزي جدا جدا  
و بحترمه و دة عمره ما هيتغير  
قرر يعدد اة زعلت و غيرت بس متكلمتش  
عشان دة حقه بس هو مش مراعي  
مشاعري ي شيخنا  
و يقولي انتي هتعيطي وتزهقيني ف  
انا اجيلك ليه وانا لسة عريس خليك  
لوحدك بقى لحد ما تهدي وهيفضل  
هناك

يعني انا معترضتش ع شرع ربنا الحمد لله  
ولا هعملها دة يبقى جزاتي انه حتى  
ميراعيش زعلي ويهون عليا الموضوع  
من اولها ف اول زعل مني سابني  
انا هموت مالزعل اعمل ايه

نظرة سلفتها لها على إنها مقدرتش تكفي زوجها ، وصاحبته اللي بقت خايفه الفكرة اللي دخلت دماغ زوجها تدخل دماغ زوجها فالست بقت تحس إنها اتعمل معاها الغلط ولما تدور في حياة كل دول ممكن تلاقي أزواجهن بيدوروها برا البيت وسهل جداً كانت ترد عليهم

٤/ غباء بعض النساء واعتقاد إن المصارحة مع الزوج شئ يقل منها كواحدة ست وإن الرجل لازم يفهم لوحده دا شئ مهم برضو بعض النساء بينعزلوا تماماً كذا والزوج بيبقى محتار مش عارف يتعامل ولا عارف سبب زعلها ، والست تبقى هتجنن إنه مش عارف لوحده ... (صراح بين عقل وعاطفة).. ولو كل أخت أخذت بنصيحتي وشرحت لزوجها ما تلاقيه هتفهمه الكتالوج بكل بساطة والله يامعشر الرجال : قبل التعدد لازم تفهموا نقطة مهمة ، لو معرفتوش تفهموا دماغ امرأة واحدة هيكون صعب عليكموا تفهموا الثانية ، ولو معرفتوش تمشوا بيت واحد فمن الصعب تمشوا بيتين قبل التعدد أقعد مع أي حد بي فهم اتكلم معاه علشان تحافظ على البيوت اللي بتفتحها وبديل ما إنت تكون سبب في غلق البيت الأول بعد التعدد ويرجع حالك زي الأول ، ممكن نفهمك الطريقة اللي تحافظ بيها على الموجود وتزود بيها المفقود

[#تصحيح مفاهيم الزواج](#)

**مشاكل وحلول** أحمد الإلهواني  
مشاكل زوجية وشبهات متناهية وحلولها الواقعية والشرعية

من حوالي عام كذا لقيت أخت جايه تقوللي

هو حضرتك ليه نصحت زوجي يقعدني في البيت ؟.. مش المفروض تسمع من الطرفين ؟

قلتلها: وأسمع من الطرفين ليه ؟.. انتي إيه اللي يخلصك في الموضوع علشان أطلب أسمع منك ؟





قالتلي: ما أهو أنا زوجته اللي هيقيدها من الشغل

قلتلهها: ياأختي دا شئ خاص بالزوج ملكيش علاقة بيه ، لما بلاقي رجل تخلى عن رجولته وبقي يشغل مراته ويخليها تعمل عمل (الخارج) مع عمل (الداخل) ويقوللي إنها بقت مقصرة معايا في البيت بقول له يبقى رجل ويشيل الشيلة اللي في (الخارج) كلها ويتق الله فيكي ، أسمع منك إيه في حاجة خاصة بيه ؟

(الست وقتها اتصدمت ومشيت ومعرفتش ترد )

الرسالتين دول مثال لامرأة (لم تدخل في دين الله كما شرع الله لها) .. امرأة سفيهة لم تفهم أي معنى من معاني الطاعة

تطيع الزوج إن فعل ما تريد ، وتطلع عين أهله إن فعل ما لا تريد  
بعض الرجال للأسف عندهم سَفَه وقلة عقل كالتى هي عند النساء  
تلاقيه بيتفق مع زوجته على (شغل بس متقصرش في بيتها)  
تطلع برا البيت للعمل (بس تلتزم بالضوابط)

وبعضهم يُعلق الأمر على (لو لقينا كدا معنديش مشكلة)

هذا سفيه يظن أن المرأة بإمكانها أن تعمل خارج وداخل البيت في آن واحد...تعمل الـ 😊👉  
المهمة التي لا يتحملها الرجل نفسه يطلبها من امرأته

واضح من الرسالة إن دا زوج سمع مني كلمة (استرسل ومتشغلش مراتك) فأفاق من غيبوبته  
ولكن الزوجة لا تريد ذلك...إنها تريد السرمحة بحجة (أنا مقصرتش)

مستحيل متقصرش..إحنا رجالة ولو طُلبَ منا القيام بأعمالكم بعد عودتنا من العمل والله لا نستطيع

دا حتى والدها مؤيد للزوج وهي برضو زعلانة

مثل هذه المرأة لا تصلح للزواج أصلاً

التعامل بندية مع الزوج مصيبة ، تكسير أوامره والزن المتواصل لأجل الحصول على غرض  
كبيرة من الكبائر

الزوج هو جنة ونار الزوجة.. فكيف لمثل هذه السفينة المَغِيَّـلَة أن تتعامل مع آخرتها بهذا  
الشكل القبيح

أنصحك بالتوبة والذهاب لزوجك لتقبلي يديه وأقدامه عساه أن يعفو عنك

## #تصحيح مفاهيم الزواج

مشاكل وحلول  
أحمد الأهواني  
مشاكل زوجية وشبهات مختارة وحلها الواقعية والشرعية

👉 كل دا في الشغل ؟ 😊

بصرف النظر انتي يا أختي شايفاني إيه ، بس العمل المختلط لحضرتك لا يجوز

ولما هتيجي تتزوجي وانتي بتعملي شئ حرام زي العمل المختلط فاللي جاي مش هيكون أحسن حاجة ➡ لسه متزوجتيش ومع ذلك شاغله نفسك بالتعدد ؟



طب اشغلي نفسك بتواجدك في البيئة اللي بسببها تُرْزَقِي بحد ملتزم!

ف الشغل وشوفت بوست ليك برضو عن التعدد ف بقول بكره الشيخ دا اوى عارفين ليه؟ عبدالله قال ليه؟ قولتله عشان بيشجع الرجالة ع التعدد ف راح قال الله فين الشيخ دا 😊 😊. انا مش عارفه مالي معرفش حضرتك ولا اذيتني وف كلام كثير بتفق معاك فيه ومفيش الا موضوع واحد محبوبش هو التعدد دا بتجيب سيرته ببقى عاوزه اخنقك واخلص عليك 😊 سامحنى والله يا شيخ مش بايدى القبول حاجه من عند ربنا انا بس

مشاكل وحلول  
أحمد الأهواني  
مشاكل زوجية وشبهات مختارة وحلها الواقعية والشرعية

👉 وضع بيحصل في غالب الحالات اللي بالشكل ده زوجة ناشز تابعه زوجها ، فالزوج يتزوج علشان يلاقي واحدة تعوضه عن المصيبة اللي معاه ، فالزوجة تغضب وتعمل مشاكل وترفع قضايا فالزوج أحياناً بيرجعها علشان العيال (ومحدث يلومه في قراره علشان هو أدري بما يصلح ذريته) ولكن...عاوز أقولك شوية حاجات تركز عليهم إنت وغيرك 👉 👉

السلام عليكم اخي الكريم انا متابع حضرتك وبستفاد منك جدا وعلي فكرة انا متزوج زوجتين الزوجه الثانيه يعلم ربنا انها ونعم العوض من ربنا لدرجه اني اتمنيت انها تكون اول حظي اما الزوجه الاولى نسال الله لها الهدايا لانها اتبدلت بعد الزواج الثاني وحصل مشاكل كثير جدا وبعد سنتين من الفراق والمحاكم واهنات منها ومن اهلها رجعت بعد تدخل الاهل كذا مره عشان في بينا 3 اولاد وانا وفقت برجعها ويعلم ربنا كنت بتقي ربنا فيها في الاول وبتقي ربنا بردو بعد كل اللي حصل بس ياشيخ احولها متبدله وانا موجوع منها معي من 14 سنه

١/ الزوجة دي غالباً هتفضل كدا ، هي حابه تعيش ناشز متعرفش لربنا طريق ، وطالما ارتضيت ترجعها علشان عيالك فلانم تتعامل معاها بطبيعتها الجديدة طالما هي لم تتب من ذنبها وجرمها (دي عبارة عن شغالة مش زوجة على الحقيقة) اتعامل معاها كدا هتستريح ، هنديها حقوقها في حدود ونطاق الطاعة فحسب بس تفضل فاهم إن الناشز مُسقط للكثير من الحقوق الزوجية

٢/ كثرة إسترضائك لها (ودا تخمين مني لطبيعة الوضع) هيولد مشكلات عندك في البيت الثاني لازم تفصل بين البيتين تماماً ، متعملش زي الناس اللي بيحبوا الإختلاط في مثل هذه الأوضاع ظناً منهم أن هذا من السيطرة... (لا أبداً والله)

دي لو حابه تتعرف على الثانية فمش بتعرفها الله ، فقط علشان تخرب عليك البيت الثاني اللي مروق بالك

٣/ افصل ما بين مشكلاتك مع الأولى بعلاقتك بالثانية تماماً ، هي ملهاش ذنب تشيلها هموم البيت الأول

بعض الأزواج بيعمل دا من باب مشاركتها له في همومه ، وتقريباً هي اللي بتطلب دا علشان ترضيه وتتقرب منه ، (دا مطب خلي بالك منه)

الستات قدراتهم محدودة مهما تصنعوا ، مش هتتحمل الضغط هتتفجر وهيبقى عندك خراب في البيتين

٤/ خليك شديد مع الأولى كمان شوية علشان عيالك ، العيال اللي شافوا أب بيحصل معاها كل دا وسامح بيحصل عندهم ضعف في الشخصية

الولد بيطلع ضعيف ومهزوز وشايف إن الإستسلام حل مناسب للنشوز والبنات بتطلع مترسخ في ذهنها إن الناشز أقرب طريق لحياة هتعيش فيها وهيكون معاها الدريكسيون 🚗

اجمد معاها وخليك ناشف شوية لإن العيال عمرهم ما هيفهموا الكواليس اللي في دماغك واللي اتسببت في رجوعها... (ودا سن تربية وتقويم)

📩 الكلام دا مهم خلي بالك منه ومتهملوش ، حاولت أزود شوية نصائح عن مضمون الرسالة لإن الوضع متكرر كثير في البيوت اللي فيها تعدد

[#تصحيح مفاهيم الزواج](#)





## مشاكل وحلول أحمد الإلهواني

مشاكل زوجية وشبهات مخنّاة وحلّها الواقعية والشرعية



قالت أم المؤمنين عائشة رضي الله عنها: (كَانَ يَكُونُ عَلَيَّ الصَّوْمُ مِنْ رَمَضَانَ، فَمَا أَسْتَطِيعُ أَنْ أَقْضِيَ إِلَّا فِي شَعْبَانَ)

قَالَ يَحْيَى بْنُ سَعِيدٍ الْأَنْصَارِيُّ -أَحَدُ رُوَاةِ الْحَدِيثِ- أَنَّ الَّذِي كَانَ يَمْنَعُهَا مِنْ ذَلِكَ هُوَ الشُّغْلُ بِالنَّبِيِّ ﷺ

أم المؤمنين عائشة لما كانت بتفطر في رمضان بسبب الحيض مثلاً مكنتش بتقضي اللي عليها غير في شعبان اللي بعده بسبب انشغالها بالنبي ﷺ

(علشان ميقاش محتاجها فيلاقيها صايمه فتفوت عليه حاجته منها بصيامها ، كانت بتأجل كل الصيام لحد شعبان علشان النبي ﷺ كان بيصوم فيه كثير)

👉الأخت اللي زوجها بيطلبها فتقعد تتحجج بحجج فارغة وتحسسه إنه مش عاوز غير الموضوع ده وتنصحها يشغل نفسه بأي حاجة علشان ميركزش كثير في الموضوع....(وضعها إيه من كلام أمها عائشة؟)

👉الأخت اللي عامله يوم زيارة لأمها ويوم ما بييجي يقول لها: (ما تخليكي النهارده معايا أنا أجازة فترفع حاجبها وتقول له: (إحنا متفقين على يوم ماما ، اليوم دا مقدس ولا يجوز استبداله) (وضعها إيه من كلام أمها الحقيقية عائشة؟)

👉الأخت اللي بقي عندها عيال وبقت منشغلة بيهم وبتربيتهم ونسيت زوجها وأهملت إحتياجاته الشرعية وكل ما يكلمها في الموضوع تقول له: (ياراجل عيالك كبروا وإنّ لسه عاوز كل شوية تعمل ده؟)

(وضعها إيه من كلام أمها عائشة؟)

👉الأخت اللي زوجها يكون راجع من شغله فيلاقيها قاعدة تتكلم في الموبايل مبتستقبلوش ، ولما ينادي عليها تقول له: (إيه ياعم بكلم صاحبتني) (وضعها إيه من كلام أمها عائشة؟)

يأخواتنا الطيبات...قال النبي ﷺ: (إِذَا صَلَّتِ الْمَرْأَةُ خَمْسَهَا ، وَصَامَتْ شَهْرَهَا ، وَحَصَّنَتْ فَرْجَهَا ، وَأَطَاعَتْ زَوْجَهَا ، قِيلَ لَهَا : ادْخُلِي الْجَنَّةَ مِنْ أَيِّ أَبْوَابِ الْجَنَّةِ شِئْتَ)

#اللهم ارزق أخواتنا الإتياع 🌸

## #تصحيح مفاهيم الزواج

**مشاكل وحلول**  
أحمد الأهواني  
مشاكل زوجية وشبهات مخارة وحلها الواقعية والشرعية



**أحمد الأهواني**

**الشیطان مبلعش**

**9 فبراير**

السلام عليكم يا شيخ أنا مش جاية اجادل  
حضرتك في موضوع التعدد أنا بحب اقرأ  
واتعلم في صمت بس حبيت اقترح على  
حضرتك حاجه يعني دلوقتي الرجال اللي  
عايزين يعددوا وماشاء الله عندهم  
القدرة المالية على ذلك ليه الواحد  
فيههم المال اللي هيعدد بيه ده  
مايساعدش شاب عازب غير مقتدر ونفسه  
يعف نفسه بالزواج بس غير قادر  
فيساعده بنية إن ربنا يخليه يكتفي  
بزوجته وانه يرزقه الراحة ولو حتى حب  
يعدد بعد كده براحتة بس والله أنا  
بيصعب عليا الشباب نفسهم يتجوزوا  
ومش عارفين وبيقعوا في الحرام أنا  
شايفه إن مساعدة الشباب ده أولى..

👉 عارفين العلمانيين لما بيحبوا يبطلوا شعيرة من  
شعائر الدين بيعملوا إيه ؟

بيحاولوا يشوفوا للشعيرة بديل

تلاقيهم رافعين شعار (لقمة في بطن جائع خير  
من بناء ألف جامع) ، فتلاقيهم بيجاربوا الحج  
والعمرة والأضحية بقولهم (بطون الفقراء أولى)  
هما نفسهم اللي بيعملوا حفلات وبيصيفوا في  
الساحل الشمالي وبيركبوا سيارات فارهة ..  
الفكرة مش في الفقير أبداً ولا عمرهم هيفكروا  
فيه ... الفكرة الرئيسية في الشعائر نفسها

👉 لنساء بيقعوا بقصد أو من غير قصد في

المصيبة دي للأسف

أول ما الواحدة منهم تسمع عن شعيرة التعدد هتلاقي الشبهات والأطروحات الشيطانية دي بيتم  
طرحها

(زوجوا الشباب \_ انفقوا الأموال في كذا وكذا)

وهي نفسها لو طَلَبَتْ منك كسوة وقتلتها نقتصد فيها علشان نكسي أختك اللي هتتزوج حديثاً  
هترفض

👉 يا أخواتنا الصالحات : الشبهات دي مينفعش تدخل على امرأة تؤمن بالله واليوم الآخر

👉 لو كل واحدة فيكوا شغلت بالها بإزاي ترضي زوجها واتعلمت حسن التبعل وطورت من نفسها  
ربنا سيكفيها ما أهمها

شغلوا دماغكوا في الصح شوية بارك الله فيكن

[#تصحيح مفاهيم الزواج](#)



اذبحوا الشياطين

بعد ١٠ شهور من زواجه اكتشف هو وزوجته إنهم مبقوش قادرين يكملوا مع بعض الزوج اتصل عليا وطلب مني أحدد له موعد وبالفعل لقيته جاي ومعاها زوجته علشان يحكوا ليا مشكلتهم اللي بدأت من قبل الزواج الزواج تم بالرغم من رفض العيلتين ، وبعد ما شافها وعجبته في الرؤية الشرعية فوجئ بالمشكلات جايه من كل جانب

مشكلات بين العيلتين هو وخطيبته ملهمش دعوة بيها نهائي

الشاب قال للبنت: (طالما أنا وانتي عاوزين بعض ومفيش مشاكل إيه رأيك نتزوج ؟)

وبالفعل... قدر يكلم والدها في الموضوع ده والوالد وافق وتم الزواج في غفلة من الجميع كلام الشاب كان بيوضح إن والدها (كلمته ضعيفة في البيت) وإن التحكيمات كلها بسبب الأم ، وبسبب دا الشاب مكنش قادر يتفاهم مع أمها ودارت بينهم مشكلات كتيره وصلت دلوقتي إنه مبيكلمش حماته نهائي

كل المشكلات زي ما إحنا بنقرأ كدا (بين عيلتين)

أمه وإخواته دايمًا تدور بينهم وبين عيلة البنت مشكلات

أساس المشكلات كانت من (أم البنت نفسها) اللي بتحاول توصل للجميع إن زوج بنتها بقى خاتم في صباعها علشان تأكيد أمه.. (وبالرغم إن مش هي دي الحقيقة ، بس دا العادي لإن كل أم مصرية بتشوف ابنها مركوب) 😊

الشاب بقى واقف ما بين خسارته لأهله بسبب كلام بيتنقل لهم من والد البنت (بعضه حقيقي والبعض الآخر مجرد نميمة)

وزوجته اللي بقى مش عارف يعيش معاها لإن علاقتها بيه بدأت تتغير

الإثنين قالولي اللي هتنصحن بيه هنعمله فوراً ، والزوج أخبرني إن السبب الرئيسي اللي جينا لك فيه إنني ضربتها جامد إمبراح ومش عارف أنا عملت كدا ليه 🙄

سألت الزوجين: (هو انتوا فعلاً عاوزين بعض وللا بتتلككوا؟)

قالولي: (عاوزين بعض جداً ، إحنا مشينا مشوار طويل ضد رغبة الجميع علشان نتزوج)

قلتلهم: (بس أنا شايف إن مفيش ما بينكم أي مشكلة ، دي كلها مشكلات خارجية)

وفي الوقت ده قلت للزوجة من باب إني أفهم دماغها 📌

=انتي عارفه يـأختي إنك في اختيار (الأهل) مسيرة مش مُخَيَّرَة ، فاهمه دي ؟

-أيوا طبعاً فاهمه كدا

=يعني ميعيبكيش إن والدتك اللي انتي مسيرة فيها لإنك [مش بتختاريتها بمزاجك] تطلع مش كويسة

، اللي يعيبك بس إنك تاخدي حاجة منها لإنك [مُخَيَّرَة] في طاعتك لزوجك وحسن تبعك له وأخذ

كلام خارجي

-أنا الحقيقة اكتشفت كل دا في أمي بعد زواجي ومش عاجبني اللي بتعمله نهائي ، ولو سألت

زوجي هل أنا واخده منها حاجة وللا لأ هيقولك إني مليش علاقة بيها ولا باللي بتعمله خالص

(الزوج أكدلي ده ، وأخبرني إنها مطيعة وبتسمع كلامه وملهاش علاقة بكل اللي حاصل ، وساعتها

سألتها )

=طب زوجك ضربك ليه ؟

-كل شوية وإحنا في البيت يقوللي أمك كذا ، وأهلك كذا ، بصراحة متحملتش فرديت عليه بعد

مدة طويلة فضربرني

قلت للزوج 📌

=ما هي زوجتك ملهاش علاقة بيهم أهوه ، ليه كل شوية تقعد تعيب في أهلها قدامها ؟...إنت

عاوزني أكلما في ردها عليك بعد ما فاض بيها والشيطان تملكها وأسبب السبب المباشر اللي

مكنش له أي داعي وجعلها ترد عليك ؟

-ياشيخ أنا مشتمتهمش أنا كنت بوصفهم بس ، بقول مثلاً كذا بين \_ مش محترمين \_ فَجَرَة ، وهكذا

=ياطيب ، ودا برضو صح ؟

في بعض الروايات لما أسلم عكرمة بن أبي جهل قال النبي ﷺ لأصحابه: (يَأْتِيكُمْ عِكرمةُ بنُ أبي

جَهلٍ مؤمناً مهاجراً، فلا تَسُبُّوا أباهُ)

والرواية وإن كان فيها كلام في السند إلا إننا نفهم منها إن مش بالضرورة نقعد نشتم حد فنؤذي

حد تاني إحنا باقين عليه



زوجتك صدرها ضاق من سبك لأهلها في وقت هي أصلاً مش موافقاهم على تصرفاتهم ، بس هي هتعمل فيهم إيه ؟..دي مسيرة في اختيارهم من البداية إنت بتلومها علشان حاجة مجتش باختيارها ؟

-عندك حق ياشيخ ، بس أنا ضربتها وهي كانت عاوزة تاخذ رأيك في الموضوع ده  
الزوجة قالتلي 📌

-قبل الزواج كنت بقول إن فيه حاجتين مش ممكن أسامح فيهم (الخيانة والضرب) وبعد ما ضربني كدا بصراحة قتلته لازم نتطلق لإنك لما تضربني معناها إن الثقة ضاعت ما بيننا  
=الخيانة حاجة مش كويسة طبعاً وذنوب كبير واللي بيخون دا بيخون دينه قبل ما يكون بيخونك وربنا يعافيكوا منها ،

بس الضرب يأختي عقوبة ثابتة في كتاب الله ، صحيح ممكن نتناقش في تطبيق العقوبة من الزوج (لأنه بيطبقها غلط) بس مش كل ما زوج يَقُوم زوجته بهجر عمله بطريقة غلط أو بوعظ كان مُنفر مثلاً ، تقوم الزوجة تطلب الطلاق فيه مراحل بناخدها في البداية لشرح دا للزوج خاصة إنكم تزوجتم ومفكرتوش تفهموا كل المعاني دي

-تمام ، فهمت ياشيخ معاك حق

=النبي ﷺ يقول: (إِنَّ الشَّيْطَانَ يَجْرِي مِنْ ابْنِ آدَمَ مَجْرَى الدَّمِ)

الدم هو الشئ الوحيد اللي بيوصل لكل أعضاء الجسم ، بيوصل للعين فتقع نظرة حرام ، لليد فتمتد للحرام ، وهكذا

ولو كل موقف الشيطان هيستدرجنا فيه ونقع في شئ هنخرب البيت هنكون أساساً بنديه اللي هو عاوزه

انتي فاهمه حسن تبعلك لزوجك معناه إيه ؟

-والله ياشيخ بحاول أتعلم

=كويس جداً ، الزوج غلطان إنه بيدخل مشكلات الخارج داخل بيته علشان عمره ما هيقدر يفهمك ولا تفهموا بعض بالشكل ده ، وانتي غلطانة علشان كان ممكن من البداية تبادري وتقوليله بطريقة كويسة تعالى نفهم هل صح تقعد تشتم أهلي قدامي وللا ؟

طريقتك وأسلوبك مع زوجك ولين طبعك معاه هيخلي حياتكم تستمر

ولازم تفهمي شئ ، أنا على يقين إن والدتك (اللي هتحمي التعامل معاها على قدر الرحم وبس) هتحاول معاكي ثاني وثالث ورابع ، فلازم تكوني فاهمه إن سماعك كلمة تخص بيتك منها ذنب كبير ، ومجرد مجاراتها في سيرة زوجك غيبة محرمة والغيبة من الكبائر مش حاجة سهلة 🔥  
طب أتعامل معاها إزاي ؟

=متسمحيش لها (بلين وبلطف) تجيب سيرة بيتك ، ولو حاولت تجيب سيرة بيتك قللي الزيارات والمكالمات وهي واحدة واحدة هتفهم ده وتمتتع عنه وكدا كدا الزوج علاقته مقطوعة بيهم

وقلت للزوج هو كمان يطلع أهله من حياته بزوجته ويكتفي معاهم بالرحم وبس ويفصل بين العيلتين قدر المستطاع علشان المشكلات والتركيز في حياته ، ويبادر بالإنجاب علشان العيل غالباً هيجمع العيلتين والزمن كفيل يداوي كل ده وفي النهاية ، عاوز أقول لكل المتابعين والمتابعات 🌟

١/بيوتكم خط أحمر ، متسمحوش لحد يتدخل فيها ولو كان من أقرب الناس  
٢/ كثرة المشغبات في بداية زواجكم بتطول فترة تعرفكم على بعض ، الإنشغال بفهم كل اللي حوالكم هيطول المدة جداً والشيطان يلعب معانا على عامل الوقت  
٣/عقل النساء ضعيف ، لازم الرجال يستوعبوا ده ، متعملش شئ غلط في حياتك وتطالب زوجتك يكون عقلها في الصح أكبر من عقلك اللي هو نفسه مختارش الصح كطريق له ، (اسأل علشان حياتك تمشي مضبوط)

٤/نية بناء بيت مسلم نية كفاية جداً إن حياتكوا تكمل وتستمر ، نية فيها إغاية للشياطين اللي كل همهم وكمدهم إنكوا بتزودوا سواد المسلمين ، هيحاول يوقف نسلكوا ، هيحاول يشنت النسل ده ما بين هجر وطلاق ومشكلات... (خذوا حذرکم)

٥/الأخوات المسلمات الطيبات...اذبحن هذه الشياطين بسكين بارد ، حسن تبعلك لزوجك واتباع ما يأمر به درجة قد تصل بكِ وإنتِ حبيسة الجدران لدرجات المجاهدين

[#اللهم اصلح بنا 🌟](#)

[#تصحيح مفاهيم الزواج](#)

## مشاكل وحلول أحمد الأهواني

مشاكل زوجية وشبهات مخارة وحلها الإيمانية والشرعية



👉 الزوجة الصالحة تأبى بكل الطرق أن يعيش زوجها معها وهو يُصر على الحرام  
تروح بنفسها تزوجه لو كان التعدد له حلاً

👉 كان قاعد معايا بيحكلي مشكلته بعدما سقط في مستنقع الإباحية وإنه قدر بفضل الله يطلع منه ويتعافى

مشكلة الشاب دا إن المجال اللي هو بيشتغل فيه ملئ بالفتن (بيشتغل طبيب في إحدى المستشفيات) وإنه مش قادر يتعامل مع كل ده ، ولما تاب بعد كذا من الإباحية وتعافى منها تماماً وبعد ما الموضوع وصل لزوجته وعرفته وصبرت عليه وتحملته بقى يحصل مشاكل كتير في بيته بسبب زوجته اللي كل شويه تكتشف إنه بيراسل واحدة علشان يتزوجها ، أو حتى بيراسلها على سبيل الحرام

الشاب قعد يكلمني إنه عاوز يحافظ على دينه ويحافظ على بيته من زوجة دايمًا بتطلب الطلاق لما تعرف حوار التعدد وبين إنه فعلاً هيقع في الفتنة (اللي هو نفسه شايف كتير من اللي حوالية في مجاله واقعين فيها)

قعدت أتكلم معاه في شوية حاجات يظبطها مع زوجته وبعد ما مشي من عندي فوجئت بيه بيكلمني بالليل وزوجته غضبانه جداً وعاوزه تعرض عليها الأمر بنفسها

ودار بيني وبين الزوجة الحوار دا هاتقياً 📌

بعد إذنك يا شيخ عاوزه أعرف هو قال لك على كل حاجة وللا لا ؟

=هو فيه حاجات تانيه أكثر من اللي هو حكاها ليا ؟

ما هو أنا متأكدة إنه مقلش لك كل شئ

=هو قاللي إنه كان مدمن إباحية وربنا من عليه وتاب ، هل دا صحيح ؟

-وأكثر من كذا يا شيخ كمان ، دا بعد توبته كمان لسه بيكلم نساء عالواتس وكل ما أكتشف واحدة

بيكلمها يقعد يراضيني ويقوللي خلاص مش هكمل معاه

=ما شاء الله عليك يا أختي ، هو قاللي إنك صبرتي معاه لما لقيتيه ماشي في سكة الحرام ، الكلام

دا صحيح ؟

-أيوا والله

=وقاللي كمان إنك بتخربي الدنيا كل ما تلاقيه ماشي في سكة الحلال برضو ، مش كدا ؟  
-تقصد إيه ؟

=أقصد إن ليكي موقف كويس كل ما تلاقيه بيعمل الحرام (بتصبري عليه وتحتويه) ولكن لما تلاقيه عاوز يعدد ويعف نفسه بالحلال بتخربي الدنيا وتطلبي الطلاق فهو بقى يسبب الحرام علشان ربنا ثم علشان زعلك وبقى يسبب الحلال كمان علشانك  
-ياشيخ تعدد إيه بس ، ما هو أنا مش عاوزه أقول كل حاجة  
(الزوج وهو جنبها قال لها قولي اللي انتي عاوزاه )  
-ياشيخ هو أصلاً مش محتاج زيادة في العلاقة ولا شئ ، هيعدد إزاي وهو بيرجع من شغله تعباً ودايماً مشغول عني

=ياأختي... هو مين قالك إن الرجالة بيعددوا بس علشان العلاقة ؟  
-يعني إيه ؟

=يعني فيه مفهوم خاطئ عند بعض النساء إن دا بيكون هو سبب تعدد الرجال ، ودا سبب وإن كان فعلاً عند الغالبية ولكن زوجك عاوز يعدد علشان عنده شهوة الكلام مع النسوان  
-يعني إيه ؟

=يعني زوجك كل مشكلته إنه عاوز يتكلم مع حد في الحلال ، امرأة واحدة لا تكفيه ، فبيدور على وسيلة زي الواتس والماسنجر وكل دي سكك حرام ، ولو كل ما هتكتشفي وسيلة وتهاجميه بسببها ويسببها علشانك هيدور على وسيلة تانية وهيتعلم مع الوقت يهرب من الضغط بتاعك إزاي ، انتي فاهمه اللي بقوله ؟

-أنا أول مرة أسمع الكلام ده

=ما هو انتوا لازم تكونوا فاهمينه في الرجالة علشان تستوعبوهم وتحلوا مشكلاتكم بنفسكوا ،  
انزلي ياأختي دوري لزوجك على واحدة يتزوجها ويفرغ معاها الطاقة الزيادة دي  
-ياشيخ طاقة زيادة إيه ، دا هو أصلاً مبيتكلمش معايا  
=ولا هيتكلم ياأختي ، طول ما هو مكبوت مش هيتكلم

-إزاي بس ، يعني عنده طاقة وعالأقل مش هيتكلم معايا بيها ؟

=انتوا فاهمين الموضوع غلط ، انتوا دايماً فاهمين إن الكلمات مثلاً لو ١٠ كلمات فالزوج بعد التعدد هيخلي ٥ كلمات ليكي وه ٥ كلمات للثانية ، مش كدا ؟



-ايوا

=الموضوع مش كدا خالص ، لو مخزون الكلمات عند الرجل ١٠ كلمات وكان عنده گبت مش هيخرج منهم ولا كلمة ، نفسه بنتسد والكبت بيقل يومه ، لكن لما يعدد ويلاقي متنفس ثاني يفرغ فيه طاقة ربنا سبحانه وتعالى جعلها عنده لحكمة يعلمها هتلاقيه مستقبل للحياة كدا ونفسه اتفتحت وبقي يتكلم ٥٠ كلمة مع الأولى و ٥٠ زيهم مع الثانية وغالب مشكلاتك اللي انتي شايفها هتتحل زوجك مكبوت ياأختي ، وأنا بقولك أهوه لو مش هتساعدية عالتعدد هتطلعي عيال لهم أب ماشي في الحرام وهتكوني بتسلمي زمام ولايتك لواحد انتي لا ترتضين دينه ، قربي من ربنا شوية وبلاش الشيطان يلعب في أساس بيتك ويخلي كل المفاهيم عندك تتغير

➡ ياأخواتنا الطيبات...زوجك مش بالضرورة يعدد علشان نقص عندك ولا عيب بيكملة في زوجة ثانية

مش بالضرورة يعدد علشان انتي مش مكفياه في العلاقة  
تعدد الرجل يرجع لأسباب في فطرته وغريزته نفسها  
لو تفهمتي ده الموضوع عندك هيكون سهل وميسور ، وكثير من مشكلات أخواتنا انتهت تماماً  
بعد تعدد أزواجهن وإنهاء وضع الگبت الذي يعيش فيه الزوج  
لازم انتي كأخت تسعى لآخرتها ألا تتشبهه بالفاجرات أكثر أهل النار 🔥

#تصحيح مفاهيم الزواج

مشاكل وحلول أحمد الإهواني  
مشاكل زوجية وشبهات مخارة وحلولها الواقعية والشرعية

👉 لعبارة بتاعة الأخت علقت مع باقي

😊 الأخوات

مشكلة بعض الرجال إنهم بيتعاملوا مع زوجاتهم زي ما بيتعاملوا مع الأصدقاء

(أنا عاوزاه يتعامل معايا كأنه بيتعامل مع واحدة عبيطة)

الست المحترمة الله يكرمها اختصرت حاجاتنا النفسية بهذه العبارة  
بقول لزوجي تعامل معي إن عقلي صغير حتلاقيني كبرت عقلي وقت أي مطب  
لإني مشبعة نفسياً  
إنما التعامل معي دائماً على أساس إن عقلي كبير حيدخل المشاكل النفسية مع العقلية مع كل حاجة ويعمل عندنا إرور

## مشاكل وحلول احمد الاهداني

مشاكل زوجية وشبهات مخارة وحلها الواقعية والشرعية



اللهم احفظ بيوت المسلمين 🌸



بعد أخذه قرار التعدد وتحديد موعد بالفعل لزواج

الثاني زوجته طلبت منه الطلاق

الزوجة سألت بعض المشايخ وبعد سؤالها لهم قالوا لها:

(لو عاوزه تتطلقي اطلقي عادي)

ومنهم اللي قعد بين الزوج والزوجة وحل الحاجات اللي

الزوج عاوزها من زوجته واتفق مع الزوجة تعملها

وماشي ومكمل في الموضوع

من يومين لقيت الزوج عندي في المطحن ويقوللي إن زوجته معاه وعاوزين يدخلوني في مشكلتهم

الزوج أخ طيب والأخت نحسبها على خير من أهل الدين ، وفي بداية الكلام الزوج بدأ يتكلم إن

الزوجة عاوزه تتطلق علشان هو هيتزوج ثاني

بيقوللي إنها كل ما تسأل حد يهون عندها موضوع الطلاق وأنا ياشيخ لو طلقت بيتي هيتخرب

وعيالي هيتربوا من غيري بعد ١٣ سنة زواج

قلته: (طيب سيبي اسأل الزوجة شوية أسئلة بس أفهم منها لحسن تكون بتخبي عليا حاجة)

عربنا يبارك فيكي ياأختتنا ويحفظك ، واضح إنك من أهل الدين علشان بتسألني وتتحرري في أمور

دينك

-أيوا ياشيخ ، أنا بدرس علوم شرعية وبحفظ القرآن والحمد لله بربي عيالي تربية كويسة جداً

-ما شاء الله تبارك الله ، ربنا يزيدك من فضله ، عاوز بس أفهم منك الأخ دا حياته معاكي عامله

إزاي ؟

-هو كويس ومحترم ومتدين بصراحة ، بس كل شوية يكلمني في موضوع التعدد وأنا ياشيخ

بسمع الموضوع دا مبقاش بطبيعتي خالص ، بدخل في حالة نفسية وبتغير معاه وصوته بكون

عالي حتى على العيال ، أنا مش قادره ياشيخ عال موضوع ده 😞

= لا ياأختي أنا مقصدش حالتك دي ، انتي لو معملتيش كدا متبقيش ست طبيعية أساساً ، أي واحدة أكيد هتعرف إن زوجها هيجمع ما بينها وما بين واحدة تانيه أكيد يعني مش هتقعد تمشي تضحك في البيت ! الغيرة دي هي الفطرة اللي بنعرف بيها النساء اللي لسه محافظين على فطرتهم واللي فطرتهم انتكست خالص ، والحمد لله انتي مع كل ده بتحاولي تتحري في دينك وتسألني عن الحلال والحرام

أنا عاوز أعرف بس... هل زوجك دا مثلاً مش قادر يصرف عليكى وعالعيال ؟..تدينه ضعيف مثلاً وانتى عايشه معاه بالعافية ؟..بيضربك بيشتكم ؟...حالته معاكى ياأختي في المعاملات إيه ؟ -لا والله ، هو بس فيه حاجات كنت عاوزه أغيرها في الشقة وهو بيديني مواعيد ولسه معملهاش ، يعني هو أكيد لو حاطط خطة لعمل كل ده مكنش راح اتزوج تاني ،  
=يعني ياأختي الأساسيات اللي عليها قوام البيت زوجك قايم بيها ؟  
-أيوا بصراحة

=ما هو الفرعيات دي أكيد كلنا بنحط لها خطط والموضوع بيمشي والحياة بقت صعبة أكيد ، ياأختي... انتى عارفه إن اللي انتى فيه دا إبتلاء ؟  
-أيوا عارفه ، أنا مش قادره عليه والله العظيم ياشيخ  
=عارف ومقدر ده ، بس حابب أحكي ليكي حكاية كدا  
-اتفضل

=عندنا في العاشر أخت طيبة زي حضرتك كدا من أهل الدين اتزوجت أخ ما شاء الله عليه من أهل القرآن ، وبعد الزواج الأخ زوجها دا مشي مع واحد مش كويس ودخل في سكة وطريق الإدمان ، وصل معاه الإدمان لحالة صعبة جداً لدرجة إنه بقى ياخذ حقن وبرشام والدنيا معاه راحت في سكة صعبة جداً ، أختنا دي ربنا يبارك فيها قعدت تمشي معاه وتعالجه في المصحات العلاجية وصبرت عليه وقعدت على كدا بيجي ١٠ سنوات من العذاب وهي بين نار عياله اللي اتربوا عالقرآن هيشوفوا والدهم كدا وما بين زوجها اللي الجيران هيعرفوا عنه كدا وما بين بنتها اللي لو جه سن زواجها هتتزوج واحد يعرف عن والدها دا إزاي وهيجي منين ... و... و.... ، أنا نفسي لما عرفت بالمشكلة وقتها مبقيتش عارف أقول للأخت دي إيه

بس الحمد لله الزوجة دي وصلت معاه دلوقتي لبر الأمان ، ربنا يأجرها على صبرها 🌸

-لا حول ولا قوة إلا بالله ، اللهم آمين

=كنت داخل برضو في مشكلة أخت طيبة نحسبها على خير زوجها مشي في سكة الحريم عياداً بالله ، أخت تانيه زوجها بقى ماشي في سكة الإباحية عارفه الأخوات دول كلهم إبتلاءهم عامل إزاي ؟  
-أكيد طبعاً إبتلاء صعب

=فيه مننا ياأختي اللي ربنا بيبتليه بابتلاء شديد وفيه مننا اللي بيكون الإبتلاء بتاعه هين شوية في عز ما أخواتك دول ربنا ابتلاهم بأزواج مشيوا كلهم في سكة الحرام ومع ذلك صبروا عليهم وتحملوا ابتلاء ربنا وفهموا وأدركوا الحكمة ، انتي ربنا ابتلاكى بابتلاء في زوج رفض يمشي مع شيطانه ويكلم النساء في الحرام أو يشوف الإباحيات وقرر يعف نفسه بالحلال كل دول صبروا وحاولوا يتعاملوا مع الإبتلاء برضا تام وانتي ربنا يحفظك عاوزه تتطلقي ؟  
ياأختي هو لو ربنا شدد عليكي في الإبتلاء كان حصل معاكى إيه ؟  
بس ياشيخ أنا مش مقصرة معاه في حاجة

=ومين قال ليكي ياأختي إن الزوج بيتزوج علشان الزوجة بالضرورة تكون مقصرة ؟...انتى ممكن تكونى زي الفل ومع ذلك زوجك يتزوج عادى علشان عنده رغبة زيادة ، رغبة لما ربنا سبحانه علمها وجعلها في الرجال فتح أمامهم بابا في الحلال علشان محدش مننا يكون له عذر يوم القيامة لو مشى في طريق الحرام لشدة حاجته  
-ياشيخ أنا لو اتزوج آخر الشهر فعلاً هكون مقصرة معاه ، مش هقدر أتعامل معاه زي الأول ، أنا بدخل في حالة نفسية صعبة أوي كل ما تيجي الفكرة في دماغى (وساعتها بصيت للزوج وقلتلها )

=بقولك إيه

-اتفضل ياشيخ

=زوجتك دي بعد زواجك هتقعد فترة مش قادره تتكلم معاك زي الأول ، هتلاقيها بتعيط وإننت مش هتبقى عارف هي بتعيط ليه ، هتعمل إيه ؟  
-هحاول أهون عليها ومش هطلب منها كل اللي أنا عاوزه  
=أهم من كل ده إنك تفهم إن زوجتك لو مش هتغير والغيرة دي مظهرتش عليها تبقى مش محتفظة بفطرتها ، أمهات المؤمنين ياأخي نفسهم كانوا بيغيروا على النبي ﷺ عادى



الغيرة دي فطرة طبيعية ، ممكن تكسب قلبها بهدية أو خروجة أو تحسك بدأت تتعامل معاها  
أحسن كمان من الأول

بإذن الله ياشيخ ، بإذن الله أشغل على ده

وفي النهاية قلت للزوجين 🌟

لازم تفهموا إن بيتكم المسلم دا من أكبر الحاجات اللي أرهقت الشيطان ، انتوا دخلتم عملية الزواج  
لوحدكم (زواج عبارة عن زوجين)

دلوقتي الشيطان بيتفاجئ بالزوجين دول بيخلفوا ٣ عيال مسلمين

ذرية موحدة بتزيد يوم عن يوم ، أب صالح ببيحث عن الطرق الحلال بدل الحرام وأم عاوزه  
تعيش بالدين وتتحرى الحرام والحرام في عيشتها

شايفين كل دا عادي ؟

ياأختي أنا أبقي مجنون لما أنصحك بالطلاق في كل اللي قلتيه دا وأكون عون للشيطان في خطته  
اللي انتي سألتهم دول ياأختي مش هينفعوكي لما تلاقي ابنك بقى مدمن أو بنتك مشيت غلط لإن  
الشيطان أقنحك بإبعاد أبوهم عن حياتهم

وإنت ياأخي ... ملكش بركة إلا أختنا دي ، لو لقيتها غيرانة طبطب عليها واحتويها دي أم أولادك  
ولسه محتفظة بدينها

العامل الأكبر عليك علشان إنت اللي بإيدك القوامة

👉 الحمد لله ، الإثنين تفهموا الموضوع ومشياوا مع بعض زي الفل وعملت معاهم جروب واتس  
علشان لما يحتاجوني في أي نصيحة يتواصلوا معايا بسرعة لإن خطوات الشيطان هتزيد معاهم  
كل ما الحلال في حياتهم مساحته هتزيد

كنت حاسس الشيطان واقف بعيد بيعيط عند الموقف 😊

[#اللهم احفظ بيوت المسلمين 🌟](#)

[#تصحيح مفاهيم الزواج](#)

**مشاكل وحلول** أحمد الإلهواني  
مشاكل زوجية وشبهات مخارة وحلها الواقعية والشرعية



يَعْمَلُ الخطاب النسوي في المجتمع الآن على مرحلة  
الـ(عادي) بين شريحة عريضة من النساء  
في الغرب مش بس انتشرت النسوية بالـ(عادي) ده  
.. لا والله

دا الشذوذ الجنسى انتشر بنفس الطريقة وبقي لهم  
مسيرات يطالبوا بالعادي بتاعهم في وضَح النهار  
من الوهلة الأولى هيلعب الخطاب النسوي ده على



أمور هي في أصل الشرع جائزة ، ولكنه سيفرضها في العقل الجمعي للأفراد بسبب كثرة تكرارها  
، ستصير بعد فترة (عادي) 🇸🇦

زمان كان عيب أوي بنتك تخرج وتختلط بالرجال ، ومع كثرة خروج البنات بقي الموضوع  
(عادي) فامتلات الشوارع ببالوعات من النساء يزاحمن الرجال

زمان كان عيب أوي تجهز بنتك وتمضي زوجها إيصال أمانة بجهازها اللي طالع برضاك بس  
في الواقع هو غصب عنك ، دلوقتي ومع كثرة اللي عملوا كدا بقي الموضوع عادي والبنات يتدفع  
لهم علشان ينزاحوا عن بيوت أهاليهم بعد ما كرمها الإسلام ، وكله بالـ(عادي)

زمان كان عيب واحدة تخرج من بيت زوجها مهما كانت الأسباب ، كانوا يشوفوا دي مصيبة  
وعار كبير إنها إزاي خرجت من بيتها بعد ما ربنا نسبّه في الأصل لها ، ولكن بعد ظهور  
الـ(عادي) اللي جه بكثرة المجرمين اللي بيعملوا كدا بقي عادي

زمان كان عيب أوي تستقبل بنتك الغضبانة في بيتك ، وكان عار عليك كمان تطالب بأكلها  
وشربها وهي في بيتك وإنت اللي فتحت لها الباب ، دلوقتي وبعد ظهور الكثرة من الأنطاع مش  
بس بقوا يطالبوا بفلوس طفحها وهي ناشز مجرمة تركت الحل الشرعي ، لا كمان دول بيرفعوا  
قضية علشان ياخدوها وعينهم أد كدا ، وكله بالـ(عادي)

زمان كان فيه واحد بص لبننت الجيران على غفلة منها فقالوله صلح غلطتك واتزوجها  
دلوقتي سواق الميكروباص والمدرس والطبيب والراجل اللي معدي في الشارع صدفة والمجتمع  
في زحام القطار والمواصلات العامة يبيصوا ويتحرشوا وساعات بيحصل أكثر من كدا ، وكله  
بالـ(عادي)

زمان كان صعب عليك كرجل تتزوج واحدة تصرف عليك ، دلوقتي فيه البعض منهم بيتزوجوها  
جامعية وبتشتغل علشان تساعد في المعيشة اللي بقت غالية ، كثرة الأنطاع جعلت الناس يشوفوا  
دا (عادي)

👉 النهارده ، وبعد ١٤٠٠ سنة من كلام النبي ﷺ: (أَيُّ امْرَأَةٍ سَأَلَتْ زَوْجَهَا طَلَاقًا مِنْ غَيْرِ بَأْسٍ  
فَحَرَامٌ عَلَيْهَا رَائِحَةُ الْجَنَّةِ)

وبعد ما الست نفسها كان لها أولياء هما اللي بيتكلموا ، وبعد ما المجتمع كان بيعتبر الطلاق دا  
سبب لهدم البيوت والكل عارف إنها أكثر حاجة الشيطان بيشتغل عليها  
دلوقتي بسبب العادي لقينا آية إيها بتقول لها تصدع وتقول: (أبوا أنا اتطلقت ، لأن الطلاق ليس  
فشلاً ، بل فرصة جديدة لتصحيح المسار)

#الله ينتقم منكم 🌟

#تصحيح مفاهيم الزواج



المدرس زي باباها 🧑

👉 المشكلة دي شفتها الصبح في إحدى جروبات المشكلات..عاوزكوا تقرأوها وتشوفوا التعليق  
تحت 🌟

(انا طالبة حاليا في الصف الثالث الثانوي مشكلتي بدأت من تانيه ثانوي وهي اني تعلقت بمدرس  
تعلق مرضي لدرجة ما اقدر يعدي يوم بدون ما اكلمه وللأسف كان بيبادلني نفس الشعور هو في  
سن بابا تعلقت بيه جدا في تانيه ثانوي واعتبرني بنته واعتبرته بابا لدرجة كنت باخد رأيه في  
لبسي وفي كل حاجه في حياتي وهو كان حابب كده مع مرور الوقت اتطورت العلاقة وحصل  
تجاوزات مني ومنه كمان يعني بقيت ابعث صوري بشعري وهو يقول لي عايز اشوفك واحنا  
اللاتين تعلقنا ببعض هو عنده بنات وبيخاف عليهم وبيحبهم عشان كده كنت متطمئه وانا معاه انه  
مستحيل يغدر بي وبالفعل للامانه مغدرش بي ولا هيغدر لانه متدين جدا ويعرف ربنا بس مشكلتي  
اني متعلقه بيه حاليا انا في تالته ثانوي ودخلت شعبه مفيهاش مادته الدراسيه وده مآثر على  
نفسيتي ومع ذلك كان فيه تواصل والعلاقة اتطورت لدرجة كان بيكلمني فيديو وانا بملابس البيت  
نقدر نقول اني حبيته مع انه من سن بابا وهو الله اعلم بس كان دايمًا بيحب ابعثله صوري وهو

كان بيبعثلي مره مره كان يندم انه بيخليني اعمل كده وبيطلب مني ابعثش تاني وبعدين بنرجع زي الاول المهم حاليا حصلت مشاكل ما بينا وبعدها بس انا مش قادره انساه وبكلمه من كل مكان وكل ما اكلمه يعملني حظر وده مآثر على نفسيتي وعلى دراستي انا عايزه حل انا عايزه انساه وانسى كل حاجه حصلت عايزه حد من الجروب يعتبرني بنته او اخته ويقول لي حل جذري عشان انا تعبت انا على طول بصلي وبدعي ربنا اني انساه لانني حبيته اقسم بالله حبيته اكثر من بابا وللأسف في مره او مرتين حضني وكنت مرتاحه وانا ف حضنه وبقيت اطلب منه انه يحضني كتير بحس اني مرتاحه وانا ف حضنه لدرجة بترجاه انه يحضني ساعات وللامانه هو مش وحش او المفروض مقولش كده عشان معرفش نيته ايه بس انا متعلقه بيه جدا والتعلق ده تعبني ولو اعرف هيحصل معاي كده والله العظيم ما كنت قربت من الاول لو اعرف انه هيجي يوم ويسيني وانا هبقى مكتئبة بالشكل ده مكنش فكرت مجرد تفكير اني أقرب انا بفكر اجيب برشام اكتباب من وري ماما وبيبحث على جوجل عن برشام يخليني افكرش مش عايزه افكر انا تعبت وعايزه حل جذررري عشان مؤخرا بفكر اني اموت نفسي وحدش يستهين بالموضوع لانني بالفعل تعبت انا عايزه انساه اعتبروني بنتكم او اختكم وقولولي اعمل ايه ❤️ انا تعبت 🥱)

\*\*\*\*\*

الرسالة زي ما شفتوها فيها عدة أبعاد لازم نفهمها كويس علشان منقش فيها 📌

١/تعلّقت بمدرسها اللي في سن والدها

(ودا يفهمكم إن المشكلة مش في المدرسين الشباب وبس ، بالعكس.. الموضوع في الإختلاط

التحذير نزل فيه من الجنسين ككل من كل سن)

فالأب يتق الله ويحافظ على بنته من الإختلاط مع أي رجل... (مدرس أو معيد ودكتور جامعة أو

طبيب ذكر)

٢/يعتبره زي بابا

(باب كبير الشيطان بيدخل بيه للناس)

فهذا اعتبر زوجة عمه كأمه...وبعدما كبر زنا بها

وهذا يعتبر بنت صديقه مثل ابنته...وفي خلوة وقعا سويا في الحرام

باب (زي أبويا وزني بنتي) من أكبر أبواب الشيطان



٣/ عنده بنات فمش هيغدر بيا

بعض البنات فاهمين إن الشخص اللي عنده بنات مش هيعمل الغلط وهيراعي ربنا في بناته ،  
طب بيعملوا إيه بسبب ده ؟

بيغوصوا معاهم في الفتن

هو النبي صلى الله عليه وسلم لما قال إياكم والدخول على النساء.. قال (إلا لو عندكوا بنات ؟)  
قال (إلا لو كنتوا محترمين ومتربيين ٣ مرات ؟)

ياجماعة الفتنة ملهاش كبير ، وما ترك النبي صلى الله عليه وسلم بعده فتنة هي أضّر على الرجال  
من النساء

٤/ هو متدين ويعرف ربنا

أيوا ياأختي...هو معرفة الله مبرر للدخول معاه في الفتن ؟

الفكرة إنك مش فاهمه إن كل المقدمات دي حرام

أصلاً ، حرام لا يجوز مدرس يدرس لبنات بالغات ويتكلم معهن ويتسامر بأي حجة وتحت أي  
بند

٥/ تجاوزنا مع بعض وكلمته فيديو بشعري وملابس البيت وبقي يحضنني وأطلب منه كدا

ودي نتيجة طبيعية ، الحمد لله إنه لحق نفسه واشترى آخرته وغالباً تاب وأقلع أو اتقفش 🙏

#ياأختي: لازم علشان ربنا يطهر قلبك من هذا التعلق أن تتوبي

يعني.....١/ تقلعي عن الذنب

تنتهي فوراً عن الذهاب للأماكن المختلطة بأي حجة

٢/ تتدmi على ما فاتك

ودا مش واضح لإنك بتحاولي لسه

٣/ العزم على عدم العودة إلى الذنب

دي كلها خطوات تفتح أمامك باب توبة الله عليك

التعلق هيقعد فترة وينتهي..دا مجرد تعلق إعجاب بشخص وخلص بيحكي معاكي ، واللي

بيصعب عليك إنه ميطلعش من قلبك إنك لسه في مستتقع الموبقات مطلعتيش ولا تُبتي

ورد إستغفار ، وحوقة ، وكثرة نوافل ، ثم الدعاء الأكيد بتحري أوقات الإجابة

ومع الوقت يشرح الله صدرك ويقبل توبتك ويبعد عنك ما أنت فيه

ثم بعد ذلك تطلبي من أهلك الزواج فوراً بلا تردد

[#تصحيح مفاهيم الزواج](#)



وأنا في أولى جامعة حصل قصادي موقف مش  
قادر أنساه

كنت بشتري كتاب لأحد الدكاترة في مادة معينة  
وفي المكتبة كان واقف مجموعة من البنات في نفس  
السنة بتاعتي (أولى حقوق)

البنات من الحوار اللي دار ما بينهم كانوا من  
القاهرة والمفترض هيرجعوا في القطار من بنها ،  
ولقوا بنت معاهم كانت عاوزة تمشي بدري شويه  
وبتسألهم تروح إزاي

بنت من البنات قالتها: (متقلقش ، محمد كدا كدا

أنا عمري ما كلمت حد ولا الحجات دي بس  
فيه حوايا بنات بتتكلم وبنات حرفياً  
بتغازل سواق التوكتوك والممثل والمعيد  
والدكتور من غير مبالغة طب أنا مش  
عايزة أغلط وألوث قلبي ليه ما حدش  
مساعدي ليه أهلي ما يقولوا دي مش  
عايزة تحط راسنا ف الطين بس هي بشر  
وعندها طاقة واحتياجات أنا ببكي من أيام  
الثانوي وتعبت من الخروج وتعبت من  
الزحمة والإختلاط، كنت لما اتأخر برة البيت  
عشان دروس ولا حتى عشان مواصلات  
الجامعة ببكي وبقول يارب ارزقني براجل  
حقيقي ما يطلب مني أتبهذل  
كده، وللأسف والذي مش هو الرجل ده  
مش هو اللي أكرمني

ماشى دلوقتي ممكن تروحي معاه)

البنات يومها وشها احمر وانتقلب وبقت تنتهته ومش عارفه ترد عليهم إزاي...كان واضح عليها  
بوادر الالتزام وإنها جايه من بيئة غالباً عمرها ما كلمت شباب... (دلوقتي هتمشي معاه) !

البنات دي في سنة رابعة تقريبا كانت ماشيه مع عدد لا بأس به من شباب الدفعة

كثير من الآباء بيعتمد على التربية والتدين والشغل اللي بيعمله مع بنته ، وبعد كدا بيسيب لها  
الحبل خالص بموجب التربية دي

(سن زواجها بيتأخر \_ الفتن حوالها من كل جانب \_ المجتمع غالبية بيدعونها للحرام وبيعتهروه  
شئ طبيعي)

[#انتوا بجد بتعرفوا تتاموا ؟](#)

يعني بتكون نايم كدا ومطمئن وبنتك راكبة الميكروباس ورايحه الجامعة لوحدها مع (عبده  
شلاطة) أو (سيد بشلة) سواقين الموقف اللي مبيطلعوش غير وهما حاجزين كرسيين جنبهم لأي  
واحدة يتمتعوا بيها طول الطريق ؟

بتكون نايم وبنتك في درس خصوصي عند مدرس شاب بتتفاجئ بعد كدا إنها بتحاربك علشان تنسيق شُعبتها بيجي مع مادته ؟

بتبقى مطمئن كدا وإنت شايف بنتك منتقبة وماشيه مع صديقة متبرجة أو بتلبس بنطلون أو.. أو..

أنا بجد حاولت أفهم شخصية الأب اللي بيكون مطمئن في كل ما سبق ولحد دلوقتي مش فاهم والله

ياأختي.. اقعدي في بيتك ومتعرضيش نفسك للفتن واستعيني بالله وعليكي بالدعاء

[#اتقوا الله في بناتكم](#)

[#قوا أنفسكم وأهليكم نارا](#) 🔥



بالرغم من وضع بعض الأهالي لقاعدة (بننتا

لسه صغيرة ومش محتاجه زواج) إلا إن فيه قاعده

تانيه بنسمعها من الناس وهي (طالما غلظت مع

البنت يبقى تصلح غلطتك وتتزوجها) 🤔

البنت اللي لسه صغيرة والأهل نفسهم ممتنعين عن

تزويجها هما نفسهم اللي بيصروا على زواجها لما

تعمل حاجة حرام

لا ويعملوا قعدات ومجالس عرقية علشان يجيبوا

الواد ويكلبشوه ويدبسوه في الزواج

من حوالي سنتين لقيت ولد عنده ١٧ سنة معاه

فيه كثير قصص حواليا لبنات أهلها ما  
اهتموا بزوجوها غير بعد ما وقعت  
الفاس ف الراس زي ما بيقولوا والبنت  
صورت نفسها فيديو أو بعثت صور أو  
حاولت تهرب معاه ساعتها الأهل فاقوا  
عشان يداروا عارهم طب واللي بتحاول  
تستعفف دي خلاص؟!... بسأل نفسي  
يعني لازم أعمل حاجة غلط علشان  
ألاقيكم بتسعدوا لتزويجي وأحياناً  
بيتوددوا للشباب علشان يقبل يتزوجها وم  
يقاش عار عليهم بعد ما باعت  
نفسها... عند الحلال تتشرطوا وتضعبوها  
يعني واللي هو راجل جاي بيتكم من  
بابه، وعند الحرام تخافوا ليزعل منكم!! ما  
لكم كيف تحكمون!! ❤️

بنت أكبر منه بحوالي ٤ سنوات وجاي ليا علشان يسألني عن حكم زواجهم في السر


الولد هربان بالبنت من ورا أهلها وجايين من محافظة بعيدة وبالفعل دخل بيها ، بس لما تكلمت

معاه لقيته عيل كدا خام خالص والبنت دي وراها حاجة

استدرجته وجبت منه رقم والده وكلمته ، وفي بداية المكالمة لقيت والده قاعد يشتمني ويكلمني

بطريقة مش كويسة لأنه داخ بحث عن ابنه وافكرني بشتغله

قلتله: (ياحاج ، أنا في لحظة ممكن أقفل معاك المكالمة عادي ومش هتعرف طريقي ، قوللي الموضوع بشويش علشان أعرف أتعامل) .. وعرفته بنفسه علشان يطمئن  
اتفاجئت إن البنت دي لعبت عالشاب الصغير ده علشان هو ابن واحد من أصحاب الشركات...  
والده غني جداً ما شاء الله وهي بنت فقيرة ومشيتها مش مضبوط والوالد رافض يزوجه  
قلت لنفسه: الأب دا لو كان فتح سكة الزواج قدام ابنه من وهو صغير وقال له (وقت ما تحب  
تتزوج أزوجك)


الولد دا كان حد يقدر يلعب عليه يتزوج بنت من ورا أهلها ؟  
الغريب إنه الواد عاوز يفلفص بعد ما خد مزاجه منها ولقى نفسه هيخسر كل حاجة وهي تقول  
له: (أنا حاربت الدنيا كلها علشان أتزوجك وإنك عاوز تسييني)   
افتحوا سكة الزواج قدام عيالكو مش عيب والله ، اتكلموا معاهم حتى لو مش في مقدرتكم  
تزوجوهم أصلاً الكلام مش بفلس  
خليه يشوف الحلال قدامه سهل وقت ما يطلبه هيلاقيه مش كل ما تتفتح سكة كلام تقولولهم (انتوا  
فين والزواج فين ؟)

[#اتقوا الله في عيالكم](#)

[#تصحيح مفاهيم الزواج](#)

**مشاكل وحلول** أحمد الإلهواني  
**مشاكل زوجية وشبهات متناهة وحلها الواقعية والشرعية**



 دا كان رأي أحد إخواننا المحترمين على رسالة اليوم  
بتاعة الزوج اللي كان طالب النصيحة بعد اعتراف  
زوجته له بالخيانة عن طريق مراسلات بينها وبين  
المدرس الخصوصي  
رأي الأخ طبعاً يحترم وله وجه في الشرع  
ولكن أنا بس حابب أقدم بعض الرؤية لإخواننا المتابعين  
واللي ممكن تكون مثل هذه المسائل بعيدة عنهم

برايي يطلقها بعد ان طعنته في عرضه وشرفه  
فهي لا تستحق ان تكون تحت رعاية وحماية  
ونفقة واهتمام وحتى اسم رجل فعلت به  
ذلك ، وغيره الرجل وكرامته وشرفه تابى ان  
يحتفظ بامراة مثلها



فان لم يطلقها فيمسكها معلقة مع منعها من  
الهاتف والانترنت والخروج الا للضرورة  
القصوى ، ويتزوج عليها بكر صغيرة مؤمنة  
متدينة

👉 اللي بيدخل في حل المشكلة يا إخوة ينبغي عليه أن يضع حلاً (منطقياً) و (في حدود الشرع) و (يراعي أحوال السائلين)

مثلاً في مثل هذه المسائل نجد مَنْ يقول (يطلقها على طول حتى لو فعلت كذا وكذا) وآخر يقول (يطلقها ويروح يتزوج بعدها)

وهنا الأخ يقول: (يطلقها ، وإن لم يُطلقها يتركها مُعلّقة ويمنعها من كل شئ ويتزوج عليها بكراً) طيب يا أخي... يعني هو ١/ يُمسكها ٢/ يُعلقها ٣/ يتزوج عليها بكراً الحل دا أبعاده إيه ؟.. وهل هذا يُعد حلاً ؟

كان معها ثم نظرت لغيره ، فلما نظرت لغيره تركها معلقة لا يقربها.... (هو كذا منع عنها الفتنة وللا زودها ؟)



وهل تعتقدون أن أدوات الفتنة فقط هي منع هاتف وإنترنت وخروج ؟

(دا لو طلقها أو هجرها للتأديب لفترة يكون أفضل من إمساكها بهذا الوضع)

ثم الإخوة يطرحون مسألة (يتزوج غيرها بكراً)

دا البكر في مصر صعب تيجي وإنت لوحذك... هتجيبها تعدد ومعاك عيال ؟ 🤔

يعني هذا حل للتيسير عليه أم لتجيزه ؟

👉 الأخ اللي بيسأل ببسألنا علشان يفهم ويدرس مشكلته لأنه بداخلها ، متخيلين تعليق كهذا ممكن ياخذه في وقت حماسة منه ثم يصطدم بالواقع.. وضعه هيكون إيه ؟

[#تصحيح مفاهيم الزواج](#)

مشاكل وحلول  
أحمد الإلهواني  
مشاكل زوجية وشبهات مخارة وحلولها الواقعية والشرعية





السلام عليكم يا طيب.  
مشكله بين زوجين الزوجه من أسرة  
محترمة وهي زوجة محترمه وقريبة من  
ربنا.

لكنها للأسف مع مدرس ابنها عبر  
الواتس فقط تطورت علاقته بينهما ع  
الخاص لدرجة شات علاقة جنسية محرمة  
والحمد لله شات فقط بدون صوتيات او  
صور او مكالمات او غيره تكرر الأمر ثلاث  
مرات.

ولم تخبر أحدا غير زوجها وواعده بالتوبة  
النصوح وغلق كل منافذ الفتن والتغيير  
الكلي الطاعة الله ثم زوجها وتطلب منه  
الستر والامساك عليها واستقرار حياتها  
وبيتها.

نصيحة من فضلك الزوج انك تكلم

👉 لزج بزوجتك في مستنقعات الفتن بحجة أنك قد  
اختبرتها وأنها رفيقة دربك ومن بيت صالح وكذا وكذا ،  
هو من أكبر المشغبات التي ستحول بينك وبين عملية  
الحفاظ عليها

١/الزوجة التي تتركها وتسافر لأجل لقمة العيش

٢/الزوجة التي تتعامل مع عامل النظافة والسباك

والكهربائي في عدم وجودك في البيت

٣/الزوجة التي تستقبل معلم القرآن والمدرس الخصوصي لأنك مشغول عن الأولاد

٤/الزوجة التي ترسل كل هؤلاء للتنسيق معهم لإدارة شؤون حياتكم (هاتفياً أو واتس)

٥/الزوجة التي تقف معك في مشروعك التجاري وتختلط بالزبائن

[#حضر اتكوا واخدين بالكوا ؟ 😞](#)

إنتوا فاهمين يعني إيه (لا يخلون رجل بامرأة إلا كان الشيطان ثالثهما) ؟

انتوا فاهمين ليه الشريعة قيدت حدود التعاملات مع المرأة الأجنبية في مثل هذه الملابس ؟

👉 لا تجعل من طول العشرة وإعطاء الأمان المفرط عاملاً للزج بزوجتك في آتون الفتن

👉 الأخ السائل: مش واضح إذا كنت اكتشفت بنفسك أو أنها ربما شعرت بالذنب فاعترفت لك

(وليس من مهماتنا التنقيب في النوايا)

ولكن.. نصيحتي لك إن أعطيتها فرصة أخرى [وهذا لا يطعن في رجولتك أبداً بل إن تقدير الأمر

لك] فلا تقع فيما وقعت فيه في السابق

من البديهيات أن تعيش هذه الزوجة بعد ذلك بلا هاتف أصلاً حفاظاً عليها من أي أداة للفتنة ، لا

تتركها وتغيب ، احمل مسؤولياتك وكن رجلاً

أخي..إن قدر الله لك وعفوت فلا تُعَاير فتكون المعايير عوناً للشيطان عليها

[#تصحيح مفاهيم الزواج](#)

مشاكل وحلول احمد الاهواني  
مشاكل زوجية وشبهات مخارة وحلولها الواقعية والشرعية

👉 البنات بسبب الإختلاط والدخول في مستنقعات الحرام بقوا يتبعوا عدة مسارات مع أهاليهم

أولاً / الفتاة التي لا تريد الوقوع في الحرام ، ثم تجد في نفسها حياءً من مفاتحة أهلها في الأمر.. تظل في حالة كبت بسبب شهوتها يسبب لها ضرراً بعد الزواج للأسف  
ثانياً / الفتاة التي لا تريد الوقوع في الحرام ولكن عندها الجرأة بمفاتحة أهلها في الأمر فلما أن يوافقوا ويتفهموا الأمر وإما أن يرفضوا بحجة الدراسة والسن وغير ذلك  
لهن حالتين 👉

بالحلوة بالله بالله ع حضرتك.  
جاوبني  
هل يجوز العقد بدون علم والدي..  
وهل يعتبر ذلك عقود له..  
انا بحاجة للزواج من اجل ان اعف نفسي  
لكنه رافض بحجة اكمل تعليم ولحد ما  
اخلص ونا عندي شهوه..  
انا ف اولى جامعة..  
في حد بيحبني جداً.  
الحمد لله مفيش بينا تجاوزات  
ف عايزه نعمل العقد بدون علم والدي  
لانه رافض..  
هل هذا عقود؟!  
اتمنى حضوتك ترد عليا بالله بالله 🙏

{ 1 } عند تفهم الأهل للأمر فإن ذلك مفتاحاً لقضاء شهوتها بالزواج ، بل إن الأب العاقل هو الذي يبحث لها بنفسه عن شاب صالح يتزوجها كي لا يتأخر زواجها

{ 2 } عند عدم تفهم الأهل فإن الفتاة قد تلجأ لـ 👉

- ( أ ) الإباحية وتفرغ الشهوة مع نفسها وبدون علمك... وهذا سهل بسيط في زماننا جداً
- ( ب ) تعدد صداقاتها مع الشباب المختلف بعيداً عنك لتعويض العاطفة المرجوة في الخارج من خلال مواقع التواصل ومكالمات الفيديو
- ( ج ) مقابلة الشباب في الجامعة والنوادي والحدائق العامة والكافيهات والدروس والسكاشن وعلى النواصي وقد يصل الأمر للفاحشة
- ( د ) تلجأ إحداهن للزواج السري [المسمى بالعُرفي] تجنباً لوقوعهن في الزنا (في زعمهن)
- ( هـ ) الأخريات يبحثن عن إسقاط ولاية الآباء لإعضالهن لبناتهن وقد ظهر ذلك بصورة كبيرة في الآونة الأخيرة ورسائل البنات التي تُرسل يومياً لدور الإفتاء في الأزهر ومجالس الإفتاء خير دليل

👉 أيها الآباء: (بناتكوا في التقسيمة دي فين ؟) 😞

👉 أختي المسلمة : اللي اتعرف عليك في الجامعة دا وربما مشيتي معاه مش هينفعك [عدم التجاوزات دي مؤكد أن قبلها بدايات تعارف لا ترضي الله] ، بل يلزمك توبة من هذه العلاقة أصلاً ، وينبغي عليك الإنصياح لوالدك والتصريح له برغبتك في الزواج بدايةً

[#تصحيح مفاهيم الزواج](#)

## مشاكل وحلول أحمد الإهواني

مشاكل زوجية وشبهات مخارة وحلها الواقعية والشرعية



ارجوك من غير شماته .. انا سايب البيت  
بقالي سنين بسبب اني وانا صغير  
شوفت ابويا وامي مع بعض انا واختي  
وفضلنا نعمل زيهم سنين ولما كبرنا بقينا  
نعمل كدا بردو ولكن من غير ايلاج من  
ساعت ما الشيخ قالني تتوب الي الله  
وتسيب البيت وانا عملت كدا بقالي  
سنين مشوفتش اهلي وهاجرت  
ولكن بيعت فلوس ومصاريف وواخذ بالي  
منهم وفلوس جوازها وحتى بيعت  
لعيالها مش عارف اتخطي الموضوع وكل  
ليله يبكي ويندم ومش عارف اعيش  
حاولت الانتحار ولكن توبت الي الله ويندم  
كل يوم هل يجوز ارجع اشوف اهلي  
تاني حياتي مدمره يا شيخ

غياب الوازع الديني ، غياب وغفلة الأهل  
عن تصرفاتهم أمام الأبناء ، التفاز اللي في  
بيتك بيتعرض عليه قنوات لا ترضي الله ،  
الموبايل اللي في إيد عيالك بضغطة زر واحد  
بيشوفوا اللي مكنتش تعرف تشوفه جزء منه  
زمان غير بالعافية

المجتمع في خطر وإخواننا المشايخ ساكتين  
وكل ما بنتكلم محدش بيصدق ولسه فيه ناس  
معتقدين إننا نسكت عن الباطل علشان يندثر  
وهما مش عارفين إنه بقى عايم عالسطح  
وكلنا شايفينه وبدأ يطلع لنا لسانه كمان  
وكل يوم بيتعرض عليا مشكلات زي دي  
ومحدش مصدق غير لما فتحت مجال للناس  
يطلعوا اللي جواهرهم

(افيقوا يرحمكم الله.. افيقوا يرحمكم الله)

زوجوا عيالكوا وافتحوا لهم الباب من الصغر زي ما بتهتموا بدراستهم ، قول لابنك لو عاوز  
تتزوج هزوجك عادي علشان ميستبعدش الطريق  
قول لبنتك لو عاوزه تتزوجي قوليلي ، شوف لها حد صالح يتزوجها....(أبوس إيدك عيالك في  
خطر)

نصيحتي للشباب... اسأل الله أن يتوب عليك... تتزوج هناك واستقر وبلاش تنزل ولا تُحدّث بذلك  
أحدًا

#قوا\_أنفسكم\_وأهليكم\_نارا

## مشاكل وحلول أحمد الإهواني

مشاكل زوجية وشبهات مخارة وحلها الواقعية والشرعية



الرسالة دي عبارة عن عدة مصائب في

بعض 😞

١/ ممارسة العلاقة الزوجية في حضور

الأطفال بحجة صغر سنهم

٢/ التساهل في الإختلاط بين بنتك وابن عمها

بحجة إنه زي أخوها

٣/ السماح للبنت في سن صغير بمشاهدة

الكمبيوتر اللي محدش من الأهالي بيراقب

الموجود فيه

٤/ سن ١١ سنة عند البنت زي ما إحنا بنقرأ

دلوقتي سن فوران شهوة مش طفلة صغيرة

ولا حاجة

٥/ التساهل في ترك البنات الصغار مع

شباب كبير بأي دافع وتحت أي بند أكبر



غلط

٦/ الأم ودورها الكبير في حياة بنتها وإنه بالرغم من توعيتها تركتها ، وكأنها اكتفت بالتوعية

وبس وسابتها كذا خالص

٧/ تربية الأبناء على العيب واللي ميصحش بديلاً عن مفردات الحرام والحلال والكبائر والموبقات

والتخويف من النار والترغيب بالجنة

٨/ أصدقاتك كآب وعلاقتهم ببنتك ، فكرة إن دا راجل كبير و.. و... اللي كلت دماغ الناس واللي

كثير ميعرفوش إن فيه نوعية من دول مبيستمتعوش غير بالأطفال وبيكون دا مرض عندهم

٩/ التفريغ العادي واللي لازم يحصل في يوم من الأيام لكل المشاهدات دي بتكون الإباحية مفيش

غيرها في زماننا للأسف

١٠/ عدم مراعاة مشاعر البنات البالغات وفي نفس الوقت تأخر تزويجهن بشتى الحجج

أنا مش عارف أقول إيه بصراحة غير 🙄🙄🙄

#قوا أنفسكم وأهليكم ناراً🔥



## مشاكل وحلول أحمد الأهماني

مشاكل زوجية وشبهات مخارة وحلها الواقعية والشرعية



👉 عدم تعاهد الأولاد ومعرفة أصدقائهم سيكون من أكبر أسباب الضياع  
هو إنت إزاي مش عارف أصدقاء ابنك ؟  
انتي إزاي مش عارفه صديقات بنتك ؟  
إزاي مش عارفين أهاليهم ؟  
لسه كل همكم إنه يتعرف على فلان اللي مستواه  
الإجتماعي عالي ومبتصوش للدين ؟  
يا جماعة الموضوع كبير والله مش صغير ،  
المكالمات الفيديو بقت منتشرة جداً وبسهولة البنت  
يتمسك عليها مكالمة وتعمل كل اللي الشاب عاوزه  
يا حاج....مفيش حاجة اسمها موبايل أندرويد في

انا بنت وبقول لحضرتك ان المشكله مش  
في التليفون بس المشكله في الاهل  
نفسهم يعني انا مسكت تليفون وانا  
عندي 18 سنه ما شفتش يعني اباحيه او  
اي حاجه من الكلام ده بس ما كانش  
في توعيه من البيت ما فيش توعيه من  
الام كان عندي صديقه يعني ربنا يصلح  
حالتها

بدات تجربني لاني انا اكلم شباب وانا  
يعني وقعت في الغلط كلمت حد فيديو  
والكلام ده كله بس يعني الحمد لله ما  
وصلتش للزنا بس انا الحمد لله يعني  
بحاول اتوب عن الامر ده واتمنى ان انا  
ابطل الموضوع ده تماما لاني بتوب  
فترات طويلة ومن سوء المعامله  
والحاجه للإهتمام برجع

إيد بنتك حتى ولو كانت في الجامعة

مفيش حاجة اسمها بنت تروح جامعة مختلطة أو يكون لها مدرسين في سن البلوغ أصلاً  
التحرش اللي بيحصلهم من سواقين الميكروباصات (لفظياً ومعنوياً) وزى ما تقول قول هو اللي  
بيوصلهم بعد كدا للإباحية

احفظوا بناتكم وحافظوا على عيالكو

#اتقوا الله في عيالكو ❤️

#قوا أنفسكم وأهليكم ناراً 🔥

## مشاكل وحلول أحمد الأهماني

مشاكل زوجية وشبهات مخارة وحلها الواقعية والشرعية





👉 علوزكوا تقرأوا رسالة البنت دي علشان تشوفوا عظم الجرم اللي بعض الأهالي بيعملوه في حق بناتهم ، واللي بسببه كثير من الفتيات دول وقعوا في مستنقعات الحرام عياداً بالله 😞  
او عى تمنع تزويج بنتك بحجة الدراسة ، والله لَن تسلم من عذاب الله إن وقَعْتَ في الحرام

انقوا الله في بناتكم ❤️

👉 الأخت الفاضلة: (أيوأ ينفع تسجلي بدون علمه) الموقع عندي فيه باب كامل للبنات اللي لهم حالات خاصة زي دي ، والبنت بنفسها بتوضح دا في الإستمارة علشان نشوف مع الشاب طريقة

يا شيخ انا بنت عندي 21 وبجاهد نفسي وخايفه اقع ولا اعمل حاجة حرام وعايظه اتزوج من بعد البلوغ وصابره دا كله وبدعي ربنا يبعد على الفواحش بس اهلى بيقولوا مفيش زواج غير بعد ما تخلصي دراستك ورافضين فكرة التسجيل فى الموقع وعندهم ان كدا برخص نفسي ومحدث بيتقدملي مناسب كل اللي اتقدموا مش ملتزمين تنصحتني بإي وهل ينفع اسجل من وراهم فى الموقع ؟ حتى مفيش حد من قرايبي ولا اهلى بيحاول يدورلي على زوج صالح ولو طلبت منهم كدا هيستنكروا عليا انى بطلب كدا وعايظه اتزوج ❤️

🗑 حذف 📄 أظهار من المرسل؟

كويسة لدخوله البيت وإزاي يتعامل مع الأب اللي زي ده

👉 انقذوا عيالكو من الحرام..لو مقتدر زوج ابنك ، ولو بنتك متقدم لها شاب كويس مترفضش ، متعدهش تطلب منه طلبات كثير وتطفشوهم

👉 اصبري ياأختي ، والزمي الدعاء ، سيجعل الله لك فرجاً ومخرجاً

#يارب\_نفهم 🌸

مشاكل وحلول أحمد الأهواني  
مشاكل زوجية وشبهات مخارة وحلولها الواقعية والشرعية

👉 لو لقيت ابنك في حاجة للزواج...ساعده على ده ساعدوهم حتى لو كانوا في الدراسة ساعدوهم حتى لو مش شغالين وفيه عندك مقدرة مادية تفتحله بيت  
لو لقيت قطار الزواج تأخر بابنتك متعدهش تقول: (لسه نصيبها مجاش)  
اختار لها شاب صالح يكون كويس وقول له: (عاوز أزوجك بنتي)

ياشيخ بخصوص بوست الشاب اللي تعرف على الاباحية من صغره احنا كثير اوي نفس حاله مع الاسف في منا اللي قدر يتزوج وفي منا الاغلب لسه ومش عارفين نعمل ايه وده بياثر على كل حاجة في حياتنا من شغل لفقدان طموح لكل حاجة وبجاهد نفسنا جدا ونتوب ونرجع بس الموضوع مميت فعلا والناس مش حاسين بينا ولا اهالينا ولا أهالي البنات نعمل ايه. ربنا يصبرنا ويهدينا

بلاش خيبة ثقيلة انتوا مش أكرم من الفاروق عُمر وهو بيعرض بنته على أبو بكر وعثمان علشان يتزوجوها

👉 يا جماعة الدين مش مجرد ممارسة شعائر وبس... الدين مفهومه واسع وكبير جداً  
 إنت زمان مكنتش عايش في نفس الفتن بتاعتهم دلوقتي... بنتك اللي عاوزه تتزوج ومكسوفة  
 تصارحك بكدا عبارة عن ذنب كبير هيسألك ربك عنه يوم القيامة  
 بنتك اللي أدمنت الإباحية وإنت لسه قاعد تراهن على عفتها علشان مبتقولش لك عاوزه أتزوج  
 مش هينفعك صمتها ولا هيكون حجة لك أمام الله في آخرتك  
 👉 يا حاج... بنتك بقت تتعلق بالمدرس الشاب والمعيد اللي من سنها في الجامعة وبقينا نلاقيها داخله  
 تصرح بكدا على أي بوست لمغني تركي عالفيس

[#افيقوا\\_يرحمكم\\_الله](#) ❤️

[#قوا\\_أنفسكم\\_وأهلكم\\_ناراً](#) 🔥



👉 فيه ناس شايفيني متشدد شوية في موضوع عمل المرأة ، وبقول دايماً للشباب (متزوجهاش موظفة)

[#الكلام\\_دا\\_مش\\_سليم](#) .. كلمة [شوية] دي مش مضبوطة

أنا بقول للشباب على أد ما يقدرُوا وكل حالة لها وضعها 👉

١/متزوجهاش موظفة:

علشان مفيش ست هتقدر توفق بين عمل الخارج [العمل] مع عمل الداخل [بيتها]

٢/متزوجهاش موظفة علشان هي قالتلك إنها هتقعد من الشغل بعد الزواج:

لأن النساء شديداً التأثير بالمجتمع الخارجي ، كل ما الوحدة هتزيد عليها الشيطان هيشغل على الذكريات

٣/متزوجهاش معاها شهادة الوظيفة بتاعتها ممكن تكون فتنة لها بعد الزواج:

واللي صديقات المهنة هيتصلوا بيها وممكن تتابع أخبارهم ، الحياة مبتمشيش على وتيرة واحدة  
 وكل ما هتتمر بأزمة مالية ويحصلك ضيق عيش هيكون عندها اللي تقعد تحكيها عن سيارتها  
 اللي جابتها من شغلها وشقتها اللي في الساحل الشمالي

٤/منتزوجهاش ربة منزل بس اللي له تأثير عليها في عيلتها واحدة موظفة:  
وهذا قولاً واحداً حتى لو كانت أمها في حالة إنك تلاحظ إهتمام الطرف الآخر بالفكرة

٥/منتزوجهاش ربة منزل وبعد كدا تخليها تساعدك في وظيفتك:

علشان ببساطة إنت اللي بنفسك هتفتحلها الثغرة اللي الشيطان هيبدا منها

٦/منتزوجهاش ربة منزل وتوافق تشغلها فترة معينة لحد ما تعدي بيها أزمة مادية:

الست يا صديقي مش جايه علشان كدا ، واللي بيدخل في فتنة صعب يخرج منها

👉 كل الحاجات دي ممكن تبقى عرضة للنقاش..(بس اسأل في كل حالة لإن كل شخصية ولها وضعها)

#اتقوا الله في النساء يا شباب

**مشاكل وحلول**  
أحمد الأحمدي  
مشاكل زوجية وشبهات مخارة وحلولها الواقعية والشرعية



#مروة تخرج عن صمتها

👉 منشور جميل كان بيناقش مشكلة إنتشار الطلاق بين الموظفات ، الكاتب بيتكلم إزاي بين كل ٥ حالات طلاق بنلاقي فيهم ٤ حالات لموظفات وواحدة لربة منزل

👉 تعليق أختنا مروة كان مميز جداً وكان مهم جداً نناقشه ، لإن مروة خرجت بأفكارها عن مجرد طرح عادي ممكن تطرحه واحدة ست على منشور إدلاءً برأيها وإرضاءً لشهوة الكلام والثرثرة وإبداء الرأي في أي موضوع ، ولكن مروة هبّت عدة هبّات عابرة للقارات 🌟

مروة بتكلمنا عن ربات البيوت اللي بيعيشوا في

**Marwa**  
ومين قال لحضرتك ان دى حاجة كويسة؟  
ربة البيت دى ممكن تكون عايشة فى عذاب  
واهانة وفى الآخر تموت قهرا وده بسبب لان  
ماحدش هيصرف عليها بعد الطلاق  
قبل ما تتكلموا عن عمل المرأة وتقحموه فى  
الموضوع ادرسوا الاول حالات الرجال الانطاع  
الى انتشرت كثير واللى مبقوش يقدروا  
يتحملوا مسؤولية الاسرة وتربية الاولاد لا ماديا  
ولا معنويا  
اغلب الاسر دلوقتى اللي شايلها الستات  
وبالمناسبة ستات كتير نفسها تسبب الشغل  
وتبطل بهدلة لكن معندهاش مليونير يصرف  
عليها  
ان الاوان نبطل بقى نشوف البوستات  
المستفزة دى البعيدة تماما عن الواقع وبتتكلم  
عن 3 أو 5 فى المية بالكثير عن حالات

عذاب وخايفين من الطلاق علشان (المصاريف)

بتكلمنا برضو عن الرجال الانطاع اللي مبيصرفوش

الفكرتين دول بيحصلوا فعلاً محدش يقدر ينكرهم ، ولكن يامروءة...إيه علاقة دا بتشجيع المرأة على الوظيفة ؟

أصلاً الحالات الفردية دي واللي المحاكم مش بتقصر معاهم ، قلبك مش هيكون حنين عليهم زي القانون الوضعي يأختاه

انتي بتشجعي دول علشان بدل ما يكونوا حالات فردية يبقوا هما الحالات الـ ٤ من الـ ٥ حالات ؟

يعني فكرة الشغل والوظيفة عندك عبارة عن تأمين للسك الللي مش هتعرف تختار وأهلها هيزوجوها وخلاص ؟

فبدل ما تهتم بزوجها تخرج وتهتم بطوب الأرض وتنسى البيت !

مروءة كمان قامت بإلقاء هبة رهيبه جداً...بتقول إن أغلب الأسر دلوقتي الللي شايلها ستات 🧑🏻  
يأخت مروءة...الكلام دا لو في بيتك متعميهوش على البلد كلها

يامروءة دا معظم المشكلات الللي بتتعرض علينا الواحدة فيها بتقول لزوجها (لو مفيش شغل طلقني) رجالة مين يامروءة الللي شايلين البيوت.. انتي أبوكي باعك لمين يابنت الناس ؟

وبعدين يامروءة ستات إيه الللي نفسها تسبب الشغل بس الللي بيمنعها إن الزوج مليونير 🤑  
ياولية بطلي تبالغي كدا واستهدي بالله

[#ربنا يهديكي يامروءة](#) 🌸

**مشاكل وحلول** أحمد الأهواني  
مشاكل زوجية وشبهات مخارة وحلولها الواقعية والشرعية

بعد الشغل على هدم الخطاب النسـ.وي على مدار سنوات بلا هوادة ولا موارد ولا إمساك للعصا من المنتصف بدأت العينات دي تظهر معانا  
العينات الللي كنت دائماً براهن عليها وبقول للشباب إنها حتماً موجودة بس مفيش خطاب جريء حازم يطلعهم  
المرأة المسلمة بحق لن يقنعها الخطاب المنسـ.ون الللي بيمارسه بعض الدعاة ، حالها في ظل عدم سماع الحق كحال من ينتظر بزوغ فجر الإسلام الحق في وقت الجاهلية

انا بنوته واحب اشكر حضرتك جدا على المعلومات والافادة الا بتقدمها اتعلمت من حضرتك الكثير وبقيت شايفه فين الحق والباطل وبحاول اساعد زوجات كثير كانت بيوتهم هتتخرب من نصايحك وطريقة حل المشكلات وعمري ما شوفت محتوى حضرتك اثر عليا بالسلب و بقيت بقدرس الحياة الزوجية جدا وعارفه ازاى اتصرف لما اتزوج باذن الله بالشرع والحكمة، جزاك الله خير الجزاء وجزاك ربي الفردوس الاعلي

حذف

أظهر

من المرسل؟



الحمد لله....النوعية دي مش بس ظهرت.. لا دي كمان بدأ شباب يلاقوهم ويدخلوا بيوتهم ومنهم اللي بيدخلوني في مشكلاتهم مع الأزواج حالياً وبيأخذوا رأيي في تربية أبنائهم..(الجيل الجديد اللي هيكون نواة لكل خير بإذن الله)

### #رسالتي للأخت دي

❗خلي بالك ياأختنا من الإختلاط بالمجتمع اللي حواليكى لإن الشيطان هيحاول يسلك معاكى مسار النصيحة...(آه والله زي ما بقولك كدا)

انتى دلوقتى صحيح لسه لم تتزوجى ولكن بعدين هتكونى فى بيت ملتزم وتحت رجل صالح فالشيطان هيحاول ينصب أى فخ لإيقاعك مرة ثانية

الموضوع دا هيبجى من كثرة دخولك فى المشكلات (النصيحة غيرك من النساء اللي بسأل الله أن يأجرک عليها) وبعد كدا هبدأ يخلط فى ذهنك المشكلات اللي بتسمعيها مع حياتك الداخلية فى بيتك

دا كمان هيبجى ليكى فى المنام ليقص عليك بعض الأحلام (شوية على زوجك وشوية حوارات خاصة بحياتكم) على إنها بتحصل مع زوجك...(ودا الشيطان ببيجده جداً)

وهنتفاجئى بنفسك بتهمة الزوج بأشياء تتيقن بها وينفيها وهتدخلي فى حيرة 🤔

دا غير ممارسته الشك معاكى فى الإختيار (ودي مرحلة لسه هتمري بيها)

مش عاوز أقلقكم والله بس دا واقع أنا بحكيه من خلال تجارب بتمر عليا ، سعيد جداً بظهور هذه النماذج اللي بتصبر الواحد على مشاق الدعوة

ولكن....الثبات الثبات ياأخواتنا الطيبات

الأهم من الإلتزام هو معرفة خطط الشيطان التي يسلكها مع كل مسلم لآخر نفس من حياته

### #تصحيح مفاهيم الزواج



❗صديق ليا قاللي إن له صديق عنده مشكلة مع زوجته وعاوز يبجي يقعد معايا

وبالفعل...إمبراح جاب صديقه اللي لسه متابعني جديد وقعد يحكي لي شوية حاجات بتحصل بينه

وبين زوجته بعد زواج ٣ سنوات ووجود طفلة صغيرة بينهما



بيقوللي: (من يوم ما تزوجتها كنت متفق معاها تروح لأهلها يوم في الأسبوع ، وفي كل مرة أقعد أفهمها متحدثش اليوم دا بعينه ، يعني تعرفني قبلها وكل إسبوع نحدد يوم يتناسب معانا ، وكل مرة يحصل ما بيننا مشكلة بسبب الموضوع ده)

سألته: (المشكلة بسبب إنها عاوزة تروح مثلاً يوم الإثنين وإنت مش مناسب معاك نفس اليوم كل مرة؟)

قاللي: (فعلاً..آخر مرة ضربتها واتصلت بوالدها اللي جه بيتنا يزرق ومصمم ياخذها معاه وقعد يحلف بالطلاق ياخذها)

قلته: (وإنت عملت إيه؟)

قاللي: (لقيت بنته مش عاوزة تروح معاه وعلشان والدي يحل المشكلة ويمينه ميقعش قاللي خذ زوجتك تسلم كدا على أمها ورجعها ثاني والمشكلة تتحل)

ساعتها كل الأطراف اقتنعوا وعملت كدا فعلاً ومحصلش جديد

بعدين لقيتها بتعمل مشاكل علشان أنا مش عاوز أروح أكلم والدها وقطعت علاقتي بأهلها ، وبقيت حاسس بسبب إني قاطعتهم إن أمها بقت تحرضها عليا ومبقتش كويسة زي الأول

سألته عن علاقته بيهم زمان قاللي : (علاقتي بيهم كانت زي الفل مفيش أي مشاكل خالص ، الموضوع دا اللي عمل مشكلة ، ولكنها في يوم غلظت وسابت البيت وقعدت عند أهلها كام أسبوع)

قلته: (غضبت وسابت البيت؟)

قاللي: (أيوا..واتفاجئت بشيخ من المشايخ داخل يصلح تبع والدها ويبررلي إنها عادي مشيت علشان زعلانة وكدا)

قلته: (طب ورجعت إزاي؟)

قاللي: (مرحتش جبتها خالص ، بعد فترة اتصلت بصديقة لوالدها تتدخل والست دي هي اللي سعت للصالح ، والحمد لله دلوقتي هي في بيتي بس لسه متغيرة معايا ياشيخ ، أنا متأكد إن والدتها هي اللي بتحرضها عليا ، ولسه كل أسبوع نتخانق في موضوع اليوم اللي بتروح فيه وعدد الساعات ، وآخر حاجة والدها جه زارنا في العيد وكأن الموضوع عادي)

تركت الأخ يحكي كل تفاصيل الموضوع وقاعد أسمع وبس ، غالباً صديقه كان جايه علشان أسمعه إن دي واحدة ناشز وأنصحده يلحق يتزوج زي ما هو نفسه فهم عني في الفترة اللي تابعتني

فيها ، ولكنه انتفجى بيا بقول له: (ياابني إنت زوجتك دي حد كويس جداً وأهلها ناس طيبين ، ليه مش عارف تتعامل معاها مطبوط ؟)

الإثنين نظروا ليا نظرة إستغراب كدا ومش مستوعبين اللي بيحصل 😞  
قلته: (شوف ياأخي...والدها لما جالك البيت وقعد يتخانق وهي كبرت بيك ومسمعتش كلام والدها بالرغم إنه أقسم...دي حاجة تُحسب لزوجتك وللا تحسب عليها ؟)  
قاللي: (تُحسب لها طبعاً)

قلته: (بالرغم إنها عملت حاجة تحسب لها إلا إنك برضو لسه مصمم تشتغل عالثغرة اللي للشيطان حطها في دماغك علشان يبوّظ العلاقة اللي بينك وبين زوجتك)  
قاللي: (ثغرة إيه ؟)

قلته: (ثغرة الزيارات ، إنت عامل مشكلة من الفراغ ، بتتكلم في حوار هايف وسامح للشيطان يدخل لحياتك منه)

قاللي: (هو أنا مش حقي زوجتي تستأذن مني ياشيخ ؟)  
قلته: (حقك طبعاً ، مينفعش تخرج من غير إذنك ، مش إنت اديتها إذن كل أسبوع تروح لأهلها ؟)  
قاللي: (فعلاً)

قلته: (زوجتك اتعودت على يوم معين ، إنت بقى عملت كل مشكلتك في تحديد اليوم ، اليوم اللي هي أساساً بتكون عامله حسابها تقابل أختها فيه أو مواعده خالتها تقابلها هناك ، بتتفجى بيك كل مرة بتلعب في شئ حددته من غير سبب مقنع ، هي بقت شايفاك متزمت معاها في استخدام الحق ، الموضوع مش مرة واحدة كل فترة بالعكس دا إنت بتحكي لي إنك بتعمل دا كل أسبوع!... إنت مش شايف إن دا شئ عجيب ؟)

قاللي: (بس هو يعني ينفع أبوها يبجي البيت ويعمل اللي عمله دا ياشيخ ؟)  
قلته: (ومين اللي فتح الباب لوالدها يعمل كدا وإنت بتقول إن علاقتكم ببعض كانت فوق الممتازة ؟...وايه رد فعل زوجتك لما والدها عمل كده ؟...ما هي كبرت بيك وممشيتش معاها بالرغم من يمين والدها )

قاللي: (طب ياشيخ ما هي تركت البيت بعدها ومشيت من غير إذني)

قلته: (طبعاً دا غلط ، ولكنك بتحكي لي إن دخول شيخ منسون في الموضوع هو اللي برر لها الجريمة دي ، ساعتها ملقيتش حد من أهلها معاك علشان إنت غالباً خسرتهم كلهم بسبب تزمك في استخدام الحق ده ، الحق اللي زوجتك مش بتعارضك فيه ، يعني مش بتعمل مشكلة علشان تروح يومين مثلاً ، دا هي موافقة على يوم واحد ، يوم واحد بس كل أسبوع ، وبالرغم من ده سعت ترجع ودخلت واحدة تصلح بينكما)

الشاب بدأ يضحك ويتعجب ويقول لي: (بس إنت شايف أهلها إيه ؟)

قلته: (شايف أهلها ناس كويسين جداً ومش دول اللي ينفع تخسرهم ، إنت بنفسك بتقول إنه بالرغم من مقاطعتك لهم والدها جه وزارك في العيد ، لسه برضو بعد زيارته مقاطعه!... دا إنت عجيب يا أخي والله) 🌈

الشاب بدأ يرتاح للكلام ويضحك هو وصديقي اللي كان معاه  
سألت صديقي: (إنت بتعمل كدا مع زوجتك ؟)

قال لي: (لأ خالص)

قلته: (ولا أنا ، ليه أعمل ثغرة في حياتي ملهاش لزمة تتعمل)

قال لي: (طب أنا بخليها تروح من الظهر وترجع على المغرب كل أسبوع)

قلته: (لما هتسييني دلوقتي هترجع لزوجتك وتقول لها: (بإذن الله كل أسبوع هتروحي لأهلك يوم كذا ، وتسببها ياعم تقضي اليوم كله هناك ، وتروح تاخدها في آخر السهرة بنفسك وتسلم على حماك وحمااتك ، وياسلام بقى لو سمحتلها بيوم كدا كل شهر تببيت هناك )

قال لي: (تقضي اليوم كله وتنام هناك كمان ؟)

قلته: (أيوا... بعد شهرين هتلاقيها جايه لك في نص الليل وهتشك إنك بتتزوج عليها .. وشوية هنتشغل بالعيال ، وإنت بنفسك هتتحايل عليها تروح تهدي نفسها وعلاقتك بحمااتك هتتظبط زي الأول ومش هتحس بأي تحريض عليك ، دا وضع طارئ يا بني إنت اللي عملته)

الشاب مشي من عندي بوجه غير اللي جه بيه وكان قاعد يضحك لما قلته: (خلي بالك ، أول ما هتقفل الثغرة دي قصاد الشيطان هيحاول يفتح لك ثغرة تانيه ، مهم جداً تتعلم إن دي ثغرة علشان تقدر تحددتها وتقفلها ، إنت للأسف لإنك مش على دراية بثغرات الشيطان قاعد تقفل في حاجات ملهاش تتقفل)

❖ يا شباب... لما ربحا يرزقوا بزوجات طيبات بلاش تتفننوا في إفسادهم وتعينوا الشيطان عليهم... عقل الست مش بالذكاء والحرفية في الفهم اللي بتتعاملوا معاهم بيه

#وربنا يوفقكوا ويصلحكوا\_أهلكوا 🌟




👉 تركيز الزوجين في العلاقة الزوجية على كونها (زوج + زوجة) فقط غالباً بيكون أكبر سبب من أسباب فشلها

👉 الشاب اللي بيدخل يخطب بنت من أهلها ويقعد كل اهتمامه بشخصيتها ومستوى جمالها وتدينها بصرف النظر عن دراسته للأهل ... زواجه بيفشل فشل ذريع

(والبنت برضو نفس الوضع)

❖ بعد الزواج هتكتشف إن فيه ناس بيتدخلوا في البيت ، وهتفاجئ إن البنت اللي إنت قعدت تدرس شخصيتها دي لم تنتبه إن فيه ناس الشخصية بتضعف قدامهم... (الناس دول هيمثلوا أكبر فشل



(لحياتك)

ياأختي... الشاب اللي هيتزوج وهيحط إيده في إيد راجل وبعد الزواج هيتفاجئ إن الراجل دا (عجة) هتكون دي أكبر مصيبة وكارثة حصلت في حياته

ودا بسبب البنت في الأساس... ما هو البنات لو مش هيرجعوا لأهاليهم في المشكلات عجة دا مش هيكون له أي لزمة ولا هنتكلم عنه

ولكن... نظرة بسيطة كدا على أي بيت.. (المجرمة اللي بتغضب دي بتترمي في حضن مين ؟)

مين اللي بيقعد يصرف على خراب بيتها ؟

مين اللي بيسمح ويفتح الباب لكل من هب ودب يتدخل في حياة بنته ؟

مين اللي بيقويها ؟

على فكرة....عجة دا مشكلته إنه مش ماشي بدماغه...لو ماشي بدماغه مستحيل يعمل العمائل الصبانية دي

ياأختنا...لو والدك شخصيته ضعيفة فدا مش ذنبك أبداً (أنت مسيرة في اختيار والدك) ذنبك إنك تترمي في حضنه بعد قوامة زوجك عليكي وتطلعي مشاكلك برا البيت وتدخله حُكم في حياتك وهو متهور ملوش شخصية وإنتي نفسك كنتي شايفه دا في بيتكوا قبل الزواج على المسلمة أن تسعد بقوامة زوجها عليها ، فيه نسوان مش لاقيين رجالة يحكموهم بغيروا من وضعك

[#تصحيح مفاهيم الزواج](#)



رسالة الأخ أو الأخت ملخصها إن الكلام عن المشكلات وسط المتابعين [اللي عندي] يعتبر غلط لأن الطائفة الموجودة عندي ناس [متدينين] ومش دول اللي في الدوائر المحيطة بتاعتنا

[#وقفة كدا مع نفسكوا شوية](#)

هل فيه حد من اللي دخلوا المحاكم كان داخل أي بيت وشايف إن الزوجة اللي اختارها دي ممكن تعمل فيه كده ؟

طيب...هل تعتقد إن اللي بيعلقوا على صفحتي أو صفحات المشكلات ليل ونهار بتعليقات إيجابية لما يقعوا في المشكلات بيتصرفوا نفس التصرف اللي كان في تعليقاتهم الجميلة ؟

طيب....هل تعتقد الناس اللي قاعدين يقولوا هو فين البنات وينتقدوا المجتمع اللي مبيطبقش الشرع ، هل تعتقد دول كلهم معندهم إخوان بنات أو أبناء بس غالب كلامهم دا حماسي فحسب ومفيش حد قادر يطبق في نفسه ما فعله عمر مع حفصة ؟







الزوجة كما أفهم (غضبت وراحت لأهلها اللي انفردوا بيها وضحكوا عليها) .. وهذا متكرر ومشاهد في بيوت أشباه الرجال

في هذه الفترة ليس لك عليه نفقة (لو اتحكم ليكي بنفقة هترديها لنشوزك)

لما قررتي تتطلقي كان عليك رد المهر ، متاخذيش مؤخره كمان وكمان بتاخلي منه نفقة متعة على إيه ؟

تحاولي كمان تستغفري ربنا عن كل الأموال اللي أنفقها على المحامين لرد جرمك في حقه ولو تقدري تعوضيه عنهم عوضيه

العفش بتاعه اللي مكتوب في القايمه وأخذتية والله سيكون وبالاً عليكم جميعاً 🔥

ياجماعة (واتقوا يوماً تُرجعون فيه إلى الله)

مهمة رجوعك ليست بالمهمة الصعبة ولا المستحيلة ، ولو فعلاً صادقة في التوبة وعاوزة تدخليني في الموضوع معنديش مانع

[#تصحيح مفاهيم الزواج](#)

### مشاكل وحلول أحمد الأهواني

مشاكل زوجية وشبهات مخنّاة وحلها الواقعية والشرعية

انتفاجى بخطيبته بتسأله بعد ما انتهوا من كل تفاصيل الخطوبة وقربوا يتزوجوا : (إنت بتتابع أحمد الأهواني ؟)

ولما سألتها عن السبب قالتله: (أنا مش ممكن أتزوج ولا أرتبط بحد ممكن يمشي بفكر الراجل ده)

الأخ دا تقريباً كان عندي من أول يوم في خطوبته ، بقى يبجي كتير يقعد معايا وكنت سبب إني أشجعه عالييت ده ولا زلت على موقعي ، بل كلمة البنت نفسها جعلت الشاب يثق في كلامي أكثر وأكثر لما رجع لكلامي له من البداية لما قتلته: (اوعى تعرفها إنك بتتابعني) 😊

ركزوا معايا كويس في اللي هتقرأوه

فيه نوعية من البنات هتلاقينهم قلقانين من خطابي الدعوي جداً ، ومش بالضرورة يكونوا نسـ.ـويات

بالعكس....دول ممكن يكونوا كويسين أوي وعندهم دين

طب المشكلة دي بتيجي منين ؟

المشكلة دي بتيجي من كونهم مش متصورين اللي بنقوله نهائي ، كل ما يقرأوا كلامنا عن النواشز واللي بيعملوه وحملات توعية الشباب مش مصدقين ولا مستوعبين (مشافوش النماذج دي ولا عمرهم دخلوا محاكم وشافوا اللي فيها)..وفكرة إني أمسك العصا من المنتصف فكرة غير مقبولة في دعوتي...فالواقع بيصدم أحياناً عاوز أقوللكوا إن زوجتي نفسها في بداية حياتها معايا مكتتش مصدقه غير لما دخلتها في بعض المشكلات تشوف بنفسها

الأخ نفسه لما جه قعد معايا كذا مرة وشافني في معالجة المشكلات مع بعض الشباب اتفاجئ إني قاعد أوصي البعض منهم بزوجاتهم خير بالرغم إن الزوجة متضايقه منه علشان بيتابعني..قلتلته معاها حق دماغها متستوعبش طب الحل في دا إيه ؟

إحنا عندنا دين بيحكمنا بنوالي ونعادي عليه مش على أشخاص ، فلما تتعرض لموقف زي ده حاول تفهمها بالراحة لأنها لما تكون مش مستوعبة اللي بنقوله معناه إنها حد كويس ولسه محتفظة بفطرتها ، ودماغها مش جاييه كل اللي بتقرأه بل لما تحس إن الكلام بيسبب لها ضغط امنعها من مطالعة الصفحة فوراً...(المهم سلامة بيتك) لكن لما تلاقيها بتحارب اللي بنقوله هنا بيكون الخطر ، وتكتشف الخطر ده لما تبين لها وتفهمها وتديها الأدلة على الكلام

عاوزكوا كذا تتخيلوا بنت لسه بفطرتها من بيت طيب وأبوها رجل محترم تقرأ كلامنا عن عجة واللي بيعمله فتبدأ في إسقاط الكلام على والدها ! أكيد هتكون متضايقه لأن مفيش في حياتها رجل غير والدها ودماغها مش مستوعبة المجتمع الخارجي

عاوزك تتخيل بنت زي دي تقرأ النواشز بيعملوا إيه فتقعد تجيب اللي هيتعمل معاها واللي بنصح الشباب بيه عليها 😊

دي تعيش معاك خايفة طبعاً ، تفتكر إن دا للكل ، مدخلتش عالي ينفعها من الصفحة فحسب فياخوة...استوصوا بالبنيات دول خيراً ومتخليش ولاءك وبراءك لشئ غير دين الله ، إحنا بشر نصيب ونخطئ عادي ، ولو عندك إشكالية في أي شئ أسأل ، ومش كل واحد خطيئته أو زوجته تناقشه في شئ من كلامنا بالضرورة تكون نسـوية وبتسمع من برا والكلام ده

## #تصحيح مفاهيم الزواج



👉 قاعد معايا والله يا إخوة يقوللي: (إنت الوحيد اللي هتقدر تقنعها ترجع ، أنا تبنت خلاص) لما سألته تاب من إيه لقيته كان عاوز يصورها معاها في أفلام إباحية علشان فيه موقع من المواقع عرض عليه مبلغ كبير

هي طلعت بنت ناس وهربت من البيت ربنا يحفظها  
👉 دي واحدة نلومها لو عاشت أصلاً مع واحد زي ده

## #ميوعة الخطاب الدعوي 🤔

👉 أول ما شفت عليه بوادر الإدمان حاولت أقرب منه وأتفاهم معاها وأحاول آخذ بإيده علشان يرجع تاني لربنا ويتخلص من اللي هو فيه.. [شاب ما شاء الله عليه من أهل القرآن وقع في المستنقع الخطير ده]

زوجته ست فاضلة حاولت معاها كثير بس مفيش فايده.. وآخر ما زهقت منه خافت على عيالها وطلبت منه بيتعد عنهم ومش فارق معاها طلاق ولا حاجة بس قالتله: (لو هتفضل على كده سييني أربي العيال في هدوء)

حاولت لأقيله شغل وأعمل حواليه صُحبةً صالحةً علشان أنقذه من اللي هو فيه.. وتقريباً تصدرت له في كل مفاصل حياته علشان يرجع لربنا تاني

👉 بعد ما حاولت معاها عدة محاولات وقعد فترة قدام عيني كويس سعيت إنني أرجعه لزوجته وعياله تاني.. كلمت حماه وطلبت أقابله وقعدت معاها بالفعل (راجل ما شاء الله من أهل الدين كان شاييل هم بيت زوج بنته وعياله على مدار سنوات وكان بيحاول كثير معاها بس مفيش فايده).. حاولت أتوسط له تاني والراجل مشكوراً سعى معايا لرجوعه لزوجته اللي قالتلي يومها: (أنا ياشيخ مكنش ليا أتبهدل وأخرج أشغل كدا أبداً علشان أصرف على عيالي طول السنين دي... لو رجع تاني هيهدلنا وهيهدل العيال وأنا خايفه عيالي يطلعوا كده).. وعرفت إنها قعدت سنوات تشتغل وتصرف عالعيال وتصرف على علاجه علشان يتعافى بس مفيش فايده الحقيقة تعهدت قدامها إنني مش هسيبه وهفضل معاها وبإذن الله حاله ينصلح

بعد شهر تقريباً رجع تاني لما قابل صحبة السوء اللي كان ماشي معاها... وصاحب الشغل طلب منه يسبب الشغل اللي كنت اتوسطت له فيه من البداية

(ورجعت المسكينة لمعاناتها من جديد) 😞

دي قصة قصيرة من مئات القصص الحزينة اللي لما بتعرض من جانب (واحدة ست) بنلاقي ناس كتيريير بيقولولك: (أكيد هي السبب.. ممكن تكون هي اللي وصلته لكده....و....و....) من التهم المعلقة اللي رأس مالها أساساً (أكيد الست هي السبب)

بتعجب جداً لما ألقى رسالة أخت من أخواتنا بتحكي مأساة مع زوجها ونلاقي ناس جايين تفاصيل مش موجودة في الرسالة مطلقاً... المهم الست تطلع هي السبب في المشكلة وخلاص واحدة تانيه لما سمعت عنها طلبت الطلاق من زوجها ليه وبالفعل اتطلقت

(في بداية القصة الحزينة دي هتلم عليها)... بس لما سمعت بنفسي من الزوج اللي طلب يدخلني في مشكلته وبسأله عن السبب قاللي: (وقعت في مستنقع الإباحية.. وبعد فترة الشيطان أغواني أعمل أفلام معاها علشان أجيب فلوس من اليوتيوب.. هي هربت من البيت وطلبت الطلاق) تخيلوا القذارة 😞

دي لما تسمع عنها إنها اتطلقت ومش عارف تفاصيل هتقول: (نسوان مش عاوزين يعيشوا) 😞  
ما تستقيموا بقى وبلاش خطاب مايع

#يارب\_نفهم 🌸

مشاكل وحلول أحمد الأهواني  
مشاكل زوجية وشبهات مخارة وحلها الواقعية والشرعية





عامل بوست طويل عريض يرد بيه عليا لما قلت إن اللي بتغضب وتترك بيت زوجها مطلعتش من بيت راجل

الواد المنسـون بيتكلم في البوست عن حال البنت اللي غضبت من زوجها فتركت له البيت ومشيت بغير إينه ومش كدا وبس دي كمان عملت لزوجها بلوك علشان ميعرفش يوصلها ولا يعرف مكانها (طبعاً كلكم عارفين الغضبانة اللي أنا دايماً بتكلم عنها)

الواد علشان يطعن في كلامي لما قلت إن أبوها اللي وافق على المهزلة دي مش راجل جاب رواية متفق عليها فيها القصة اللي قدامكوا دي

القصة بتقول إن المهاجرين لما نزلوا المدينة انتفاجئوا بتفاوت كبير بين ما اعتادت عليه المهاجريات عن الأنصاريات

(كنا معشر قريش قوماً نغلب النساء فلما قدمنا المدينة وجدنا قوما تغلبهم نساؤهم) قال الحافظ ابن حجر: (أي نحكم عليهن ولا يحكمن علينا بخلاف الأنصار فكانوا بالعكس) وفي رواية الطيالسي (كنا لا نعتد بالنساء ولا ندخلهن في أمورنا)

نساء المهاجرين بدأوا يتعلموا من نساء الأنصار (أي من سيرتهن وطريقتهن) يعني سيدنا عمر (رضي الله عنه) بقى يلاقي زوجته بتناقشه كدا وتاخذ وتدي في الكلام (دي أحوال عادية داخل كل بيت مطلعتش برا ولا تم فيها إسقاط قوامة الرجال)

لحد كدا الكلام ماشي زي الفل وغالبنا عارف القصة

المصيبة بقى إنه بدأ يعمل إسقاط (مريب جداً) بين قول امرأة عُمُر لعمُر لما قالتله (أنتكر أن أراجعك؟ فوالله إن أزواج النبي ﷺ ليراجعنه وتهجره إحداهن اليوم إلى الليل)

هو إنت يعني عاوز تعمل إسقاط لحال بنت الحاج عجة اللي تركت بيتها ومشيت وزوجها ميعرفش عنها شئ وقفلت كمان كل وسيلة تعرفه هو فين هو وعياله بحال عُمُر وأزواج النبي ﷺ اللي خلاهم كان داخل البيت؟

#دي تبقى مصيبة؟ 🤔

قال عمر رضي الله عنه: "لو رأيتنا يا رسول الله وكنا معشر قريش قوماً نغلب النساء فلما قدمنا المدينة وجدنا قوماً تغلبهم نساؤهم فطفق نساؤنا يتعلمن من نساكنهم فتغضبهن على أمراتي يوماً فإذا هي تراجفني فأنكرت ذلك عليها فقالت: أنتكر أن أراجعك؟ فوالله إن أزواج النبي ﷺ ليراجعنه، وتهجره إحداهن اليوم إلى الليل" متفق عليه.

تخيل هذا الكلام يحدث مع رسول الله ﷺ وخير الخلق ﷺ، تراجع زوجته وربما هجرته اليوم حتى الليل!!

لما يحي أخ يقول لو زوجتك غضبت فعملتلك بلوك فدي مخرجتش من بيت راجل.

- فما يقول في كسر عائشة رضي الله عنها صحيفة الطعام في محضر الصحابة!

- وما يقول في قول النبي ﷺ لها: إني لأعلم إذا كنت علي راضية، وإذا كنت علي غضبي، قالت: فقلت: من أين تعرف ذلك؟ فقال: أما إذا كنت علي راضية، فإني لأقولين: لا وزب مخفد، وإذا كنت علي غضبي، فقلت: لا وزب إبراهيم، قالت: فقلت: أجل، والله -يا رسول الله- ما أهجر إلا اسمك!

الإمام البخاري يا ابني ذكر الحديث ده تحت باب ( موعظة الرجل ابنته لحال زوجها) أي لأجل زوجها

البخاري تقريبا كان متوقع ظهور شباب الإستروچين اللي هياخدوا الرواية دي ويبرروا بيها المرقعة اللي بتحصل دلوقتي

بوب الباب للقصة دي علشان يفهمك إن (عمر مش هيسكت عالغلط)

إنت بعدها عامللي سطرين وزعلان علشان بقول إن عجة مش راجل وبتستدل عليا برواية فيها عمر ؟...دا إنت فعلاً ملقيتش حد يربيك والله... (لا ومش لاقى غير عمر؟) 😊

👉دا كمان بدأ يمارس هواية إستحمار المتابعين وبدأ يسقط تاني الوضع المهيّن اللي بيحصل بوضع كسر عائشة الإناء في حضور النبي ﷺ

(عائشة لما غارت كسرت إناء...مسابتش البيت ومشيت..لا كمان والنبي ألزمها تجيب غيره)

ورواية عائشة لما بتقول لا ورب إبراهيم بدلاً من لا ورب محمد!

أيوا....عاوز توصل لإيه يعني ؟

هو الجنباب النبوي بقى محط إستهزاء وإسقاط لكل الرذائل في مجتمعنا بالشكل المقرّف ده ؟

#ياشباب : لما تطلبوا العلم اطلبوه عند مشايخ رجالة يعلموكم النخوة والرجولة بدل ما تبقوا زي

الشباب ده اللي مش عارف يميز بين وضع مشين وحوادث عارضة بين النبي ﷺ والصحابة

وأزواجهم وبين أوضاعنا اللي بقت سبب نزول البلاء علينا كل يوم

هو كان فيه واحدة بتسيب بيتها وتمشي بغير إذن زوجها ؟..طب يا ابني ما هو ياما بيحصل

والبيوت مغلقة عاللي فيها

👉ربنا يرحمنا من هبوب عاصفة النسونة اللي عمت جيل الخلع دا والله

👉اتعلموا الرجولة ومتخلوش حد يلعب في إعداداتكم زي ما اتلعب في إعدادات الشاب المسكين

دا وغيره من الشباب

#ربنا يرحمنا 🙏



## 🌟 الصراحة حلوة مفيش كلام 😊

🌟 إستماتة [البنت في تحديد مواعيد زيارتها لأُمها من ساعة الخطوبة دا مش معناه إن البنت بتحط بس النقاط

عالحروف علشان كل حاجة تكون واضحة  
لا أبداً.. الموضوع لا يستحق كل هذه الصراعات ،  
ومفيش شاب أصلاً بيدخل وفي نيته يقطع بنت من أهلها  
الفكرة وما فيها إن البنت مش متعودة تفتح بيت وشايفه  
إنها مش هتقدر تشيل مسؤولية بيت لإنها طوال عمرها  
حبيسة غرفتها (بتذاكر)

بعد الزواج بتحصل المشكلات علشان (عاوزه أزور ماما  
\_ بيمنعني أروح لأمي \_ كنت تعبانة وكل ما أقول له  
أروح يقول لي لأ)

الفكرة إنها مش عاوزه تزور أمها ولا حاجة.. دي بس  
بتختار المكان اللي بيوفر لها سبل الراحة ومفيش فيه أي

هههه أنا شفت بوست الاستماتة بتاع  
البنت وحقيقي أنا جاية اشهدك بالكلام  
ده انا تربية نظامstrong  
independentوالشغل وحاليا في طب  
هتخرج كمان سنه و نص و كل كلمة  
قلتها صح  
الوحدة بتبقى متعودة على كل أساليب  
الراحة اللي تخطر في بالك و حقيقي أنا  
سكنت في سكن جامعي و مش عارفه  
أوكل نفسي و بخس بالخمس و الستة  
كيلو شهريا

تربية النظام ده لا تنفع أبدا لان تكون  
مسؤولة من بيت للأسف .. يعني أنا  
مقتنعه ان عمري مش هعرف افتح بيت  
متربيين على الدلع و الاستحقاقية وان لو  
جوزك ضايك اطلقي كده كده معاك

## إلزام مطلقاً

البنات مبيتربوش على ثقافة فتح بيوت... لا أبداً الكلام دا كان زمان

دلوقتي بتتربى تطلع دكتورة تفتح عيادة 🏥

مهندسة تفتح مكتب إستشارات هندسية 🏢

مدرسة تفتح سنتر دروس 🎓

فتح البيت دا ومعرفة حقوق الزوج والأوممة والكلام القديم دا مبقاش في أولويات الأسر دلوقتي  
للأسف

(ودا سبب إنها لما بتغضب عند أهلها بتشتغل الشغلانة اللي كانت بتطمح لها )

ولذلك... لازم تتعلم إزاي تعرف البنت دي اتربت على فتح بيت وللا لأ

متعديش عليك إهتمامها المبالغ فيه بالزيارة مرور الكرام

متعديش عليك كلمتها (بإذن الله اتعلم الطبخ في بيتك) مرور الكرام

متعديش عليك صورة أمها الموظفة وأختها المتطلعة للخروج كدا مرور الكرام

كل دي مشغبات هتدمر حياتك بعدين يا صاحبي

[#تصحيح مفاهيم الزواج](#)

**مشاكل وحلول** أحمد الأهماني  
مشاكل زوجية وشبهات مختارة وحلولها الواقعية والشرعية

[#حبل الأمان](#) 🧘

👉 انتشرت الصورة على نطاق واسع بين رواد صفحات التواصل الإجتماعي... كما ترى فهي لطفل يتعلق بإحدى البنايات من الخارج يقوم بطلاء الجدران على مستوى مرتفع... وقد استخدم هذا الحبل كوسيلة أمان.. (Safety) العجيب في المشهد أن الحبل مربوط في رقبته بدلاً من ربطه في وسطه! 🤔

[#عارفين دا معناه إيه؟](#)

معناه إن الطفل لو وقع واعتمد على وسيلة الأمان دي هيموت (شنقاً) بحبل الأمان اللي اعتمد



عليه في نجاته 🤔

👉 المشهد مع غرابته الشديدة إلا إنه موجود بكثرة جداً في مجتمعاتنا 🇪🇬

👉 المشهد ده بالضبط هو مشهد الرجل اللي كان عاوز يأمن مستقبل أولاده ضد المخاطر وعلشان ينفذهم من مستقبل مجهول (عمل لهم دفاتر توفير ربوية في البنوك.... أو قام بالتعاقد مع شركة تأمين للتأمين على حياتهم) !

نفس وسيلة الأمان اللي استخدمها علشان تنقذ مستقبلهم هي نفسها الوسيلة اللي عرضتهم للضياع وشنقت البركة من حياتهم.... (دا مش نظام سيفتي ياعم الحاج... راجع نفسك) 🤔

👉 مشهد الرجل اللي تروح تتقدم لبنته فيقعد يقولك.. (صحيح يا بني بنشتري راجل بس دا ميمنعش برضه نأمن مستقبل بنتنا)... ويقعد يمضيك على إيصالات أمانة وفاكر إنه بكده بيعمل نظام (سيفتي) لحياة بنته.... (يا عم الحاج... إنت بتقتل حياة بنتك وبتخليها مجرد سلعة اتباعت للي يدفع فيها أكثر... بتشنق مستقبلها يا حاج وبتقضي على كل مظهر من مظاهر المودة والرحمة الي ممكن



تيجي من زوجها تجاهها..وبتعمل ثغرات للشيطان علشان يدخل لحياتهم بعد كدا...فووووووق من الغيوبة يا حاج) 🙄

➡ هو ده بالضبط مشهد الشاب اللي بيروح للمعصية علشان تطفي نار جواه..بيفتكر في البداية إنه بيخرج بالنظرة الحرام أو السجارة لمرحلة أمان نفسي..ولكنه في النهاية بيكتشف إنها بتزود من خنفته بالبعد عن ربه سبحانه وتعالى...عن حذيفة قالَ كَانَ النَّبِيُّ ﷺ إِذَا حَزَبَهُ أَمْرٌ صَلَّى...[شاييف الأمان والراحة كانت عند النبي ﷺ بتتمثل في إيه؟بيصلي)...(سيفتي المعاصي مش نظام آمن لك يا أخي )

➡ عارف مشهد أول مَنْ تُسَعَّرُ بِهِمُ النَّارُ؟...(مجاهد....ومنفق....وقارئ للقرآن)...كانوا فاكربين إنهم بكده بيعملوا (نظام سيفتي) لحياتهم الباقية....للأسف الشديد...العمل كان فيه رياء...نظام الأمان اللي عملته لنفسك هو نفسه النظام اللي كان سبب في خنفتك وهلاكك 🙄

➡ إحنا بنشوف كل يوم ناس بيستخدموا نظام الأمان غلط....اربط الحبل في أي مكان يا حاج وبلاش تربطه في المكان اللي هيكون فيه سبب خنفتك وهلاكك

#تعرف\_الحبل\_ينقذك\_إزاي؟

((لو وافق الحبل الكتاب والسنة فده حبل إنقاذ وسيفتي أكيد....أما لو خالفهما فلازم تفهم إن ده سبيل خنفتك بعد كده ))

#فاهم\_يا حاج؟ 🙄



👉 من حوالي ١٠٠ سنة قدروا يجندوا ناس يلعبوا اللعبة دي في ديار المسلمين قاسم أمين وهدي شعرواي وصفية زغلول هيكلوا الشعب المصري المحافظ عن التعليم وأهميته وإزاي علشان تكونوا متعلمين لازم تخرجوا بناتكوا للمدارس وبالفعل...بعض الناس في الوقت ده بدأت الفكرة تدخل في عقولهم وبدأوا بالفعل يدخلوا بناتهم المدارس علشان تعرف بس يادوب تفك الخط بدأت شريحة تعمل كدا وتكلم الشريحة التانيه اللي مش مقتنعة بخروج البنات أصلا علشان المهمة دي وشايفين إن البنات ملهاش غير بيتها



بدأ الناس الكبار في البلد يودوا بناتهم التعليم الإعدادي والثانوي ثم الجامعات وبقت البلد كلها تحتفل ببنت فلان اللي اتخرجت من الجامعة

بدأ الناس يبصوا لبعض ، وكل واحدة تقول إشمعنا فلانة بنت فلان وكل واحد يقول مفيش حد أحسن من حد ، وهكذا

البيئة بقت خصبة للنسـ..ويات علشان يبنوا أفكارهم في مجتمع جديد ، مجتمع كان محافظ لا بيختلط بحد ولا حد بيشوفه واشتغلوا عالمحاور دي

1/إخراج المرأة من بيتها بحجة الدراسة

2/الهدف للبنت هو العمل مش تكوين أسرة

3/تأخير سن الزواج

البنت اللي كانت بتتعلم كل حاجة في البيت وهي صغيرة بقت دلوقتي محبوسة في أوضتها علشان عندها مذاكرة طوال العمر

البنت اللي مكنتش بتختلط بالرجال بقت دلوقتي بتختلط وبتتعاكس وبيتم التحرش بيها أحياناً علشان المجتمع مش حلو ولازم يكون معاها شهادة

البنت اللي كانت بتتزوج بعد البلوغ دلوقتي بتتزوج بعد ما تخلص الجامعة علشان لازم تتعلم وتتنور

بعد كدا بدأوا يقولوا لهم: (انتوا أخذتوا الشهادات علشان ترموها في الدرج ؟)

انزلوا اشتغلوا واختلطوا بالرجال والبنت زي الولد دي مش كماله عدد

بس فيه رجال مش هيوافقوا...متقلقوش

هنعمللكوا قوانين تأمنلكم أي حركة تيجي من الرجل اللي هيمنعك

هنخليكي تطلعي منه بأكبر قدر من المكتسبات كمان علشان هو راجل ظلامي وهنديكي العيال

تربيههم لحسن يربيههم زي زمان وبيوتهم تبقى عمرانة

دلوقتي سهل جداً زوجتك تشتمك وتسبلك بالدين لأنها بقت تسمع الكلام دا كتير من سواقين

الميكروباصات وهي رايحه الجامعة

دلوقتي كمان بقيت تلاقي شيخ كبير قاعد يدافع عن كل المليطة دي علشان إحنا محتاجين الطبية

اللي تولد بناته وهو نفسه ولدته الداية بغير أدنى مجهود بس لما هو وغيره ساعدوا في انتشار

الفواحش ربنا عاقبنا بالأمراض والأورام التي لم تكن في أسلافنا

دلوقتي مبقاش فيه أسرة \_ مبقاش فيه بيت \_ مبقاش فيه نواة لإخراج طفل مسلم حقيقي علشان  
الأم بقت مشغولة

شغلوها بالهدية اللي هتديها للمدرس بتاعها وتحقيق ذاتها وشغلوها بعد كدا باختيار وظيفتها (اللي  
هي كل حاجة غير إنها تكون أم)

مبقاش فيه قدامنا غير الشغل على جيل جديد يفهم (وقرن في بيوتكن) بجد  
ويفهم (كلكم راع وكلكم مسؤول عن رعيته) بما تحمله الكلمة من معنى

[#وربنا يعوضنا](#)

مشاكل وحلول أحمد الإهواني  
مشاكل زوجية وشبهات مختارة وحلها الواقعية والشرعية



مع تحيات

موسوعة اعرف دينك للعلوم الشرعية